

O Le Liahona



**O Lou Avanoa Sili ona
Lelei mo le Fiafia, i. 14**

**O Mea e Fa e Mananao Tagata
Fou o le Ekalesia E Te Iloa, i. 22**

**O le Mafuaaga e Faiaina ai le
Gugū i se Tauga o Upu, i. 28**


**O Le Ala na Laveai ai A'u e La'u
Uarota ina ua uma ona Pule La'u
Tama Teine i le Ola, i. 34**



O lenei vaai filemu o loo faali mai ai i tua atu le Mauga o Kumora. I Amerika anamua, o se perofeta sa Nifae e igoa ia Moronae sa ia nanaina faamaumauga a Iona nuu i le mauga. Pe tusa ma le 1,400 tausaga mulimuli ane, sa tofoi mai ai Moronae i se nofoaga lata ane o se agelu ma faali mai i le taulealea o Iosefa Samita le nofoaga o i ai faamaumauga. Sa eli mai i luga e Iosefa faamaumauga ma faaliliu, lea na oo ina lauiloa o le Tusi a Mamona.

Ata na pueina e George Edward Anderson,
Faaloaloga a le Church History Library and Archives

O Le Liahona, Setema 2017



14

34 Laveaiina i le mavae ai o le pule i le ola o lo'u afafine

Saunia e Etta Thorpe

Ina ua maliu la'u tama teine i le pule i le ola, sa loloto o'u manua faalelagona. O le mea na lelei ai, sa i ai la'u uarota iina e tausi au ia ou toe maloloina.

MATAGALUEGA

8 Tusigāmanatu o le Konafesi o Aperila 2017

10 Aoa Atu i le Ala a le Faola: Alofa ma le Keke Sukalati: O Le A Se Mea E te Faia e Toe Aumai Ai i Latou?

Saunia e Devin G. Durrant

38 O Ata o le Faatuatua: Cayo ma Atonio

40 O Leo o Le Au Paia o Aso e Gata Ai

80 Seia Tatou Toe Feiloai: O le Tusi a Mamona: o se Vavega Moni Lava

Saunia e Elder Mark E. Petersen

O SAVALI

4 Savali a le Au Peresitene Sili: O Perofeta e Taialina i Tatou

Saunia e Peresitene Thomas S. Monson

7 Savali a Faiaoga Asiasi: Ua Tasi le Loto

TALA FAAALIA

14 O Le Ala a le Talalelei i le Fiafia

Saunia e Elder Jeffrey R. Holland

E faapefea ona tatou tulituli-matagauina le fiafia, aemaise lava pe afai o loo taoto mai le olaga i le lumanai o se mauga e faigata ona aea?

22 E Mafai Ona Lelei Atu Ona Tatou Faia: Faafeiloaiina o Isi i totonu o le Lafu

Saunia e Betsy VanDenBerghe

O auala e fa e mafai ona tatou fesoasoani ai i tagata fou ma tagata ua toe foi mai ia lagona le taliaina i le Ekalesia.

28 Puipuia o le Faatuatua

Saunia e Elder Jörg Klebingat

O le a se mea tatou te naunau e fai e puipuia ai lo tatou talitona ia Iesu Keriso?



I LE FAAVAA

Ata na pueina e Leslie Nilsson.

O LE A OO MAI I LE MASINA FOU

Aoa e uiga i suiga i fonotaga a le Au Perisitua Mekisateko ma le Aualofa 2018





48

44 Faatoilaloina o le Matautia o le Masalosalo

Saunia e Elder Hugo Montoya
E mafai faapefea ona tatou tumau i le faamaoni pe a siomia i tatou e le masalosalo ma faaososoga?

48 Tofotofoina o Musika

Saunia e Marcel Hall
Sa ou iloa ai, o se mea faatauvaavaa lava e mafai ona suia mea uma.



Vaai pe mafai ona e mauaina le Liahona o loo natia i le lomiga lenei. Faaitete: O a ni filifiliga taua na e faia?



52

50 Enisinia o Vaalele

Saunia e Richard M. Romney
O a mea a vaalele e fai i le talalelei?

52 O Lau Molimau ma le Tusi a Mamona

Faitau i tala e tolu mai le autalavou e uiga i le auala ua suia ai e le Tusi a Mamona o latou olaga.

56 O Upumoni e 25 i le Tusi a Mamona

O le Tusi a Mamona o le maa'au'au o lo tatou tapuaiga—sue le pogai!

58 Tusitusiga Paia: Sefulu Minute i le Aso

Saunia e Hadley Griggs
Ua e lelava toilalo i au sini o le sue-sueina o tusitusiga paia? Faataitai le mea lenei.

62 Pepa Lautele o I Ai se Savali: Lofituina?

63 Tuusao i le Mataupu

E mafai faapefea ona ou teteina faaososoga? O le a se mea e tatau ona ou faia pe a liliuese tagata e pele [ia te au]?

64 O Tali mai Taitai o le Ekalesia: O Auala e Valaaulia ai le Agaga Paia

Saunia e Peresitene Henry B. Eyring

65 O La Tatou Avanoa



76

66 Faitauga i le Konafesi

O se ala manaia ma malie lenei e maitau ai upu eseese e ono faalogo i ai i le konafesi aoao!

67 O Se Atavali o Keriso

Saunia e Tesla S.
Sa sauni le uo a Tesla mo se mea faapitoa—sa faapena foi Tesla.

68 O le Filifiliga a Sieni

Saunia e Jessica Larsen
Sa sailia e Sieni le upumoni. Mata na te maua le mea sa ia sailia?

70 O La Tatou Itulau

71 Ata Faatusa o le Talafaasolopito o le Ekalesia: Tuafafine o le Aualofa ma le Malumalu o Navu

72 O Tali mai se Aposetolo: E mafai faapefea ona faamalosi la'u molimau?

Saunia e Elder Ronald A. Rasband

73 Aua le Taalo i le Afi!

Saunia e Jean B. Bingham
Afai e te taaalo i se mea matautia, e mafai ona e lavea ai!

74 O Fanau Uma a le Atua

Saunia e Julie Cornelius-Huang
Sa asiati atu i Iren i le lotu a lona tamamatua mo le taimi muamua—ae sa leai se mea na pei ai o isi lotu sa vaai muamua i ai.

76 Tala ia Iesu: E Agalelei Iesu

Saunia e Kim Webb Reid

79 Itulau e Valivali: E Mafai Ona Ou Agalelei

O le Lomiga Faamaonia Faa-Samoa a le Ekalesia a lesu Keriso o le Au Paia o Aso e Gata Ai

Susuga a le Au Peresitene Sili: Thomas S. Monson, Henry B. Eyring, Dieter F. Uchtdorf

O Le Korama a Aposetolo e Toasefululua:

Russell M. Nelson, Dallin H. Oaks, M. Russell Ballard, Robert D. Hales, Jeffrey R. Holland, David A. Bednar, Quentin L. Cook, D. Todd Christofferson, Neil L. Andersen, Ronald A. Rasband, Gary E. Stevenson, Dale G. Renlund

Faatonu: Joseph W. Sitati

Assistant Editors: Randall K. Bennett, Carol F. McConkie

Fautua: Brian K. Ashton, Bonnie H. Cordon, LeGrand R. Curtis Jr., Sharon Eubank, Christoffel Golden, Douglas D. Holmes, Erich W. Kopischke, Larry R. Lawrence

Pule Faatonusili: Richard I. Heaton

Faatonusili o Mekasini a le Ekalesia: Allan R. Loyborg

Pule o Mea Tau Pisinisi: Garff Cannon

Pule Faatonutonu: Adam C. Olson

Pule Faatonutonu Lagolago: Ryan Carr

Lagolago o Lomiga: Cremlida Amaral

Au Tusiutusi ma Faatonutonu: Maryssa Dennis, David Dickson, David A. Edwards, Matthew D. Flitton, Lori Fuller, Garrett H. Garff, LaRene Porter Gaunt, Jon Ryan Jensen, Charlotte Larcabal, Michael R. Morris, Eric B. Murdock, Sally Johnson Odekirik, Joshua J. Perkey, Jan Pinborough, Richard M. Romney, Mindy Anne Selu, Marissa Widdison

Pule Faatonusili Tusiata: J. Scott Knudsen

Faatonusili Tusiata: Tadd R. Peterson

Au Mamanu: Jeanette Andrews, Fay P. Andrus, C. Kimball Bott, Thomas Child, David Green, Colleen Hincley, Eric P. Johnsen, Susan Lofgren, Scott M. Mooy, Mark W. Robison, Rachel Smith, Brad Teare, K. Nicole Walkenhorst

Faatonu o le Puletaofia ma Fatufatuga:

Collette Nebeker Aune

Pule i le Gaosiga: Jane Ann Peters

Au Gaosi: Ira Glen Adair, Connie Bowthorpe Bridge, Julie Burdett, Thomas G. Cronin, Bryan W. Gygi, Ginny J. Nilson, Derek Richardson

Tailolomi: Joshua Dennis, Ammon Harris

Faatonusili Lolomiga: Steven T. Lewis

Faatonusili o le Tufatufaga: Troy K. Vellinga

Mo le okaina o mekasini, alu i le store.lds.org po o le faletusi Tutotonu i Pesega. Telefoni 64127. Totogi o le Mekasini: \$0.55 (Samoa) i le kopi. Totogi mo le Tausaga Atoa \$6.60 (Samoa).

Auina atu tusitusiga ma faafesili i luga o le initoneti

i le liahona.lds.org; pe meli mai i le *Liahona*, Rm. 2420, 50 E. North Temple, Salt Lake City, UT 84150-0024, USA; po o le i-meli: liahona@ldschurch.org.

O le *Liahona* (o lona uiga i le Tusi a Mamona o le "tapasa" po o se "faatonuala") e lomia i le faa-Alepania, Aminia (Sasae), Pisilama, Palekeria, Kemupotia, Sepuano, Saina, Kalaotia, Siekisolovakia, Tenimaka, Take, Igilisi, Esitonia, Fiti, Finelani, Farani, Siamani, Eleni, Hanikeri, Initu, Iselani, Initonesia, Italia, Iapani, Kiripati, Korea, Latvia, Litunia, Malakasa, Masela, Monokolia, Nouei, Polani, Potukale, Romania, Rusia, Samoa, Saina (ua faafaigofieina), Silovenia, Sipaniolo, Suetena, Swahili, Tagaloka, Tahiti, Tai, Toga, lukureini, Urutu, ma Viatename. (E eese lava gagana.)

© 2017 Puletaofia e le Intellectual Reserve, Inc. Ua taofia aia tatau uma. Lomia i le lunaita Setete o Amerika.


Faamatalaga o le Puletaofia: Vagana ua faailoa atu, e mafai e tagata taitoatasi ona kopiina anomea mai le *Liahona* mo lo latou faaogaina patino, ma le saili tupe (e aofia ai mo valaauga o le Ekalesia). O lenei aia tatau e mafai ona faaleaogaina i soo se taimi. O anomea o mea faitino e le mafai ona kopiina pe afai o loo faailoa mai se faasa i le laina o loo i ai ma le faatufugaga. O fesili mo le Puletaofia e tatau ona faatuatusi mai i le Intellectual Property Office, 50 E., North Temple St., FL 13, Salt Lake City, UT 84150, USA; email: cor-intellectualproperty@ldschurch.org.

For Readers in the United States and Canada:

September 2017 Vol. 41 No. 9. O Le Liahona (USPS 311) Samoan (ISSN 1045-0947) is published monthly by The Church of Jesus Christ of Latter-day Saints, 50 East North Temple, Salt Lake City, UT 84150. USA subscription price is \$10.00 per year; Canada, \$12.00 plus applicable taxes. Periodicals Postage Paid at Salt Lake City, Utah. Sixty days' notice required for change of address. Include address label from a recent issue; old and new address must be included. Send USA and Canadian subscriptions to Salt Lake Distribution Center at address below. Subscription help line: 1-800-537-5971. Credit card orders (Visa, MasterCard, American Express) may be taken by phone. (Canada Post Information: Publication Agreement #40017431)

POSTMASTER: Send all UAA to CFS (see DMM 507.1.5.2). NONPOSTAL AND MILITARY FACILITIES: Send address changes to Distribution Services, Church Magazines, P.O. Box 26368, Salt Lake City, UT 84126-0368, USA.

FAAOPOOPOGA O LOO MAUA I LE INITONETI



Faitau tusiga ma auina atu la oe lava tusiga i le

liahona.lds.org



Sue savali musuia e mafai ona faasoa atu

(i le gagana Peretania, Potukale, ma le Sipaniolo) i le [facebook.com/liahona](https://www.facebook.com/liahona)



Auina mai finagalo faaalua i le

liahona@ldschurch.org



la lesitala i le store.lds.org

Po o le asiasi i se faletusi atu, fai atu i taitai o le uarota, pe valaau i le 1-800-537-5971 (I.S. ma Kanata).



AIKONA MAILE GETTY IMAGES

AUTU I LE LOMIGA LENEI

E ta'u mai e numera le itulau muamua o le tusiga.

Agaga Paia, 7, 64, 73

Agalelei, 14, 22, 34, 76, 79

Alofa, 7, 10, 14, 34

Aooa atu, 10

Auauna atu, 7, 10, 34, 65, 67, 72

Faatoaogaina mai, 10, 22, 34

Faatuatu, 28, 41, 44, 63, 64

Faitalia, 14, 28, 68

Fiafia, 14, 34

Galuega, 14

Galuega faafaifeautalai, 10

Iesu Keriso, 7, 14, 44, 56

Isi tapuaiga, 67, 74

Konafesi aooa, 4, 66

Liua, 22, 38, 52, 68

Lotogatasi, 7, 22

Lototele, 28, 44, 63, 68

Maliu, 34, 40

Masalosalo, 44

Molimau, 72

Muai olaga, 28

Perofeta, 4

Salamo, 63, 73

Seminare, 65

Tagata sulufai, 65

Tama Faalelagi, 28, 48, 50, 63, 64

Tatalo, 52, 64, 72

Tusi a Mamona, 42, 43, 52, 56, 58, 80

Tusitusiga Paia, 52, 56, 58, 72

Usiuitai, 73

Vaisu, 42



Saunia e Peresitene
Thomas S. Monson

O PEROFETA E TAIALAINA I TATOU

Ini nai tausaga ua mavae, sa ou nofo ai i le potu o le Malumalu o Sate Leki lea e fono ai le Au Peresitene Sili ma le Korama a Aposetolo e Toasefululua e faatasi i le vaiaso. Sa ou tepa atu i luga o le pui-pui lea e feagai ma le Au Peresitene Sili, ma o iina na ou vaai atu ai i ata o Peresitene taitasi o le Ekalesia.

A o ou tilotilo atu ia te i latou, o e na muamua atu ia te a'u—mai le Perofeta o Iosefa Samita (1805–44) ia Peresitene Gordon B. Hinckley (1910–2008)—sa ou mafaufau, “Ou te matua faafetai mo le taitaiga a i latou taitoatasi.”

O tamalii maoae nei o e sa le'i maluelue, sa le'i faavaivai ma sa le'i toilalo. O ni tagata nei o le Atua. A o ou mafaufau i perofeta o aso nei na ou iloa ma alofaina, ou te manatua o latou soifuaga, o lo latou uiga, ma a latou aoaoga musuia.

O Peresitene Heber J. Grant (1856–1945) o le Peresitene o le Ekalesia i le vaitaimi na ou fanau mai ai. A o ou mafaufau i lona soifuaga ma aoaoga, ou te talitonu o se uiga auumama sa faaalua e le aunoa e Peresitene Grant o le filiga—filiga i mea e lelei ma matagofie.

O Peresitene Siaosi Alapati Samita (1870–1951) sa Peresitene o le Ekalesia i le vaitaimi sa ou auauna ai o se epikopo o le matou uarota i le Aai o Sate Leki. Sa ia saunua faapea, o loo i ai se toso-gamaea tele o loo faia i le va o le Alii ma le fili. Sa ia aoao mai, “Afai o le a e tumau i le itu a le Alii, o le a e i lalo o lana uunaiga ma o le a leai sou manao e faia mea sese.”¹

Sa valaauina au e auauna atu o se sui o le Korama a Aposetolo e Toasefululua i le 1963 e Peresitene Tavita O. MaKei (1873–1970). Sa ia aoaoina mai le magafagafa i isi e ala i le ola sa soifua ai i lona olaga. Na saunua o ia, “O le

Kerisiano moni, o le alofa i lona faatinoga.”²

O Peresitene Iosefa Filitia Samita (1876–1972), o se tasi o tusitala a le Ekalesia na tusia le tele o tusi, sa avea ma se mataupu taiala i lona soifuaga le atamai i le talalelei. O se tamalii lea ua ou iloaina, sa faitau e le aunoa i tusitusiga paia ma sa masani i aoaoga ma aoaoga faavae o loo maua ai i totonu o o latou itulau.

Na auauna atu Peresitene Harold B. Lee (1899–1973) o se peresitene o le matou siteki a o ou laitiiti. O se upusii e sili ona fiafia i ai o ia o le, “Ia outou tutu ai i nofoaga paia, ma aua le masii ese.”³ Sa ia uunaia le Au Paia ia agavaa i le, ma tali atu i, musumusuga a le Agaga Paia.

Ou te talitonu o se mataupu faavae taiala i le soifuaga o Peresitene Spencer W. Kimball (1895–1985) o le tuuto. Sa atoatoa ma manino lelei lona tuuto i le Alii. Sa tuuto foi o ia i le ola i le talalelei.

Ina ua avea Peresitene Ezra Taft Benson (1899–1994) ma Peresitene o le Ekalesia, sa ia tofia au e auauna atu o lona Fesoasoani Lua i le Au Peresitene Sili. O le alofa sa avea ma ana mataupu faavae taiala, lea sa faaalua i lana upusii na sili ona fiafia i ai, na fofoga mai e le Faaola: “O a ituaiga o tagata e tatau ona outou i ai? E moni ou te fai atu ia te outou, e pei lava o au nei.”⁴

O Peresitene Howard W. Hunter (1907–95) o se tasi sa le aunoa ona vaavaai mo uiga e sili ona lelei i isi. Sa faaalalo o ia i taimi uma; sa lotomauualalo o ia i taimi uma. Sa o se faamanuiaga lo'u auauna atu ai o lona Fesoasoani Lua.

Na aoao mai e Peresitene Gordon B. Hinckley i tatou, ia faia le mea sili tatou te mafaia. Sa ia tuuina mai se molimau mamana e uiga i le Faaola ma Lana misiona. Sa Ia aoaoina



toto ola tonu lea o le talalelei a Iesu Keriso.

Tau ina ia tatou sauniuni e maua faaaliga faaletagata lava ia lea o le a tele mai i le taimi o le konafesi aoao. Talosia ia tutumu o tatou loto i le naunautai loloto a o siiae o tatou lima e lagolago ai perofeta ma aposetolo soifua. Talosia ia faamalamalamaina, siitia, faamafanafanaina, ma faamalosia i tatou a o tatou faalogologo atu i a latou savali. Ma talosia ia tatou saunia e toe tautino i tatou lava i le Alii o Iesu Keriso—Lana talalelei ma Lana galuega—ma ola ma se tautinoga faafouina i le tausia o Ana poloaiga ma le faataunuuna o Lona finagalo. ■

FAAMATALAGA

1. *Aoaoga a Peresitene o le Ekalesia: Siaosi Alapati Samita* (2011), 191.
2. *Aoaoga a Peresitene o le Ekalesia: Tavita O. MaKei* (2003), 181.
3. Mataupu Faavae ma Feagaiga 87:8.
4. 3 Nifae 27:27.

i tatou ma le alofa. O le auuuna ai o lona Fesoasoani Muamua sa o se faamamaluga ma se faamanuiaga mo a'u.

Ua auina mai e le Faola ia perofeta aua e alofa o Ia ia i tatou. I le taimi o le konafesi aoao ia Oketopa a sau nei, o le a toe maua e le Au Pulega Aoao o le Ekalesia le avanoa e faasoa atu

ai Lana afioga. Matou te faataunuuna lenei tiutetauave ma le mamalu tele ma le lotomauualalo.

E mau le faamanuiaina o i tatou i le i ai o le Ekalesia toefuataiina a Iesu Keriso i luga o le fogaeleele, ma o le Ekalesia ua faavaeina i luga o le papa o faaaliga. O faaaliga faifai pea o le

AOAO ATU MAI LENEI SAVALI

Ua faasoa mai e Peresitene Monson ni lesona mamana sa ia aoaoina mai i perofeta na muamua atu ia te ia. Sa ia faamanatu mai foi ia i tatou, “e auina mai e le Faola ia perofeta aua e alofa o Ia ia i tatou.” I le auuuna atu ia i latou e te aoaoina, e te ono talanoaina auala e avea ai perofeta ma aposetolo o faailoga o le alofa o le Atua

mo i tatou. Mafaufau e faasoa atu se fautuaga mai se tasi o saunoaga a Peresitene Monson mai le konafesi aoao ua mavae. Valaaulia i latou e te aoaoina e saunia mo le konafesi aoao e ala i le toefaamanatuina o lauga na faapitoa ona musuia ai i latou ma na fesoasoani latou te lagona ai le alofa o le Faola.



Ia Viia Oe, Le Atua, mo se Perofeta



E mafai ona e sii maia le musika “Ia Viia Oe, Le Atua, mo le Perofeta” i le lds.org/go/9176.

Na faapefea ona uunaia oe e lo tatou perofeta o Peresitene Thomas S. Monson? O a ni mea o le a sili ona e manatua e uiga ia te ia? Mafaufau e tusi i lau api o talaaga e uiga ia Peresitene Monson ma lona soifua—o le tele lava e pei ona ia

faamatalaina i lenei savali, o uunaiga a perofeta taitasi na ia manatuaina. Atonu foi e te manao e filifili se upusii e sili ona e fiafia i ai mai ia te ia, ma tusi i se mea o le a e vaaia soo ai, e pei o luga o se faila aoga po o se faamatalaga i totonu o lou potu.


E mafai foi ona e faia ai se ata o le upusii e fai ma ata pito i tua o lau telefoni! I taimi taitasi e te vaai ai i le upusii, e mafai ona e manatunatu i le taua o se perofeta soifua ma manatua ai, o loo i ai o ia iinei e alofa ma taiala i tatou i aso nei.

ATA NA PUEINA E PEGGY MARIE FLORES

TAMAITI

E Taitai i Tatou e Perofeta ia Keriso

Ua tuuina mai e le Faaola ia i tatou ia perofeta ona e alofa o la ia i tatou. O le mulimuli i perofeta e fesoasoani tatou te filifili ai le mea sa’o. O le fea le ala e tatau ona ui ai tamaiti e mulimuli ai i le perofeta?



ATA NA TUSIA E ADAM KOFORD

Ua Tasi le Loto


Ia suesue ma le agaga tatalo lenei savali ma saili ia iloa mea e faasoa atu. E faapefea e le malamalama i le faamoemoega o le Aualofa ona saunia afafine o le Atua mo faamanuiaga o le ola e faavavau?

“Ma sa ta’ua e le Alii lona nuu o Siona, ona sa tasi o latou loto ma tasi le mafaufau, ma sa mau i le amiotonu; ma sa leai se mativa i totonu o i latou” (Mose 7:18). E mafai faapea ona tatou tasi?

Fai mai Elder M. Russell Ballard o le Korama a Aposetolo e Toasefululua: “I le fatu o le upu faa-Peretania *togiola* ua i ai le upu *tasi*. Afai e malamalama tagata uma i lenei mea, o le a leai lava se tasi o le a tatou le popole i ai, e tusa lava po o le a le matua, ituaiga, itupa, tapuaiga, po o tulaga i agafesootai po o le tamaoaiga. O le a tatou taumafai e faataitai i le Faaola ma o le a tatou le agaleaga, le popole, le faaloalo, po o le lē magafagafa i isi.”¹

Na aoao mai Peresitene Henry B. Eyring, Fesoasoani Muamua i le Au Peresitene Sili: “A i ai i tagata [le] Agaga e faatasi ma i latou, e mafai ona [latou] faamoemoe e i ai le lotogatasi. . . . E le faaosofia lava e le Agaga o le Alii ia finauga (tagai i le 3 Nifae 11:29). . . . E taitai atu ai i le filemu patino ma se lagona o le aufaatasi ma isi.”²

O le ta’ua ai o luitau i aiga, na



Faatuatua
Aiga
Toomaga

saunoa mai ai Carole M. Stephens, o le sa avea ma Fesoasoani Muamua i le Au Peresitene Aoao o le Aualofa: “Ou te le’i oo lava i ni aafiaga o le tatalaina o se faaipopoga, le tiga ma le le mautonu e sau mai le tuulafoaiina, po o le tiutetauave e fesootai ma le avea ma se tina nofotoatasi. Ou te le’i oo foi i ni aafiaga o se maliu o se tamaitiiti, le lē mauaina o ni fanau, po o le tosina atu i le itupa e tasi. Ou te le’i oo foi i le onosaia o le sauaina po o se gasegase tumau po o ni mea ua fai ma vaisu. Ou te le’i maua le avanoa e tofotofoina ai i nei mea.

“. . . Ae e ala i o’u tofotofoga ma luitau faaletagata lava ia . . .ua ou masani lelei ia te Ia o le, e malamalama i ai. . . . Ma le isi, ua ou oo uma i tofotofoga faaletino

ia na ou ta’ua mai se vaaiga faaleafafine, faaletina, faaletinamatua, faaleuso, faaleolomatua o le aiga, ma faaleuo.

O lo tatou avanoa o ni afafine tausi feagaiga o le Atua e le na o le aoao mai i o tatou lava luitau; ae o le faatasia lea i le loto malamalama ma le agaaloa a o tatou lagolagosua i isi tagata o le aiga o le Atua i o latou faigata, e pei ona tatou osifeagaiga e fai”³.

Mau Faaopoopo ma Faamatalaga

Ioane 17:20–23; Efeso 4:15; Mosaea 18:21–22; 4 Nifae 1:15
reliefsociety.lds.org

FAAMATALAGA

1. M. Russell Ballard, “O le Togiola ma le Taua o le Agaga e Tasi,” *Liahona*, Me 2004, 86.
2. Henry B. Eyring, “Ina Ia Tasi I Tatou,” *Ensign*, Me 1998, 67.
3. Carole M. Stephens, “O Le Aiga e Ou Le Atua,” *Liahona*, Me 2015, 11–12.



Mafaufau i le
Mea Lenei

E faapefea
ona
fesoasoani
le lotogatasi
i le tasi mai
le isi ia tatou
tasi ai ma
le Atua?

TUSIGĀMANATU O LE KONAFESI O APERILA 2017

“O le mea ua fai atu ai A’u o le Alii ua Ou fai atu ai; . . . pe i lo’u lava leo po o i le leo o a’u auaua, ua tutusa lava” (MF&F 1:38).

A o e iloiloia le konafesi aoao ia Aperila 2017, e mafai ona e faaaogaina itulau nei e fesoasoani ia te oe e suesue ma faaoga aoaoga lata mai nei a perofeta ma aposetolo soifua ma isi taitai o le Ekalesia.



MATAUPU FAVAE UA FAAMAMAFAINA

O Le Aiga Atua

“O na ua i ai ia i tatou le upumoni e uiga i le Aiga Atua ma lo tatou sootaga ia i Latou, o le faamoemoega o le olaga, ma le natura o lo tatou taunuuga e faavavau, ua tatou maua ai le faafanua sili ma le faamautinoaga mo la tatou malaga i le olaga faaletino. Ua tatou iloa po o ai o loo tatou tapuai atu i ai ma pe aisea foi ua tatou tapuai atu ai. Ua tatou iloa po o ai i tatou ma tagata e mafai ona tatou aveai ai (tagai MF&F 93:19). Ua tatou iloa le ua mafai ai mea uma lava, ma ua tatou iloa le mea e tatau ona tatou faia ia olioli ai i faamanuiaga silisili e oo mai e ala mai i le ata o le faaolataga a le Atua. E faapefea ona tatou iloa nei mea uma? Ua tatou iloa e ala i faaaliga a le Atua i Ana perofeta ma ia i tatou taitoatasi patino.”

Elder Dallin H. Oaks o le Korama a Aposetolo e Toasefululua, “O Le Aiga Atua ma le Ata o le Faaolataga,” *Liahona*, Me 2017, 103.

FOLAFOLAGA FAAPEROFETA



VALAAU ATU I MANA O LE LAGI

“Ua aoaoina i tatou e tusitusiga paia e faapea o le faaaogaina ma le amiotonu o le perisitua e faalagolago lea i lo tatou ola ai i mataupu faavae o le agalelei, alofa mama, ma le alofa. . . .

“Sei o tatou suesueina o tatou olaga ma naunau e mulimuli i le faaitaiga a le Faaola e ala i le agalelei, agaalofo, ma le alofa mama. Ma a tatou faia faapea, o le a tatou i ai i se tulaga lelei atu e valaau atu ai i mana o le lagi mo i tatou lava, mo o tatou aiga, ma mo o tatou uso o malaga i lenei malaga e faigata i nisi taimi, e toe foi atu ai i lo tatou aiga faalelagi.”

Peresitene Thomas S. Monson, “Agalelei, Alofa Mama, ma le Alofa,” *Liahona*, Me 2017, 66, 67.

Ina ia faitau, matamata, pe faalogologo i lauga o le konafesi aoao asi i le conference.lds.org



FAATOTONU-GA-LEMU IA KERISO

“Ia e faatuatua ia leova ma lou loto atoa;

a e aua le faalagolago i lou lava atamai’ [Faataoto 3:5–6]. . . .

“ . . . I le faaPeretania o le upu *faalagolago* e i ai se uiga o le lilifa atu faaletino po o le masii i se isi itu. A tatou faalagolago *faaletino* i se tasi itu po o se isi, tatou te o ese mai le ogatotonu, ua tatou le paleni, ma tatou pauuese.

A tatou faalagolago *faaleagaga* i lo tatou lava atamai, ua tatou le faalagolago atu i lo tatou Faola. . . .

“ . . . E mafai e i tatou taitoatasi ona faatuatua i le Alii a e *aua le faalagolago [sese]*. E mafai ona faatutotonu o tatou olaga i le Faola e ala i le iloaina o la, ma o le a la taitaia o tatou ala.”

Bonnie H. Cordon, Fesoasoani Muamua i le Au Peresitene Aoao o le Peraimeri, “Ia Faatuatua i le Alii a e Aua le Faalagolago,” *Liahona*, Me 2017, 6, 9.

TUSIAINA O MEA E TUTUSA

Soo Moni

E talanoaina i nisi taimi e le tele o failauga le autu lava lea e tasi o le talalelei. O saunoaga nei na saunoa i ai failauga e toatolu e uiga i le avea ma se soo moni o Keriso. Faaaoga le lomiga o Me 2017 pe asiasi i le conference.lds.org e faitau atili ai i a latou saunoaga.

- “O soo moni o Iesu Keriso ua loto e tutu atu, tautatala atu, ma ia ese mai ai i tagata o le lalolagi. E le fefefe i latou, ae tuuto ma lototetele.” —Russell M. Nelson, “Mauaina o le Mana o Iesu Keriso i o Tatou Olaga,” 39.
- “Ae o le avea ma soo moni o se tulaga. . . . E soifua ia soo ina ia mafai ona lalagaina i totonu o latou tagata ia uiga o Keriso, e pei o se ie lalaga faaleagaga.” —Robert D. Hales, “Avea o se Soo o lo Tatou Alii o Iesu Keriso,” 46.
- “O lo tatou alolofa mo le aso Sapati e le muta pe a tapunia faitotoa o le falesa i o tatou tua, ae e tatala ai faitotoa i se aso matagofie o le malolo mai galuega masani, suesuega, tatalo, ma le aapa atu i aiga ma isi e manaomia lo tatou gauaiga.” —Neil L. Andersen, “Manumalo i le Lalolagi,” 58.

O AI NA SANOA MAI I LENEI SAUNOAGA?

1. “O se tagata agasala ua salamo e latalata atili atu o ia i le Atua nai lo le tagata faafiaamionu ua ia ta’u salaina le tagata agasala.”
2. “O le uunaiga mo le siitiaina o le leo o le lapataiga, o le alofa lea—alofa i le Atua ma le alofa i uso a tagata. O le lapatai atu o le popole lea.”
3. “Afai o le alofa o le Atua o le fati lea o la tatou pese e tasi, e mautinoa lava o lo tatou sailiga e tasi ia usitai ia te la o le faigaleo taua e tasi lea o loo i ai.”
4. “Sa masani lava o se mea e seasea tupu ae sa talileleia le tuusaunoaga mo talavou e aumai ia igoa o o latou lava tuaa i le malumalu. O le taimi nei ua fai ma mea masani.”

Tali: (1) Dale G Renlund, (2) D. Todd Christofferson, (3) Jeffrey R. Holland, (4) Henry B. Eyring



ALOFA MA LE KEKE SUKALATI: O LE A SE MEA E TE TUUINA ATU E TOE AUMAI AI I LATOU?

Saunia e Devin G. Durrant

Fesoasoani Muamua i le Au Peresitene Aoao o le Aoga Sa

Sa lotovaivai Sister Babata Sonnenberg. I le avea ai ma se tina talavou o se fanau teine e tolima e i lalo ifo o le valu tausaga le matutua, sa faateia o ia i le valaauina e faiaoga i le vasega 16 i le 17 tausaga le matutua o le Aoga Sa i lana uarota. I le mavae ai o ni masina i lona valaauga, sa ia iloa ai na le fetau lava le auai ma sa masani ona tau leai ni tamaiti o le vasega. I se tasi o Aso Sa, sa na o le toatasi se alii na sau i le vasega. Nai lo o le aoaoina o le toatasi lea, sa tuu faatasi loa lana vasega ma se isi vasega. Sa sauni o ia e togi le solo. Peitai, a o mafaufau loloto ma tatalo e uiga i lona tulaga faanoanoa, sa oo mai se musumusuga, ma sa oo ai se suiga i lona loto.

Taumafaiga Fai Faatasi

O lona toalu o Teni, sa avea ma taitai misiona a le uarota. Sa musuia i laua e toalu e tuu faatasi a laua taumafaiga e aapa atu ai i le autalavou

o le uarota. O le a ia faia se keke sukalati, ma o le a ia valaaulia tagata talavou o le uarota e o mai i lo latou fale i afiafi o Aso Sa taitasi e ai le keke ma talanoa i tapenaga mo le misiona. A o aai le tupulaga i lona keke, e valaaulia e Sister Sonnenberg i latou i lana vasega o le Aoga Sa.

O se taunuuga o lenei valaaulia “suamalie,” na agai i luga le auai i le vasega o le Aoga Sa. Peitai ane, sa le maluelue mai lava se tasi o alii talavou, o Naite, i valaaulia faifai pea. Sa manatu Sister Sonnenberg o le a leiloa atu se tasi o ana mamoe. O lana tali atu i lona lagona o le “alu ma saili i le na leiloa, seia [ona] maua” (Luka 15:4).” O lea la, nai lo le fiu ia Naite, sa faia ai se Sister Sonnenberg se fuafuaga.

Asiasiga i Aiga

I se afiafi o se tasi o Aso Sa, sa alu atu ai o ia i le fale o Naite. Sa ia maua atu o ia i le fale faatasi ai ma se isi

tagata o lana vasega, o le sa lei auai atu i lona aso. Sa ia fai atu ia i laua uma, sa ia misia i laua i le vasega ma faaaau ai ona aoao i laua i le lesona i le taimi lava lea iina. Sa ootia le tamā o Naite, o le sa lei leva atu ona faamalolo o se epikopo o le uarota, i le finafinau o lenei faiaoga. Sa ia auina atu se feau tusitusia i lana tane na faitauina faapea: “Teni, faamolemole faafetai atu i lou faletua mo au. Sa musuia [lona] sau iinei ma aoao ai Naite ma Makei.”

E ui i lea, o le Aso Sa na sosoo ai, sa toe filifili foi Naite e le sau i le Aoga Sa. O lea na toe alu atu ai Sister Sonnenberg i lona aiga e faia ai se talanoaga o le talalelei faatasi ma ia. Sa iloa e Naite e ono tupu lona mea, o lea na alu ai i le fale o sana uo e lafi ai. Sa maua o ia e Sister Sonnenberg i se fale e le mamao mai i lona fale ma faasoa atu i ai le lesona iina.

Mulimuli ane, sa tonu ai ia Naite e toe foi atu i lana vasega i le Aoga Sa.





O Le A le Mea Na Aoga?

Aisea na toe foi mai ai Naite?

Pe ona o le keke sukalati na tufa atu e Sister Sonnenberg i lona fale?

Pe ona o asiasiga sa alu atu ai i le fale o Naite (ma le fale o le tuaoi) e sue o ia?

Pe ona o faamalosiuga mai uo ma aiga e alu i le lotu?

Pe ona o le alofa sa ia lagonaina mai ia Sister Sonnenberg, lona faiaoga o le Aoga Sa?

O le tali, atonu o mea uma lava na o loo ta'ua i luga. Mo nei mafuaaga uma ma isi, sa amata ai ona auai soo atu Naite, faatasi ma ana uo i le Aoga Sa.

O Le Vaega na Totoe o le Tala

Sei ou faaopoopo atu la le vaega o totoe o le tala. Ona o lagona ma i ai ia Naite e uiga i lona faiaoga o le Aoga Sa, na te lei faamisia ai se avanoa e faatau ai ni sukalati mo ia, ina ua ia vaai ia te ia i le faletele o faleoloa. O Sister Sonnenberg, o le sa faaalua atu ia te ia le alofa faateleina, sa avea ma tagata na mauaina lona alofa.

Ma mulimuli ane, ia Setema 2015, na faauma ai e Naite lana talosaga mo se misiona ma o loo auuana atu nei i le Misiona a Misisipi Jackson.

O isi foi tagata o le vasega o e sa faafaigata ona auai i le Aoga Sa, sa filifili foi e auuana atu i ni misiona. E toalima alii talavou ma tamaitai talavou e toatolu o e na auai i le vasega o le Aoga Sa a Sister Sonnenberg mo le 16 i le 17-tausaga i le taimi na avea ai o ia ma faiaoga, ua auuana atu, pe





o loo auauna atu i ni misiona, faapea ma nisi atonu o le a auauna atu.

Aapa Atu ia i Latou E Le O Auai Mai

O le vaega 1 “Alofa ia i Latou E te Aoaina,” o le *Aoao Atu i le Ala a le Faaola*, o loo aofia ai se autu o se talanoaga ua faaautuina “Aapa Atu ia i Latou E Le O Auai Mai.” E faitauina faapenei le autu: “O le aapa atu i tagata o le ekalesia e le toaaga, e le na o se tiute a le faiaoga o aiga, se faiaoga asiasi, po o se taitai perisitua po o le ausilali—e mafai foi ona fesoasoani faiaoga i lenei galuega. O le aoao atu e sili atu nai loo le na o le faia o se lesona i le Aso Sa. E aofia ai le auauna atu ma le alofa ma fesoasoani i isi e maua faamanuiaga o le talalelei, ma o lenei fesoasoani e tele ina manaomia moni e se tagata e le toaga o le vasega. Tatou te manaomia uma le galulue faatasi e aapa atu ia i latou o loo tauivi, ma i le aveia ai o se faiaoga e mafai ona e i ai i se tulaga tulaga faapitoa e fesoasoani atu ai.”¹

Na iloa e Sister Sonnenberg le tulaga faapitoa sa i ai o ia e fesoasoani ai i tagata o lana vasega. Sa faamanuiaina o ia i se avanoa faalevaiaso e pai atu ai i o latou loto, ma sa naunau o ia e faia lena mea—pe o totonu o lona potuaoga, po o totonu o o latou aiga. E manino lava, atonu e le maua e faiaoga uma se tulaga e asiasi ai i aiga o i latou o e e le auai i le vasega i vaiaso taitasi, ia pe mafai foi i taimi uma, ae e mafai e i tatou uma ona faia se mea, e tusa lava pe itiiti, e faaali atu ai le alofa ia i latou o loo tatou vaaia. Manatua

upu a le Perofeta o Alema: “O mea laiti ma faatauvaavaa e faataunuu ai mea tetele” (Alema 37:6).

Valaaulia ma le Alofa

O le vaega “Valaaulia ma le Alofa” o le autu o le talanoaga lenei o loo aofia ai le manatu lenei: “O vaaiga faamaoni o le alofa faa-Keriso ua i ai le mana maoae e faamalulu ai loto o tagata o le vasega o loo tauivi ma le talalelei. O le tele o taimi, e tau lava o le iloa e nei tagata taitoatasi e manaomia ma alofaina i latou.”²

O se taunuuga o taumafaiga a Sister Sonnenberg e aapa atu ia Naite, sa ia lagonaina le manaomia ma le alofaina. I le aveia ai ma faifeautalai faamisiona, ua maua nei e Naite ma ana uo i le vasega le avanoa e fesoasoani ai i isi ia lagonaina lena lava alofa faa-Keriso. O se matuai faamanuiaga le mafai ona latou manatua ma mulimuli i le faataitaiga a lo latou faiaoga o le Aoga Sa.


Seia Oo Ina E Maua Le O Loo Leiloa

I le aveia ai ma se Au Peresitene Aoao o le Aoga Sa, matou te faafetai atu i faiaoga o le Aoga Sa i le lalolagi atoa o e, i le tele o auala eseese, ua valaaulia ai tagata o le vasega e o mai ia Keriso. Matou te tatalo o le a faapea ona faamanuia outou e le Alii i a outou taumafaiga e alolofa ia i latou tou te aoaina ma, ona o lena alofa, e “saili ai i le ua leiloa, seia oo ina [outou] maua”—e pei ona sa Ia faia i le taimi o Lana galuega i le olaga nei. ■

FAAMATALAGA

1. *Aoao Atu i le Ala a le Faaola* (2016), 8, teaching.lds.org.
2. *Aoao Atu i le Ala a le Faaola*, 9.

Ina ia aoao atili e uiga i le aoao atu e pei ona aoao mai le Faaola, e mafai ona e matamata i le vitio “Love Those You Teach”, o loo maua i le teaching.lds.org, faapea foi ma isi vitio *Aoao Atu i le Ala a le Faaola*.





Saunia e Elder
Jeffrey R. Holland

O Le Korama
a Aposetolo e
Toasefululua

O LE ALA A LE TALALELEI LE Fiafia

*O Iesu Keriso o “le ala, le upumoni, ma le ola.”
E leai se tasi e oo mai i le fiafia moni vagana
ai ua mai ia te ia.*

I se faaupuga ou te mautinoa ua outou faafofoga i ai i le tele o taimi, sa saunoa mai ai le Perofeta o Iosefa Samita (1805–44), “O le fiafia o le faamoemoega lea ma le mamanu o lo tatou i ai iinei; ma o le iuga foi lena, pe afai tatou tulitulimatagauina le ala e tau atu i ai.”¹

O le sailiga aoga lena mo le fiafia o lea ou te fia tautala atu ai. Ia matau na ou fai atu, “sailiga mo le fiafia,” a le fiafia lava ia. Ia manatua le gagana na filifilia e le Perofeta o Iosefa: sa saunoa e uiga i le ala lea e tau atu i le fiafia, o le ki lea i le ausiaga o lena sini.

E le o se sailiga fou lenei. Sa avea o se tasi o tuliloaga taua a le tagata soifua i le talafaasolopito o le olaga. Sa fai mai se tasi o tamalii atamai lauiloa o le itulagi i Sisifo e faapea, o le fiafia o le uiga lea ma le faamoemoega o le olaga, o le manulauti atoa ma le gataaga o le i ai o le tagata soifua.²

O ia lena o Aristotle, ae ia maitau le talitutusa o lana faamatalaga faavaloga ma le saunoaga a le Perofeta o Iosefa—toetoe lava a tutusa faaupuga. I laina amata o le



ATAFU MALE GETTY IMAGES

Fai mai Henry David Thoreau, “O le fiafia e pei o se pepe; o le tele o lou tulitulia, o le tele foi lea o lona solasola ma oe, ae afai e te taulai atu i isi mea, o le a sau ma nofo lemu i luga o lou tauau.”

Tautinoga o le Tutoatasi a le I.S., na faasao-ina ai e faavavau e Thomas Jefferson a tatou tuliloaga faaletagata lava ia ma faaleupufai e ala i le sosooina e faavavau (i Amerika lava ia) o aia tatau maoae e le mafaatitia e tolu o le “Ola, Saolotoga ma le tulitulimatagauina o le Fiafia.” Ae ia matau o na mea maoae e tolu, o le fiafia e le o se aia tatau (e pei o le ola ma le saolotoga) ae ua fitoitonu i le *tulituli-matagauina* o le fiafia.

E faapefea la ona tatou “tulitulimatagauina” le fiafia, ae maise lava o loo tatou talavou ma leai ni potomasani, ma atonu foi ma sina fefe, ma ua taatia mai le olaga i o tatou luma, o se mauga e faigata ona tatou a’ea? Ia, e tasi le mea ua tatou mautinoa: e le faigofie ona maua le fiafia i le tamoe sao atu i ai. E masani lava ona nenefu tele, puupuu tele, ma maale-ale tele. Afai e te lei iloaina lava, o le a e iloa i le lumanai, o le tele lava o taimi, e oo mai le fiafia ia i tatou ae tatou te lei mafaufauina, pe

a o tatou pisi i le faiga o se isi mea. O le fiafia e toetoe lava o taimi uma o se taunuuga o se isi taumafaiga.

Sa faapea mai Henry David Thoreau, o se tasi o tusitala sa ou fiafia lava i ai a o ou i ai i le iunivesite, “O le fiafia e pei o se pepe; o le tele o lou tulitulia, o le tele foi lea o lona solasola ma oe, ae afai e te taulai atu i isi mea, o le a sau ma nofo lemu i luga o lou tauau.”³ O se tasi lenei o ulaga o le talalelei lea e masani ona iloagofie, e pei o le “o e ua mulimuli foi e ave ma muamua” (Mataio 19:30; MF&F 29:30) ma le “faamaumau lou ola e maua ai” (tagai i le Mataio 16:25). Ua tumu le talalelei i ulaga ma fe’alofaiga faapena, ma ou te manatu o le tulitulimatagauina o le fiafia o se tasi lea o na mea. E faapefea la ona tatou faaleleia o tatou avanoa mo le fiafia e aunoa ma le tulituliapuina lea e faapea ai ona tatou le maua? Sei ou alu lava i se tusi e sili ona mataina mo ni tali.

Ola ai “e tusa ma le Ala o le Fiafia”

O uluai tausaga e 30 o le talafaasolopito o le Tusi a Mamona e le o tuuina mai ai se tala manaia. Sa oo ina faateteleina le inoino i totonu o le auaiga o Liae ma Sarai, lea na faapea ona tetea ma vaeluaina ai lo latou auaiga, ma sosola mamao ai le tasi o vaega i le vaomatua, ona o le matatau mo o latou ola ina nei o latou afaina i le sailiga fasioti tagata a le isi vaega. Ao o ese faafuasei atu le vaega muamua i fanua le mautu e saili ai le saogalemu ma fatuina ai se olaga mo i latou lava i le mea sili latou te mafaia, sa fai mai le perofeta-ma le taitai o le itu sa Nifae o le aiga, sa latou “ola e tusa ma le ala o le fiafia” (2 Nifae 5:27).

A mafaufau atu i mea na latou oo i ai mo le 30 tausaga, faatasi ai ma mea ua tatou iloa o loo faatalitali mai mo i latou i tofotofoga o i luma atu, o se faamatalaga faapena e foliga mai toetoe lava a tiga. E mafai faapefea ona faamatalaina se mea faapenei o se mea tutasi e pei o le “fiafia”? Ae sa lei fai mai Nifae sa latou fiafia, e ui ina mautinoa lava sa latou fiafia. O lana tala mai, sa latou “ola e tusa ma le ala o le fiafia.” Ou te manao ia outou malamalama o loo i ai se ki matagofie i lena fuaitau e mafai ona matala ai faamanuiaga taua mo oe i aso o totoe o lou olaga.

Ou te le manatu o le Atua i Lona mamalu po o agelu o le lagi po o perofeta i le lalolagi, ua faamoemoe e faafiafia i tatou i taimi uma, i aso uma i soo se mea, pe a mafaufau atu i suega ma tofotofoga lea ua fuafuaina e tuuina mai e lenei malo o le lalolagi. E pei ona faaupuina ai e Peresitene James E. Faust (1920–2007), Fesoasoani Lua i le Au Peresitene Sili, i se tasi o taimi: “O le fiafia e le tuuina mai ia i tatou i totonu o se afifi lea e na o le tatou tatalaina lava ma faaoga loa. E leai se tagata e fiafia mo le 24 itula i le aso, fitu aso o le vaiaso.”⁴

Ae o la’u faamautinoaga ia te outou e faapea, i le fuafuaga a le Atua, e tele mea e mafai ona tatou faia e maua ai le fiafia tatou te mananao i ai. E mafai ona tatou uia ni laasaga faapitoa, e mafai ona tatou atinaea ni mausa faapitoa, e mafai ona tatou faia ni mea faapitoa e ta’u mai e le Atua ma talafaasolopito ia i tatou, e taitai atu ai i le fiafia faatasi ma le talitonuga mautinoa e faapea, *afai tatou te ola i se ala faapena*, atonu o le a iu ina tu lena pepe i luga o o tatou tauau.


I se faapuupuuga, o lou avanoa sili ona lelei mo le fiafia,

o le faia lea o mea e fai e tagata fiafia, ola i le ala e ola ai tagata fiafia, ma savali i le ala e savalia e tagata fiafia. A o e faia na mea, o le a faateleina le faaleleia o ou avanoa e maua ai le olioli i taimi e te le’i mafaufauina, e maua ai le filemu i nofoaga e te le’i mafaufauina, ma e maua ai le fesoasoani a agelu i taimi e te le’i iloa na latou iloa o loo e i ai. O auala nei e lima e mafai ona tatou ola ai “e tusa ma le ala o le fiafia.”

Ola i le Talalelei

O le mea aupito taua, o le fiafia sili, filemu moni, ma soo se mea e tau latalata atu i le olioli faaletusipaia, e maua muamua, taulamua, ma faavavau i le ola i le talalelei a Iesu Keriso. E tele isi filosofia ma faiga o talitonuga ua faataitaia. E moni lava, e foliga mai e saogalemu le faapea, e toetoe lava o isi filosofia ma faiga *uma* ua faataitaia talu mai lava seneturi o le talafaasolopito. Ae ina ua fesili le Aposetolo o Toma i le Alii i le fesili lea e masani ona fesiligia e tagata talavou i aso nei, “Matou te mafaia faapefea ona iloa le ala?”—lea ua faaliliu e le toatele e faapea, “E mafai faapefea ona matou iloa le ala ia fiafia ai?”—Na tuu atu e Iesu le tali lea o loo tatagi mai le faavavau e oo i le faavavau atoa:

“O au nei le ala, ma le upumoni, ma le ola. . . .




“O mea uma foi tou te ole atu ai i lo’u igoa, ou te faia lava. . . .

“Afai tou te ole atu i se mea i lo’u igoa, ou te faia lava” (Ioane 14:5–6, 13–14).

E maeu lea folafolaga! Ola i la’u ala, ola i la’u upumoni, ola i lo’u olaga—ola i le ala lenei ua ou faaali ma aoao atu ia te outou—ma o soo se mea tou te ole atu ai, o le a tuuina atu, soo se mea tou te sailia, o le a outou maua, e aofia ai ma le fiafia. Atonu o nisi o vaega o le faamanuiaga e vave ona oo mai, o isi vaega e ono maua mulimuli mai, ma o isi foi vaega e ono le oo mai seia oo atu i le lagi, ae o le a oo mai lava—i latou uma. E maeu le faamalosiua o lena mea i le mavae ai o se Aso Gafua faavauvau po o se Aso Lua loimata maligi, po o se Aso Lulu vaivai! Ma o se folafolaga o le faataunuuga o lena mea *e le mafai ona oo mai i se isi lava ala*, nai lo o le tuuto atu i le upumoni e faavavau!

I upu a Elder David O. McKay (1873–1970), o le na faatoa faauuina i lena vaitaimi, ua toeitiiti atoa le seneturi talu ai, e le pei o le loto faafetai po o le faamalieleina po o se isi ituaiga o fiafiaga, o le “fiafia moni e na o lena lava ala ua savalia soo [o le talalelei], *e vaapiapi e pei ona i ai* . . . [ma] sao [e pei ona i ai], lea e tau atu i le ola e faavavau.”⁵ O lea la, ia alofa i le Atua ma le tasi ma le isi, ma ia faamaoni i le talalelei a Iesu Keriso.



Filifili le Fiafia

Lona lua, ia vave lau aoao i le mea e te mafaia ai, ina ia i ai i ou lima le tele o lou fiafia, ae le i ai i mea na tutupu po o tulaga po o manuia po o faafitauli. O le vaega lena o le mea na mafua ai le taua mo le faitalia i fonu i le muai olaga i le lagi. O loo i ai la tatou filifiliga, o loo i ai la tatou faaiuga, o loo i ai la tatou faitalia, ma e mafai ona tatou filifili, afai e le o le fiafia lava ia, ia o le ola e tusa ai ma lona ala. O le Peresitene o le I.S.O Abraham Lincoln sa tele ni mea sa le fiafia i ai, i le taitaiga aupito sili ona faigata na feagai ma se peresitene o le Iunaite Setete, peitai sa manatu foi o ia e faapea, “o le tele lava o tagata ua latou fiafia e pei ona latou filifili ai.”⁶

E muamua oo mai le fiafia e ala i mea e oo mai i lou ulu i se taimi umi lava ona faatoa oo ai lea i ou lima. Sa soifua Iosefa Samita “e tusa ma le ala o le fiafia” i se tulaga o le matua le fiafia i le taimi na ia tusi atu ai mai le Falepuipui o Liperate, ia i latou sa i fafo o e na aafia foi i faiga e tele o le amioletonu ma sauaga:

“Ia tuu le amiomamā e teuteuina ai ou mafaufauga e lē aunoa; ona solo malosi ai lea o lou lototele i luma o le Atua. . . .

“O le a avea le Agaga Paia ma āu soa e lē aunoa, ma o lou tootoo o le a avea ma se tootoo lē feliliua’i o le amio-tonu ma le upumoni” (MF&F 121:45–46).

“Ia tuu le amiomamā e teuteuina ai ou mafaufauga e lē aunoa.” Ua le gata o se fautuaga lelei lea e faasaga i le mala i onaponei o ponokalafi, ae o se fautuaga lelei foi mo ituaiga uma o manatu o le talalelei, manatu lelei, manatu aoga, ma manatu ole faamoemoe. O na manatu e faatumulia i le faatuatua, o le a suia ai le ala e te vaai atu ai i faafitauli o le olaga ma le ala e te maua ai tali mo i latou. Fai mai le faaaliga, “E manaomia e le Alii le loto ma le mafaufau malie” (MF&F 64:34).

E masani ona tatou manatu, e pule lava le loto ia; e le o lena. Ua faamoemoe mai le Atua i se mafaufau naunautai i le tulitulimataguina o le fiafia faapea foi ma le filemu. Tuu i ai lou ulu i lenei mea. O nei mea uma e manaomia ai taumafaiga. O se taua ae o se taua mo le fiafia, lea e aoga ai le masii i ai.

I se tusi lauiloa i ni nai tausaga ua mavae, sa tusia ai e le tusitala e faapea: “O le fiafia o le taunuuga lea o taumafaiga faaletagata lava ia. E te tau i ai, taumafai i ai, finafinai i ai, ma . . . [saili] i ai. E tatau ona e auai malosi i le atinaega



o ou lava faamanuiaga. Ma o le taimi lava e te ausia ai se tulaga o le fiafia, e le tatau lava ona e faatamala i le tausiiaina, e tatau ona e faia se taumafaiga malosi ia faauau pea ona e aau agai i luga i lena fiafia . . . ia opeopea pea i ona luga.⁷

Ou te fiafia i le fuaitau “auai malosi i le atinaega o ou lava faamanuiaga.” Aua le faatalale. Aau agai i luga. Ia mafaufau ma tautala atu ma galue ma le mautinoa. O le mea lena e fai e tagata fiafia; o le tasi lena o vaega o le ola ai i le ala o le fiafia.

Ia Agalelei ma Amiosolia

O le isi lenei. I le sauniaina o lenei savali, sa ou nofo ai i lou potu suesue mo se taimi umi ma taumafai e mafaufau pe sa ou iloa se tagata fiafia sa agaleaga pe tufanua e mafuta i ai. Ae tou te iloa outou? Na le mafai ona ou manatua se tasi—e leai ma se tagata se tasi. O lea la, aoao le upumoni maoae lenei o le

olaga: E le mafai ona e atinaea lou fiafia i luga o le le fiafia o le isi tagata.

O nisi taimi, atonu e maise lava a o tatou talavou ma le le mautonu ma [o] taumafai e agai i luga i le lalolagi, tatou te mafaufau ai, a mafai ona tatou tosoina teisi i lalo se isi tagata, atonu o le a siitia faavavega ai i tatou i luga. O le mea lena e ta’u o le faasaunoo. O le mea lena e tau o tala lotovale. O mea na e tau o le faasausili ma le leai o se tofa ma le fiasili. Atonu tatou te manatu afai tatou te [faaaliga uiga] leaga pe tauemu, pe tau lava o le faalealofa, ia atonu o le a le maualuga tele ai faamoemoega; e mafai ona tatou taofiofia i lalo tagata uma i se tulaga maualalo, ma faapea ai ona le aliali tele o tatou faaletonu.

O tagata fiafia e le leaga pe tauemu pe faalealofa, ia aua la le mafaufau faapea, o lena mea o se vaega o le “ala o le fiafia.” Afai e i ai se mea ua aoao mai e lo’u olaga ia te au, o lena mea o le, o le agalelei ma le

Afai e i ai se mea ua aoao mai e lo’u olaga ia te au, o lena mea o le, o le agalelei ma le amiosolia ma le manatu o le a lelei mea uma lea e afua mai i le faatuatua, o uiga faaaliga ia o tagata fiafia.



la toaaga ma galulue, e aofia ai le galue mo, ma auauna atu i isi—o se tasi o ki maoae moni i l e fiafia moni.

amiosolia ma le manatu o le a lelei mea uma lea e afua mai i le faatuatua, o uiga faaaliga ia o tagata fiafia. I upu a Mother Teresa, “Ia aua nei alu ese atu se tasi na sau ia te oe e aunoa ma le lelei atili ma le fiafia atili. Ia avea [oe] ma vaaiga ola o le agalelei o le Atua—agalelei i ou foliga, agalelei i ou mata, agalelei i lau ataata, agalelei i lau faafeiloaiga alofa.”⁸

O se laasaga e faatatau i le ala agai atu i le fiafia o le, ia aloese lou olaga mai le inoino, finauga, ma le ita. Ia manatua, o Lusifelo, o Satani, o le fili ia i tatou uma, o ia lea e fiafia i le ita. O ia “o le tamā o le finauga, ma ua faaosu e ia loto o tagata ia fefinau ai ma le ita, o le tasi i le isi” (3 Nifae 11:29).

Ina ua uma ona sii mai lena fuaiupu i le konafesi aoao i ni tausaga ua mavae, na faapea mai Elder Lynn G. Robbins o le Fitu-gafulu, “O le veape *faaosu* e foliga mai o se fua mo faalavelave: Faavevela teisi le lotoita, saeu i ai ma ni nai upu filifilia, ona faapupuna lea; faaaauu ona saeu seia mafiafia;

tuu e faamaalili; tuu lagona e faamaalili mo ni nai aso; tufa atu a o maluluina; e tele lava toega.”⁹ E sao lelei, e tele lava toega.

O le ita e faaleagaina pe faatamaiaina le toetoe lava o mea uma e papai i ai. E pei ona fai mai se tasi, o le faaputu o lagona o le ita e pei lava o le inuina o se mea oona ona faatalitali lea mo le isi tagata ia oti. O se aseti aati malosi o le a faaleagaina ai le koneteina a o lei taitai faaleagaina ai le mea na fuafua i ai. E leai se mea o i ai po o ona tausoga leaga o—fetauiga, faalii, le fiafia ma le ita—e i ai se mea e faia i le ola i le talalelei po o le tulitulimatagauina o le fiafia. Ou te manatu e le mafai ona i ai le ita—pe faafaileleina ma faafiafiaina ma faalotoina—i se olaga o loo ola “e tusa ma le ala o le fiafia.”

Galue i Ai

O le fautuaga mulimuli lenei ae e anoa-noai isi e tatau ona tatou mafaufau i ai. Na fai mai Nifae e faapea, i se taumafaiga ia maua

le fiafia i lo latou nuu fou ina ua mavae le 30 tausaga o o latou puapuaga, “Ma sa oo, ina faia e a’u o Nifae, ia toaaga o’u tagata, ma ia galulue i o latou lava lima” (2 Nifae 5:17). I se faatusatusaga, o i latou o e na latou sosola ese mai ai sa avea “i latou ma tagata paie, ua tumu i le ulavavale ma le faitogafiti” (2 Nifae 5:24).

Afai e te fia fiafia i le aoga po o se misiona po o se galuega po o se faaipoipoga—ia galue i ai. Aoaio ia iloa galue. Auauna atu ma le filiga. Aua le paie ma ulavale. O se faauigaga faigofie o uiga faa-Keriso atonu o le faamaoni e fai le mea sao i le taimi sao i le ala sao. Aua le paie. Aua le faatautala. “Saili i le aoaoina, e ala lava lea i le suesue ma le faatuatua foi” (MF&F 88:118). Ia toaaga ma galulue, e aofia ai le galue mo, ma auauna atu i isi—o se tasi o ki maoae moni i le fiafia moni.

O lenei la, sei ou faaii atu i le ta’ua ai o le fautuaga tuusao a Alema ia Korianetona. Faatasi ai ma faamalosiuga uma e manao se tama e tuu atu i se atalii po o se afafine, sa ia fai atu ai e faapea, i le Toetutu, o e faamaoni e faatutuina mai i se tulaga o le “fiafia e le gata” lea latou te “mautofi [ai] i le malo o le Atua” (Alema 41:4). O le taimi lena, sa ia faaopoopo mai, o le a “faatuina [i] tatou] i le fiafia e tusa ma [o] tatou] manaoga mo le fiafia” (Alema 41:5). Ae sa ia lapatai mai foi ma le lotomau: “Aua e te manatu . . . [e aunoa ma le salamo] o le a toefuatai oe mai le agasala i le fiafia. Faauta, ou te fai atu ia te oe, *e lei avea lava le amioleaga ma fiafia*” (Alema 41:10; faaopoopo le faamamafa).

O le agasala o le faafeagai lea o le “ola ai i le ala o le fiafia.” E moni lava, o i latou o e le talitonu i ai, na fai mai ai Alema, “ua aunoa i latou ma le Atua i le lalolagi, ma ua . . . o e le tusa ai ma le natura o le Atua; o lea, ua latou i ai i se tulaga ua le tusa ai ma le natura o le fiafia” (Alema 41:11).

Tetee i le Solitulafono

Ou te fai atu ia te outou, ia tetee i le solitulafono ina ia mafai ona [tou] ola e tusa ai ma le natura o le Atua, o le natura lea o le fiafia moni. Ou te uunaia ma faamalosi ia te outou ia outou taumafaiga e “tulitulimatagau le ala lea e tau atu i ai.” E le mafai ona outou maua i se isi lava ala.

O lau molimau e faapea, o le Atua, le Tama Faavavau i le Lagi, e uunaia ma faamalosi mai e le aunoa i au taumafaiga ma e sili atu le agaalofa nai lo o au. Ou te molimau atu e finagalo o Ia ia e fiafia, ia maua le olioli

moni. Ou te molimau atu i le Togiola a Lona Alo Pele e Toatasi, ua tuuina mai ai le ala sao ma, afai e manaomia, se amataga fou i ai, o se avanoa lona lua, o se suiga i o tatou uiga pe a manaomia ai.

Ou te tatalo ina ia outou iloa o Iesu Keriso o “le ala, le upumoni, ma le ola” ma e leai se tasi e oo mai i le fiafia moni vagana ai e ala atu ia te Ia. Ou te tatalo ina ia i ai se aso, se taimi, se mea o le a e maua ai manaoga amiotonu uma o lou loto a o e ola i le talalelei a Iesu Keriso, ma faapena ona ola ai “i le ala” e tau atu ai i na faamanuiaga. ■

Mai se saunoaga i le faigalotu, “Living after the Manner of Happiness,” na tuuina atu i le Iunivesite o Polika Iaga-Idaho i le aso 23 o Setema, 2014. Mo le tusiga atoa i le gagana Peretania, alu i le web.byui.edu/devotionalsandspeeches.

FAAMATALAGA

1. Iosefa Samita, i le *History of the Church*, 5:134.
2. Tagai i le Aristotle, *The Nicomachean Ethics*, trans. H. Rackham (1982), 31.
3. Henry David Thoreau, *Thoreau on Nature: Sage Words on Finding Harmony with the Natural World* (2015), 72; o lenei upusii na afua mai foi ia Nathaniel Hawthorne ma i le e le mailoa.
4. James E. Faust, “O La Tatou Sailiga mo le Fiafia,” *Liahona*, Oke. 2000, 2.
5. Tavita O. MaKei, i le Conference Report, Oke. 1919, 180; ua faaopoopo le faamamafa.
6. O lenei upusii na afua mai ia Abraham Lincoln e Dr. Frank Crane i le *Syracuse Herald*, Ian. 1, 1914 (quoteinvestigator.com/category/frank-crane).
7. Elizabeth Gilbert, *Eat, Pray, Love: One Woman’s Search for Everything Across Italy, India and Indonesia* (2006), 260.
8. Mother Teresa, i le Susan Conroy, *Mother Teresa’s Lessons of Love and Secrets of Sanctity* (2003), 64.
9. Lynn G. Robbins, “Agency and Anger,” *Ensign*, Me 1998, 80.





E Mafai Ona Lelei Atu Ona Tatou Faia:

FAAFEILOAINA O ISI i totonu o le Lafu

O ni auala nei se fa e mafai ona e fesoasoani ai i tagata fou ma tagata ua toe foi mai, ia latou lagonaina e pei i latou o ni tagata auai [o le ekalesia].

Faamatalaga a le faatonu: E tusa lava po o le a le malosi o talitonuga o se tagata i le talalelei a Iesu Keriso, ae o le tumau faamaoni e mafai ona faigata mo tagata fou ma tagata ua toe foi mai, pe afai latou te lagonaina e pei e ese i latou. I le tusiga lenei tatou te iloilo ai mea e mafai ona faia e tagata ua i ai i totonu o le lafu, e faafeiloai ai isi i totonu o le lafu. I le lomiga o Tesema o le a tatou tilo-tilo ai i mea e mafai ona faia e i latou o e manatu o loo latou i fafo [o le lafu] e maua ai lo latou toafilemu.

Saunia e Betsy VanDenBerghe

I totonu o se masina talu ona papatiso Melisa (ua suia igoa uma) i Sisifo-ogatonu o le Iunaite Setete, sa ia faia ai le tatalo amata i le sauniga faamanatuga. Sa popole o ia e uiga i le tatalo i nofoaga faitele ae “sa [ou] lagonaina le to’a i lo’u tomai e talanoa atu i lo’u Tama Faalelagi,” o lana tala mai lea. “Ma le isi mea, ua leva ona ou tatalo, ae maise lava a o ou sailiili i le Ekalesia, ma sa lagona le fesoasoani mai o le Agaga Paia ia te au.”



O le mea lea na faate'ia ai ina ua maua atu se imeli mai se tagata o le uarota o le na faamatalaina "ma le matuai auiliili" itu uma na sese ai lana tatalo. Sa vave ona oo mai ia Melisa le ma, maasiasi, ma se osofaiga faataumaoui o le masalosalo, seia oo ina musuia o ia e valaau atu i le faifeautalai ua maea lana misiona, lea sa aoaoina o ia. "Sa vave ona ia faamautinoa mai ia te au e faapea, sa matuai le tatau i lenei tagata ona faitioina au i se auala faapea," o lana tala lea. "Sa ia fai mai foi, e le taitai lava fai le au epikopo i se isi tagata o le ekalesia, e pei ona sa ou manatu ai, e tuu mai lenei ituaiga o manatu faaalua."

O le [lagonaina o le] faamalosiaina, sa tumai ai le toaga o Melisa i le uarota, talia valauga, ma faapea ona

malosi ai lona faatuatua. Ae sa alu ni nai masina o tau faagalo le tiga ma [tau faafoi mai] le lagona to'a lea na aveesea mai le mauaina o lona imeli faavaivai loto.

Ae paga lea, o le tala a Melisa e le o se tulaga ese. E toatele tagata fou ma tagata ua toe foi mai e feagai ma luitau taua, ae e mafai lava ona alofia, mai le lagona latou te le auai. O nisi taimi e oo lava ia i latou e i ai molimau malolosi, e tauivi lava ia tumau faamaoni pe a latou lagonaina le le faaofiaina. I se vitio faasolo talu ai nei ua faaautuina *Lotogatasi i Eseelega*, o loo tautalaga ai e taitai o le Ekalesia lenei faafitauli, ma uunaia tagata auai ina ia nofouta atili, ia aofia ai ma agalelei ia latou fegalegaleaiga.



E fesoasoani tala nei e faapupula ai le auala e mafai e i tatou o ni tagata o le ekalesia ona faaaoga nei mataupu faavae ma ofoina atu faauoga moni ma le lagolago faalelagona ia i latou o e matelaina mo lena taliaina ma le loto atoa i le Ekalesia a le Alii.

la Avea ma se uo i le faatuatua

“Pe a paologia le faitotoa o se falelotu i le ata lafoia o se tagata, e tatau ona latou lagonaina i le taimi lava lena le taliaina ma le alofaina ma le siitiaina ma le musuia . . . e alu atu ai ma avea ma se tagata lelei atu, ona latou te iloa e alofa le Alii ia i latou ma ona e i ai ni a latou uo i la latou tapuaiga.”

—Carol F. McConkie, Fesoasoani Muamua i le Au Peresitene Aoao o Tamaitai Talavou

Sa manaomia e Melisa ni uo moni, ae maise lava i totonu o lana uarota, lea e mafai ona tapa i ai pe a ia manaomia se fautuaga po o se fesoasoani. Sa lei auai lona toalua ma lana tama teine i le Ekalesia faatasi ma ia.

“O le sau i le lotu ma vaai atu i aiga uma na ou lagonaina ai le matuai tuua toatasi,” o lana tala lea. Sa agaga faauo tagata uma, ae e oo lava i lo latou fiafia, na ia lagona ai le pei “o le a ou le mauaina lava lena susulu FaaMamona ona sa nao au lava sa i ai faafitauli.”

E faaopoopo atu i le faifeautalai ua maea le misiona lea sa aoaoina o ia, sa faamanuiaina Melisa ia Sini, o se uo i le Initoneti o le sa muai faailoaina atu o ia i le Ekalesia. “Sa faigata le vaai atu o tauivi mai Melisa i lana eria i le lotoifale, a o ou tilotilo atu ae leai se mea na mafai ona ou faia,” o le faamalalamala mai lea a Sini. “O lea sa ou faia ai se vaega patino o le Facebook ma ni nai tagata eseese o le ekalesia sa matuai malolosi, ma agalelei, o e na fesoasoani ma faauoina o ia i itu na le mafai ona ou faia na o au.”

Sa le gata ina ofoina atu e le vaega se lagona o le faaaofia ai mo Melisa a o ia mauaina lona tulaga i le uarota, ae sa tali atu foi i fesili e uiga i sitaile o le olaga ma atugaluga faaleaganuu. “Sa ou ola ae i ofu lima mumutu ma ofuvae vae e pupuu tele,” na fai mai ai Melisa. Sa ia talisapaia uo i luga o le Initoneti o e na tali



mai ma ni ata o lavalava e mafai ona ia vaavaai i ai i fale-
oloa o le lotoifale. O lenei mea na uunaia ai o ia e fesili atu i
tamaitai i lana uarota e fautuaina atu ni ata tifaga, ina ua ona
le toe maua le lagolelei i nisi o ana ata sa i ai.

O se vaega taua o le faauoga, na faailoa mai e Melisa o le,
sa ia sailia fautuaga. O fautuaga e lei talosagaina, e pei lava
o le pavale ae le o le faaaofia ai, o le osovale i tulaga patino
lea e mafai ona faatiga ia i latou o e le o sauni i ai.

Mulimuli ane, sa valaauina ai Melisa e faiaoga i le Aualofa.
O lona valaauga na tuuina mai ai ni avanoa e fegalegaleai
ai ma isi tagata i le uarota. Sa faasoa atu e Melisa i uso ona
faafitauli e le gata i le tau faamasani i le avea ai o se tagata
fou, ae faapea foi le feagai ai ma se tamaitiiti e i ai manaoga
faapitoa, nisi o faafitauli patino i lona soifua maloloina, ma
le “Oi, ua lata ina mate la’u taifau.” O le aafiaga o le i ai o isi
uso e faalogo ma tali mai faatasi ma o latou lava faafitauli i
totonu o le vasega faapea ma talanoaga patino, na faama-
onia le loloto o le faamalologa [e maua mai ai]. O nei fesoo-
taiga sa fesoasoani ia Melisa e lagona ai, ua iu lava ina i ai ni
ana uo moni i totonu o le faatuatuaga.

Ia Faaofia Tagata Uma.

*“Ua poloiina e le Faola Ona soo, ‘ia outou fealofani;
faapei ona ou alofa atu ia te outou’ (Ioane 13:34; faapoopo
le faamamafa). O lea tatou te vaai atu i auala sa la alofaina*

*ai i tatou. . . . Afai tatou te faia o la ma o tatou faaitaiga,
e tatau ona tatou taumafai e le aunoa e aapa atu ia faaaofia
ai tagata uma.”*

—Elder Dallin H. Oaks o le Korama a Aposetolo e Toasefululua

O Ropati, o se tagata sailiili i Kanata, na auai atu i ni fonotaga ma gaoioiga eseese a le AAG. Sa ia sailiili i ni tapuaiga eseese ae o loo faaauu pea ona suesue i le Ekalesia ona o le musumusuga sa ia maua i ona aoaoga faavae ma le Tusi a Mamona. E auai atu i le inisitituti e aoao atili ai ma iloa ai o le siosiomaga o fegalegaleaiga e “manaia ma matagofie, faauo, ma tumu i lagona lelei,” o lana tala lea. “O tagata Mamona o ni tagata sili ona lelei i le lalolagi.”

Sa faamatala e Ropati o ia lava, o se tagata matamuli, ma sa fia fegalegaleai ae fai mai, “Sa tele ina ou tutu i talane o puipui o le potu, na le mautonu pe faapefea ona avea ma se tasi o vaega, o nisi o i latou o ni uo ua leva o le AAG o e e foliga mai e le o manaomia se isi tagata.” Peitai e lei leva ae mou malie atu lenei lagona o le faaesea. I le taimi o se gaoioiga, sa ia faamatala ai, “sa sau ai se tagata ia te au ina ua uma le taumafataga o le afiafi ma faamalosiua mai ou te nofo mo le tifaga; ana leai, semanu ou te tuumuli, ae nai lo lena, sa ou maua se taimi sili ona fiafia. Na manaomia ona ou iloa sa i ai se tagata na manaomia au iina.”

E faapei o Melisa, na te talisapaia uo o le AAG o e e faamatalatala atu aoaoga faavae, ae le faafitoitonuina tele

FAUTUAGA MO FEGALEGALEAIGA FAAMANUIAINA MA TAGATA FOU O LE EKALESLIA MA TAGATA SAILIILI

- Fai se taumafaiga faapitoa e faafeiloai ma le alofa ilatou, fegalegaleai ma i latou, ma faailoa atu i latou i isi tagata o le ekalesia.
- Valaaulia i latou i lou fale po o isi gaoioiga ina ia i ai ni a latou uo i le aluga o le vaiaso faapea foi i le Aso Sa.
- Faalogo ma fai atu ni fesili e fesoasoani ai ia latou lagona le malamalama.
- Faasoa atu a oe lava tala o le faatoilaloina o ni faafitauli ina ia latou iloa ai tatou te tauivi uma lava.
- Faatali sei latou talosaga mai mo lau fautuaga, ma a ofoina atu foi, aua le faatonuina po o le fiamalosi.
- Faataga taitai perisitua ma le Aualofa e tuuina atu le taitaiga faale-Ekalesia; e tatau i uso a tagata o le au paia ona sili atu le popole i le avea ma se uo lelei.
- Aloese mai le faatusatusaina o lo latou alualu i luma i lou lava alualu i luma, po o le alualu i luma o se isi lava tagata.
- Aoao atu aoaoga faavae autu o le Ekalesia, ae le o mea faaleaganuu ua matele ai.
- E ui e mafai ona e vaavaai mo avanoa i luga o le Initoneti e aapa atu ai i tagata fou liliu mai, tagata sailiili, ma tagata ua le toaaga, e mafai ona mafana faauoga faasesagai.

le ala e ola ai. O uo e matele i le faalogo nai lo le faatonu, e pei lava o se “tagata o loo savali i ou tafatafa, nai lo o le tulei mai tua ina ia topetope ai lau alu. O le tele o taimi, e te lāvea ma tau pa’ū.”

Sa tauivi lava Ropati e lafoai le ulaula. O lona le lagolelei ua faapupula ai le ala e nofouta lelei ai i latou e fou i o latou eseese. “E leai se tasi o tagata o le au paia ua faia mai se tala ia te au e uiga i lo’u manogi tapaa,” o lana tala lea. “Peitai, afai e le i faatoa uma ona tata ou lavalava, ou te nofo i le fale ou te le alu i le inisitituti po o le lotu.”

E mafai ona tatou atinaeina se lagona sili atu o le auai a o tatou faamautinoa atu ma faaaofia i latou o e e fou i le Ekalesia. Na saunoa Elder D. Todd Christofferson o le Korama a Aposetolo e Toasefululua, “Ou te matuai faanoanoa lava pe afai e sau se tagata ma le matuai vaivai ma faapea mai . . . , ‘Ou te fia i ai iinei’ ona le amanaia lea pe le manatulia o ia. O se mea leaga tele lona mea. . . . E tatau ona tatou tali lelei atu nai lo lona” (“Is There a Place for Me?” [viti], lds.org/media-library).

Tuu Oe Lava lina

“A e filifili e tuu oe lava iina, ua e faamanuiaina le olaga o se isi tagata. . . . E mafai ona e sueina le tagata o loo nofononofo i fafo, o nofononofo mamao ese atu? . . . Pe a ua e tatalaina lou loto i isi tagata, e te iloa ai tatou te auai uma lava.”

—Jean B. Bingham, Peresitene Aoao o le Aualofa

Ina ua auai Elsa i le Ekalesia i Netherlands, sa ia maua ai se fesoootaiga moni lava ma se Tama Faalelagi agaalofo. Ae i le aveia ai ma se talavou matua nofofua, sa feagai foi o ia ma le tuuatoatasi ina ua le maua e tagata o lona aiga ma ana uo le lagolelei i talitonuga ma mausa a lana lotu fou. “O le mea sili ona lelei sa faia e tagata o le ekalesia mo au,” sa ia fai mai, “o le naunau lea e faauo mai ia te au i fafo atu o le lotu. O nisi matou te o i le malumalu e fai papatisoga e ui lava ua uma ona maua o latou faaeeega paia. E manaomia ona matou fegalegaleai ma tagata o le ekalesia i tua atu o le Aso Sa e maua ai le malosi ma tumau e oo i le iuga.”

E manatu Elsa, o lona luitau tele lava i le aveia ai o se tagata fou liliu mai o le, “faamoemoe lea ia vave ona malamalama i mea uma”, o lana tala lea. “I faapuupuuga o upu, mea e tutupu, ma valaaua uma. E fai lava si

lofituina, ma o isi taimi ou te popole i tagata e faamasinoina au ona o le le vave o la’u pu’e.” E le gata i lea, e pei o le toatele o isi, sa maua o ia i le popolevale i fegalegaleaiga “o le mea lona ou te fiafia ai e nofo latalata i le pito i tua o le falesa, e seasea ona fegalegaleai.” O vaega toatele e tauaafefe, ma e mafaufau o ia pe faamasino o ia e isi ona o lona leai o sona sao. “E le faapea ou te le manao e fai so “u sao i lesona po o le usuina leotele o viiga pe fai se tatalo i luma o tagata,” o lana tala lea. “Ae ona ou te fefe ina ne “i ou tagi i luma o nei tagata ou te lei masani lelei ai.”

Fai mai Sister McConkie: “Ou te iloa ni tagata e omai i le lotu i Aso Sa uma ina ia mafai ona musuia ma faaga-eetia, ma e na o le savavali ese atu ma lagona ua faamasinoina ma le alofaiga—e le manaomia, e pei e leai se avanoa mo i latou i le lotu. E tatau ona ese lo tatou faia o lenei mea.”

Fai mai Elsa, o tagata o le Ekalesia o e e le faamasino atu, e sili atu ona fesoasoani ia te ia. “Latou te faalogo i ou faafitauli ae e le osovale i lo’u olaga faaletagata lava ia. Latou te galulue ma le faamaoni ma le onosai a o ou aoaoina mo au lava mea uma e uiga i le tagata o le ekalesia.” E ui lava i lona popolevale, ae e o atu faatasi o ia ma faifeautalai e sue tagata fou o le ekalesia ma tagata sailiili. “Ou te iloa le lagona o le aveia ma se [tagata] fou,” sa ia faamalamalama mai ai, “ma ou te manao ia mautinoa e leai se tasi e liliuese mai meaalofo o le talalelei ia na faasaoina ai au mai le faanoanoa.”

Ola i le Talalelei, Avea ma Soo

“E mafai e tagata ona aumai ni meaalofo ma ni manatu eseese. O le vaega tele o aafiaga ma tulaga, ma luitau e feagai ma tagata, o le a ta’u mai ai ia i tatou le mea moni e matuai taua i le talalelei a Keriso. Ma o le tele o mea na totoe na faapea ona maua i le aluga o taimi, ma e sili atu ona faaleaganuu nai lo o le faaleaoaoga faavae, e mafai ona see ese ma mafai ona tatou aoao moni e aveia ma soo.”

—Elder D. Todd Christofferson o le Korama a Aposetolo e Toasefululua

E ui lava i le mea sa faitio muamua ai i le Ekalesia, na auai Simi ona sa ia maua “se molimau faaleagaga e le mafesiligia mai le Agaga Paia lea na molimau mai i le moni o le talalelei ma ona aoaoga faavae.” Ae ui i lea, o se tasi o ona luitau tele lava, o le tau fetuunai i le aganuu a le AAG.



Ina ua uma ona papatiso, sa ia iloa ai, o le tele o amioga ua tele ina talia e tagata o le ekalesia, o aganuu ae le o aoaoga faavae. “E ui ina tupu lenei mea i soo se lotu ua faatulagaina,” na ia faamatala mai, “ae sa ou lagonaina afai ou te lei usitai i ni auala faapitoa, o le a tuuaia au i le le taliaina atoatoa o le talalelei. O a’u tauiviga sa le o le talalelei po o aoaoga faavae ae o se tulaga o le usitaia lea e pei e na o le faaleaganuu.”

E pei ona faamalamalama mai e Elder Christofferson, tatou te manaomia o tatou tagata fou liliu mai, tagata sailiili, ma isi e fesoasoani ia i tatou e taatiaese faiga masani e le o ni aoaoga faavae ua faapea ona faaputu i le aluga o taimi ae avea ma ni soo moni.

O le saunoa mai i faamanuiaga o fegalegaleaiga ma tagata e eseese tulaga, ua faamalosiau ma ai Elder Oaks i le Au Paia o Aso e Gata Ai, e aloese mai le taulai atu i eseese ae, nai lo lena, ia amata i le fesili atu, “O fea e te sau ai? A o ou tulaga faatauaina autu? O le a le mea e te manao e ausia? O lenei ituaiga o talanoa tuusao ma le taliaina, e uma ane, ua fesoasoani ia i latou e fou i la tatou lio ia lagona le faaafiaina, siitiaina, alofaina, ma saunia e talia le faaolataga i totonu o le tino o Keriso.


E pei o taitai o le Ekalesia i le taimi nei, sa popole le

Aposetolo o Paulo e uiga i fevaevaeaiga i le Ekalesia anamua a Keriso. Sa ia uunaia tagata o le Ekalesia o i ai ni manatu malolosi ia aloese mai le faatiga i uso a Au Paia e uiga i aga masani ia e mulumuli ane, e le taua moni, ma faamalamalama mai e faapea, e ui “e faafefeteina le poto, a o le alofa e faamafanafana lea” (1 Korinito 8:1). Sa ia valaau mai ia “[leai] ni maseiga ia te outou,” ma ia taulai atu ia “Iesu Keriso, o ia lava na faasatauroina” nai lo o mea e ese ai tagata o le ekalesia mai le tasi ma le isi (1 Korinito 1:10; 2:2).

I aso nei, ua lapataia i tatou e aposetolo ma perofeta ina ia saili le lotogatasi i eseese, ma faamalosiau mai ia tatou tuu ni avanoa mo tagata taitoatasi o le Ekalesia a Keriso, o se vaega taua o lo tatou faamoemoega ia o mai ma le “lotogatasi i le faatuatua ma le iloa lelei o le Alo o le Atua . . . ia oo i le fua o le ua matua e tatau ma le tumu o Keriso” (Efeso 4:13). ■

MAIMOA I LE LOTOGATASI I ESESEGA

Maimoa i se faasologa o vitio puupuu mai taitai o le Ekalesia i le mea e ta’u o le auai i le Ekalesia i le lds.org/go/unity917.





Saunia e Elder
Jörg Klebingat
O le Fitugafulu

Puipuia

O LE FAATUATUAGA


E manaomia e le Alii ni tagata e naunau ma mafai ona lotomaulalo ae e puipuia mausali Keriso ma le malo o le Atua.

I le muai olaga, sa ia i tatou le faitalia, mana e mafaufau tonu ai ma le atamai. O iina sa “valaauina ma saunia [ai i tatou] . . . e tusa ma le muai silafia o le Atua” ma sa tatou i ai muamua “i le tulaga e tasi” ma o tatou uso ma tuafafine (Alema 13:3, 5). Sa maua uma [e tagata] avanoa e tuputupu ae ai ma aoaoina.

Ae ui i lea, o le tau fai maua tutusa o aoaoga a se aiga alofa faalelagi, sa lei maua ai se naunautaiga laugatasia ia i tatou—o fanau agaga a le Tama Faalelagi— ia faalogo, aoao, ma usitai. O le faaaogaina o lo tatou faitalia, e pei ona tatou faia i le taimi nei, sa eseese ai le maualuga o lo tatou faalogo ma le fiafia ma le manatu i ai. Sa taumafai ma le naunautai nisi o i tatou e aoao ma usitai. Faatasi ai ma le oo mai o le taua i le lagi, sa tatou sauni ai e o ese mai lo tatou aiga i le muai olaga. Sa aoao mai ma luitauina upumoni; sa tuuina mai ma tauemuina molimau, ma sa faia e agaga taitasi i le muai olaga le filifiliga pe puipuia po o le taumamao mai le fuafuaga a le Tama.

Leai se Faavaeluatatai

Mulimuli ane, o le solomuli ma le le mautonu i le tulaga o le faavaeluatatai sa lea o se filifiliga lea i lenei feteenaiga. Pe o i ai foi i le taimi nei. O i tatou na faaaaupega-ina i le faatuatua i le Togiola a Iesu Keriso i le lumanai, o i latou na faamalolosiina e molimau e uiga i Lana matafaioi paia, o i latou ua i ai le malamalama faaleagaga *ma*



O La Tatou Taua i le Taimi Nei

O loo sasao i aso nei se feteenaiga i mafau-fau, loto, ma agaga o fanau a lo tatou Tama, a o tulimatai atu o le Afio Mai Faalua o Iesu Keriso. E ui o le toatele [o tagata] i le lalolagi o loo fiailoa moni aoaoga o le Ekalesia, ae o se ava o loo faateteleina pea i le va o le amioleaga ma le amiotonu, ua tavavae ai se lalolagi ua saosaoa le fai ifo o amioga lelei mai upumoni o le talalelei toefuataiina. Pe a tuuaia le Au Paia le atoatoa ae o loo taumafai [ia atoatoa], o e o loo saili mo le malamalama, ona o le mulimuli i le pouliuli, pe a folafola mai o le agalelei o o latou faamoemoega ma galuega e oona, (tagai i le Isaia 5:20), pe o se mea ea la e ofo ai le tusitusilima faatauemu agai atu i le Ekalesia toefuataiina a le Alii ma Ana auauna faamaoni? (tagai i le 1 Nifae 8:27).

Na aoao mai Peresitene Thomas S. Monson: “Ua tatou ola i se taimi ua siosiomia ai i tatou e le tele o mea ua faamoemoe e faatosina atu ai i tatou i ala ia e mafai ona tau atu ai i lo tatou faafanoga. Ina ia aloese mai i ia ala, e manaomia se naunautaiaga ma se lototele.”

O le avea ma tagata auai e faatemutemu ma faataetaealuga [i le Ekalesia], ua le lava lea i lenei feteenaiga o aso e gata ai! Sa faaauau le saunoaga a Peresitene Monson: “A o tatou ola ai mai lea aso i lea aso, e toetoe lava a muai iloaina o le a luitauina lo tatou faatuatua. . . . Pe i ai ea so tatou lototele a’ia’i e tutu mausali ai mo o tatou talitonuga, e tusa lava pe afai o le faia o lea mea e tatau ai ona tatou tutu na o i tatou?”¹

E ui i le malomaloa tumau e sau mai i le fale tele ma le ateatea (tagai 1 Nifae 8:26–27), pe o tatou naunau ea e savavali ma tutumau i le ala e seasea ona uia?² Pe o tatou naunau ma mafai ona auai i talanoaga faaaloalo ma i latou e i ai fesili faamaoni? E aunoa ma le liliu atu i finauga, pe o mafai ea ona tatou naunau e faamanino atu ma puipuia aoaoga o le Ekalesia toefuataiina a Iesu Keriso?

O le fautuaina o i tatou ia tatou tetee atu e aunoa ma le le fiafia, na aoao mai ai Elder

E manaomia e le Alii se 'au moni o le Au Paia o Aso e Gata Ai e naunau, i se agaga o le agamalu ma le alofa, e molimau atu e uiga i le upumoni pe a luitauina soo se vaega o le talalelei toefuataiina!

le lototele e faaoga ai i le puipuga o Lona suafa paia na tau i laina pito i luma o lenei taua o upu. Na aoao mai Ioane e faapea, o na agaga totoa, ma isi, ua manumalo ia Lusifelo “ona o le toto a le tamai mamoe, ma *le upu a la latou mau* (Faaaliga 12:11; faaopoopo le faamamafa).

Ioe, o le folafolaga o se Faaola ma se Ketesemane ma se Kalevaria na pisia i le toto, na manumalo i le taua i le muai olaga. Ae o lo tatou *lototele ma le molimau* i le muai olaga, lo tatou naunautai e faamalamalama, finauiina, ma faatauanau isi agaga, na fesoasoani foi e faatautai le tai fanae o mea sese mai le salalau atu e aunoa ma se faatuieseina!

O le faamaeaina manuia o le taua i le muai olaga e puipui o Ia, ua avea ai i tatou ma molimau i Lona suafa paia. E moni lava, o le faamaonia o i tatou i le taua ma faapea ona faamautinoa ai i o tatou loto ma le lototele, lea na fetalai mulimuli ane ai le Alii e uiga ia i tatou—o tagata o le aiga o Isaraelu—“O outou o au molimau” (Isaia 43:10). Sei o tatou fesili ifo ia i tatou lava: Pe o moni lava lenei tautinoga e uiga ia i tatou i aso nei?

Dallin H. Oaks o le Korama a Aposetolo e Toasefululua, “E tusa lava pe tatou te saili atu ia agamalu . . . , e le tatau lava ona tatou fetuunaia pe faavaivaia lo tatou tuuto i upumoni ua tatou malamalama i ai.”³

la Lototoa

Sei o tatou mafaufau toto’a i le valaaulia a Peresitene Monson: “O le taimi lava tatou te maua ai se molimau, o lo tatou tiute la o le faasoaa atu o lena molimau i isi. . . . Tau ina ia tatou lototetele pea ma saunia e tutu mo mea ua tatou talitonu i ai, ma afai e tatau ona tatou tutu na o i tatou i le faagasologa, tau ina ia tatou faia ma le lototele, ua faamalosia e lo tatou iloa, e moni lava e le o tuua na o i tatou pe a tatou tutu faatasi ma lo tatou Tama o i le Lagi.”⁴

E le otometi ona avea se tagata ma se molimau lototoa o Keriso ma Lana Ekalesia toefuataiina i le na o le avea ma se tagata auai o le Ekalesia. Na aoao mai i tatou e le Alii ina ia faasusulu atu lo tatou malamalama e ala i le ola i le talalelei, peitai e i ai ni nai tagata o le ekalesia ua faalilolilo lo latou auai i le ekalesia e ala i le tuu o a latou lamepa i lalo o le mea e fua ai saito. O nisi e i ai taimi e tali ai i fesili o le talalelei ae popoe e molimau atu ma valaaulia. Ae o isi e vaavaai moni mo ni avanoa e faasoaa atu ai le talalelei ma faia lena mea ma le naunautai. E toafia i tatou e mataala, totoa *ma e e puipuia* le faatuatuaga?

Ina ia taofimau ma toe maua le mausali i le taua o upu i aso nei, ua manaomia ai e le Alii ni tagata e naunautai ma mafai ona lotomauualalo ae puipuia ma le mausali Keriso, Ana perofeta ma aposetolo soifua, le Perofeta o Iosefa Samita, le Tusi a Mamona, ma tulaga faatonuina o le Ekalesia. Na te manaomia ni tagata e “saunia pea lava . . . e tali atu . . . ia i latou uma o e fesili . . . i le uiga o le faamoemoe o loo ia te i [latou]” (1 Peteru 3:15 Na te manaomia se 'au moni o le Au Paia o Aso e Gata Ai e naunau, i se agaga o le agamalu ma le alofa, e molimau atu e uiga i le upumoni pe a luitauina soo se vaega o le talalelei toefuataiina!

O Le Faaitaiga a le Taitaiu o Moronae

Afai e te lagona le le agavaa e avea o se puipui lototoa o le upumoni i o tatou aso, ua le na o oe. O le toatele o i tatou e i ai lagona ai faapena i nisi o tulaga. Ae o loo i ai se mea faigofie e mafai ona tatou faia e maua ai le gafatia ma le lagona mautinoa.

I le Tusi a Mamona, ua tatou aoao ai o le Taitaiu o Moronae sa “sauniunia mafaufau o tagata ia faamaoni i

le Alii lo latou Atua” (Alema 48:7). Sa ia iloaina o le laina muamua o le puipuiga o se olaga e fausia i luga o se faavae o le usiusitai o le tagata lava ia. E le gata i lea, sa ia “faatutu ni olo laiti, . . . ma ati i luga faupuega eleele . . . , ma ati foi pa maa e sio faataamilo ai i latou” (fuaiupu 8). E le gata ina sa ia faia ni puipuiga iloga e tetee atu ai, ae sa ia faamalosia foi ma le atamai “o latou olotui sa sili ona vaivai” (fuaiupu 9). Sa matuai faamanuiaina tele ana puipuiga atamai lea sa faapea ona “matua ofo” ai ona fili, (Alema 49:5) ma faapea ona le mafai ai ona faataunuu a latou fuafuaga leaga.

Atonu e te fesili, “Mata e mafai e se tagata vaivai e pei o au ona avea ma se puipuiga lototoa o Keriso ma Lana talalelei toefuataiina?” O le lagonaina o lou vaivai e mafai ona faamalosia pe a e talia, na pau lava le mea e manaomia muamua e le Alii o “[lou] loto ma le mafaufau malie” (MF&F 64:34). O le faaeina i se agaga o le lototele, o [tagata] “laiti ma faatauvaa” o le lalolagi, o Ana auauna ia e sili ona fiafia i ai. Ia manatua o “auala laiti lava,” e fiafia o Ia e “faamaasiaia ai e popoto” (tagai i le Alema 37:6, 7). Afai e te naunau e faasoaa atu ma puipuia le talalelei toefuataiina ma ona taitai ma aoaoga faavae, atonu e te mafaufau i fautuaga nei.

1. Ia iloa o ai ma o le a le mea e puipui. O se fuafuaga mausali o le puipuiga o le faavae lea mo se osofaiga mautu. E ui *e le mafai* ona e puipuia lelei se mea e leai pe itiiti foi sou iloa e uiga i ai, *e le mafai* ona e puipuia pe afai e te matuai e le popole lava i ai. E pei lava o se auauna, e totogi e vaaiamamoe, o le a solomuli pe sola ese i le taimi




muamua lava e aliali ae ai le faailoga o se faalavelave, o lea la, o le a le umi se taimi e te taofiofia ai lau itu o le puipuiga, vagana ua i ai sou talitonuga maumaututu faaleagaga e faapea, e amiotonu ma moni lou faamoemoega. Ina ia molimau atu ma puipuia Keriso ma Lana Ekalesia, e tatau ona e iloa o loo soifua o Ia ma o Lana Ekalesia toefuataiina lenei!

O i latou o e ua iloa *ma* ola i le talalelei, ua faatumulia i le malamalama ma se tautinoga malosi na amata mai i le agavaa ma aafiaga faaletagata lava ia. Ua sili atu ona latou saunia e molimau atu i le upumoni, nai lo o i latou o e ua na ona gauai atu ia iloa le auala e tuuina atu ai tali.

2. Iloilo au olo. Mulimuli i le faataitaiga a Taitaiu Moronae. Ia iloilo ma le faamaoni malosiaga ma vaivaiga o ou malamalamaaga i le talalelei. Pe o e faia se faataitaiga lelei e ala i le ola i se olaga faa-Keriso? E mafai ona e maua tali i fesili e ala i le suesueina o tusitusiga paia? E te fiafia e tuu atu lau molimau? E mafai ona e tali i fesili e faatatau i aoaoga faavae ma aoaoga a le Ekalesia, e oo lava i nisi o fesili e faigata atu ona faamalalama, e ala i le faaogaina o tusitusiga paia? Pe ua e saunia e faapea atu, “Ou te le iloa, ae o le a ou sueina,” po o le faasino atu o tagata i nofoaga e mafai ona latou maua ai tali? Mata o le suesue ma le filiga o le a fesoasoani e te maua ai le mautinoa ma le lototele o loo e sailia?⁵

3. Faamalolosi au olo. Faatasi ai ma se iloiloaga o au “olo” faaleaoaga faavae ua i ou luma, amata se suesuega faifaipa ma umi, faatasi ai ma se manulauti ia avea mea vaivai ma mea malolosi ia te oe (tagai i le Eteru 12:27). Tali



atu i le augani a Mose, “Ou te manao lava ia fai ma perofeta le nuu uma o Ieova, ma ia foaiina atu e Ieova lona Agaga ia te i latou!” (Numera 11: 29). Ia faalelava le Alii i le talosaga atu e faapea, mo taumafaiga laiti uma i aso taitasi, o le a Ia faupueina le eleele i luga o au pa puipui.

Ia faitau pea lava pea ma le agaga tatalo i tusitusiga paia. Aua le tau o le mimiti o tala masani i se aputi mitivai. Ia taumafa i ai. Mafaufau e tusitusi ma teu ia faamatalaga suesue o aoaoga faavae ma faaauau pea ona faaopoopo atu i ai. Mo autu taitasi, mafaufau e faailoa ona tauloto lea o ni nai mau i le faasologa talafeagai e lagolago ai ou manatu ma aoaoga. Na aoa mai Elder Richard G. Scott (1928–2015) o le Korama a Aposetolo e Toasefululua, “Pe a faaogaina mau e pei ona finagalo ai le Alii ina ia faamau-mauina, o loo i ai se mana taua lea e le mafai ona faailoa atu pe a toe faapuina.”⁶

Maufaufau e tauloto ni nai upusii mai perofeta ma aposetolo. E masani lava ona mafai e le Agaga Paia ona “faamanatu . . . ia te outou” na o mea e te tuuina muamua iina (tagai i le Ioane 14:26). O le malamalama faaleaoaga faavae e taulai moni atu ia Keriso, faatasi ai ma “le pelu o [lona] Agaga” (MF&F 27:18) o le puipuiga silisili lea ma le auupega osofai lea o loo ia te oe.

4. Faataitai! Ua uunaia faifeautalai faamisiona a le Ekalesia e faataitai-ona-faaitino ina ia saunia ai mo tulaga latou te ono oo i ai. Ona e ono talosagaina oe e puipui le Ekalesia pe faamatala ona aoaoga faavae i taimi po o nofoaga e lei mafaufauina, mafaufau e mulimuli i faataitaiga a faifeautalai e ala i le saunia o oe lava *faaleagaga* ao lei e faia se talanoaga *masani lava* (tagai Mose 3:5, 7). Ia faataitai-lefaatinoga ae e te lei oo i tulaga lea e te aoaoina pe puipuia ai tulaga faatonuina o le talalelei. Pe na o oe pe faatasi ma aiga po o uo, ia fai ni fesili e faatatau i ai ona tali lea! A oo ina faateleina lou saunia, o le a e “faasolo malolosi ma atili malolosi” i lou talitonuga i le avea ai ma se molimau a Keriso (tagai i le Helamana 3:35). Amata i tali puupuu ma faigofie. O le a talafeagai i le tele lava o tulaga. Ae e mafai foi ona e faamalosi atili atu au puipuiga e ala i le suesueina o mau e faatatau i ai, ma faafesootai ai ni aoaoga faavae eseese.

5. Saili ni avanoa. O lou saunia ai nei o oe lava, ia tatalo mo ni avanoa e faasoa atu ai ma le lotomaulalo ae ia to’a ma, pe a manaomia, ia puipui le talalelei. Ia manatua o le, “lotovaiwai e le o le leai o se tomai ae o le leai o se lototele.”⁷ Tatalo ina ia lava lou alofa i fanau a le Tama

Faalelagi i totonu ma fafo o le Ekalesia, e faasoa atu ma puipui ai tulaga faatonuina o le talalelei. Tatalo ina ia e le lilifa atu i le le amanaiaina po o le talia tauaso o aoaoga faavae e nunumi ia te oe, ae ia e galue ma le faatuatua ia Keriso e faatoilalo ai lena nunumi.


Ia manatua e oo lava foi i se tamaitiiti, e mafai ona avea o se puipui o Keriso i le malaetaalo, e ala i le tuuina atu o se molimau faatauvaa; e le faapea e tatau lava ona e atamai i le talalelei ia avea ai ma se molimau o le upumoni; e le faapea e tatau lava ona e iloa tali uma; e le afaina le faapea atu i nisi o taimi, “ou te le iloa” po o le “o nei mea lilo e lei faailoa atoatoa mai ia ia te au i le taimi nei; o lea o le a ou taofia ai”(Alema 37:11). O le le “ma i le talalelei a Keriso” (Roma 1:16) e sili atu nai lo na o le le amanaiaina po o le onosaia o pepelo ma le mimiloina o upumoni; o lona uiga o le iloaia ma le puipuia o aoaoga faavae! O le mea lea, afai tatou te le tautatala, ia le ona o le matau, ae ona o loo tatou mulimuli i se uunaiga (mo se faaitaiga, tagai i le, Alema 30:29).

Tu Atu o se Molimau Mataala

A o faaauau ona e puipuia le talalelei a Iesu Keriso, o le “faatuatua, faamoemoe, alofa mama ma le alofa, ma le manatu tasi i le mamalu o le Atua, e agavaa ai [outou] mo le galuega” (MF&F 4:5). Ia tatou manatua o Keriso na agamalu ae lei vaivai lava—sa Ia valaaulia ae sa aoaia foi, ma sa Ia fetalai mai foi “O le e i ai le agaga o le finauga ua le mai ia te au o ia” (3 Nifae 11:29).

A o faaauau pea e se lalolagi amioleaga le solia o tulaga faatonuina o le amiolelei ma aoaoga faavae a le Atua, ua faalagolago mai Keriso e oo lava i se aupito itiiti o le Au Paia, ia avea ma ni molimau ola o Lona suafa.

Ua faamanatu mai ia i tatou e Peresitene Gordon B. Hinckley (1910–2008) “e le lava le na o le lelei. E tatau ona tatou lelei mo se mea. E tatau ona tatou saofaga atu le lelei i le lalolagi. E tatau ona avea le lalolagi o se



nofoaga lelei atu mo lou i ai. . . . I lenei lalolagi ua matuai tumu i faafitauli, ua le aunoa ona faamatauina i luitau pogisa ma le leaga, e mafai ma e tatau ona e tulai i luga ae o le vaivai, i luga ae o le *le manatu popole*. E mafai ona e aafia ai ma tautala atu ma se leo malosi mo le mea sao.”⁸

Afai e te manao e avea oe ma molimau o le talalelei toefuataiina, ia auai faatasi i le autau o molimau o aso e gata ai, e ala i le faasusuluina tele atu o lou malamalama! Tau ina ia avea lou ola i le talalelei *ma* lau puipuiga o lena lava talalelei, o se ataata o le loloto o lou liua ia Iesu Keriso. ■

FAAMATALAGA

1. Thomas S. Monson, “Ia Lototele e Tu Na o Oe,” *Liahona*, Nov. 2011, 67.
2. Tagai “The Road Not Taken” *The Poetry of Robert Frost*, ed. Edward Connery Lathem (1969), 105.
3. Dallin H. Oaks, “Ola Faatasi ma Alolofa atu i Isi e Eeseese o Tatou Talitonuga,” *Liahona* Nov. 2014, 26.
4. Thomas S. Monson, “Ia Lototele e Tu na o Oe,” 67.
5. O tala Gospel Topics i le topics.lds.org e faapitoa le aoga i le taliina o fesili e uiga i le talafaasolopito ma aoaoga faavae o le Ekalesia.
6. Richard G. Scott, “O Loo Soifua o Ia,” *Ensign*, Nov. 1999, 88.
7. Neal A. Maxwell, “Notwithstanding My Weakness,” *Ensign*, Nov. 1976, 14.
8. Gordon B. Hinckley, “Tu Atu mo le Upumoni” (faigalotu a le Iunivesite o Polika Iaga, 17 Sete., 1996), 2; faaopoopo le faamamafa.

Amata i tali puu-puu ma faigofie. O le a talafeagai lava i le tele o tulaga. Ae e mafai foi ona e faamalosia atili atu au puipuiga e ala i le suesueina o mau e faatatau i ai, ma faafesootai ai ni aoaoga faavae eseese.



ATA NA TUSIA E DAVID STOKER, ATA FAATAITAI E TAMAITAI [MODEL]

Laveaiina

INA UA MAVAE LE PULE
I LE OLA O LO'U AFAFINE

Ina ua mavae ona pule la'u tama teine i lona ola, sa leai ni tagata o lou aiga e fesoasoani ia te au i lenei tofotofog—sei vagana ai lou aiga o le uarota.

Na saunia e Le Etta Thorpe

Sa fai mai talu ai nei e sa'u uo se fesili na ou te'i ai. Mai i fesili uma e tuua i le mavae ai o le pule o se tasi e pele i lona lava ola, sa na o le tasi lava le fesili sa i ai i lona mafaufau. O lana fesili o le, "Na faapefea ona fesoasoani le Ekalesia ia te oe, ina ua mavae le pule o lau tama teine e 15 tausaga i lona ola?"

O lou manatu muamua lava o le, "Sa le'i fesoasoani. Sa ou tulei ese tagata uma, faapunapuna i lo'u fale, ma mafatia ai ma le matuai faavauvau."

Ae ina ua mavae ni nai aso o manatunatuga loloto, sa ou iloa ai, o lona manatu sa matuai sese lava. E leai sou masalosalo o le mata'u lemafauina na ou oo i ai, sa punitia ai lau vaaiga mamao.

I le falemai lea sa latou ave i ai lau tama o Natalie (ua maliu), sa ou i ai i se tulaga o le faateia. Sa matuai o'u gagase atoa, i le tino ma le mafaufau. Sa ou vaai i mea na faia ae ou te lei lagonaina: o leoleo sa tuufesili, o uo fetagisi, ma le afaigaluega a le falemai i le tuuina mai o faamatalaga. Sa [ou] nenefu atoa, peitai sa manino lelei lava.

Ou te manatua lo'u vaai ai i lou epikopo sa i ai muamua ma lona faletua. Na telefoni atu i ai se tagata sa ma faigaluega faatasi. O ni nai masina na mavae atu na ma siitia ese ai ma si au tama teine o Natalie mai le latou uarota. O lo'u epikopo ma lona faletua o ni a ma uo pele lava.

Na fai mai le faletua o le epikopo, e igoa foi ia Natalie, o le a matou nonofo faatasi ma i latou. Na ou tei i le iloa ane, ua ou i totonu o le la taavale ma tietie atu i le matou pitonuu tuai. Sa ou le malamalama i le alu o le taimi, ae sa ou iloa o

se taimi o le aso na sosoo ai na tuuina mai ai e le epikopo ma se uo lou faamanuiaga faaleperisitua.

Ou te iloa atonu sa logoina au ma sa ou aafia i fuafuaga uma o le maliu, ae sa ou le iloina le mea sa tupu. Sa ou sauni [fai laei] i taimi na ta'u mai ai ou te sauni. Sa ou oso i le taavale i taimi na ta'u mai ai na i ai se mea na matou fia o i ai. Sa pei a'u o se ropota [robot] e usitai i faatonuga faigofie. Na pau na o mea sa gafatia ona ou faia. O le mea e ofo ai, e leai ma sou tagi i lea taimi.

Sa matagofie le sauniga o le maliu a si au tama teine. Sa tele ni taliega ma na milo faatasi ai ma le tagi, ma sa i ai moni lava le Agaga. O la'u tama teine ulumatua, o Victoria, sa toe foi mai i Iuta mai se isi setete. Sa ia tusia se pese ma usuina i le maliu.

Sa le'i logoina lava a'u e uiga i le totogi o mea o le maliu, vagana ai le tauina mai, ua uma ona taulimaina. I totonu o nai vaiaso, na faapea ona totogi atoa ai mea uma o le maliu e ala i foai mai tagata o le Ekalesia.

O le taimi lena, sa ou nofo ai lava i lou epikopo na i ai muamua ma lona aiga. Sa su'e e tagata o le Ekalesia mai lau uarota muamua se nofoaga fou ou te nofo ai. Sa avanoa se falemautotogi manaia laititi, ma na te'i lava i lo'u sainia o se lisi. E le o se mea lenei na ou faia e au lava. O galuega a se vaega o tagata o le Ekalesia e aofia ai ma la'u uo pele o Natalie, le faletua o le epikopo.

Sa fesoasoani tagata o le uarota e feaveai a'u meatotino ma faamautu i ma'ua ma le isi a'u tama teine. Sa uma foi ona totogi masina muamua e lua o le lisi—ma, e ala foi i foai a

tagata o le Ekalesia. Sa leai pea so'u malamalama i le taimi, ma o se vaega, sa ou gase pea faalelagona, peitai sa amata ona toe oo mai ou faalogona.

Pe a ma se masina talu ona mavae le maliu o la'u tama teine, ae amata ona totolo mai le mea moni ma le ogaoga o le mea na tupu. Sa pei o se asu uliuli mamafa, mafiafia na sinasina muamua mai, sosoo ai ma ausa mamafatu seia oo ina ou lagonaina le siomia e le pogisa atoa. O le faavauvau i lona tulaga sili ona moni e mafai ona faatauasoina ai.

Na maliu Natalie Aso Faafetai. Ua oo nei i le Kerisimasi. O aso fiafia sa na o le faateteleina ai o lou faanoanoa. Sa le matu loimata mo le tele o aso, ma i lena vaitaimi, sa tumau pea lagona o le tiga. Sa foliga mai o itula le alu a minute. O itula na pei o le alu o aso. O aso na pei o le alu o tausaga.

I le avea ai o se fafine ua tetea ma le toalua, sa le'i i ai so'u toalua e mafai ona alu e faigaluega e maua mai ai se tupe maua. Ana mafai ona ou faia, semanu ou te faapupuu pei o se polo, loka au lava i totonu o se pusatu, ma nofo ai iina. Peitai, e le'i i ai ia te au lena gafatia. Na tatau ona ou faia se mea e aofai mai ai le malosi e galue ai. Na tatau ona ou suea se galuega. Sa ou faigaluega i le taimi na tupu ai le Aso Faafetai, ae i nei vevesi uma, na galo ai ia te au la'u galuega. Na mafai lava ona ou toe foi i ai, peitai o iina sa fiafia lava si au Natalie e tafao ai, ma sa mamafatu tele le mafaufau e toe foi i ai e aunoa ma ia.

O le vaiaso muamua o Ianuari, sa ou maua ai se galuega e maualalo le totogi. Sa ou taumafai lava e foliga ia pei ona ou masani ai. Sa gaoioi pea lo'u tino, ae na pei na oti lo'u agaga. E leai se tasi na iloina, o au sa o se atigi tagata sa na o le gaoioi e aunoa ma ni faalogona. Sa na o le taimi lava o le alu atu ma le toe foi mai i le galuega na mafai ona masua ai i fafo ou lagona.

Sa amata ona ou alu mo ni nai taimi laiti i lau uarota fou. Sa ou iloa, afai e fesili mai se tagata po o a mai au, o le a le mafai ona taofiofi o'u lagona. Sa matuai o'u fia alu lava i le lotu, ae ou te le'i fia talanoa i se tagata, pe vaai atu foi i o latou foliga. Sa ou talotalo ma lo'u lotu atoa ia mafai ona ou letinoa. Sa na ona ou manao, e sili atu nai lo o se isi lava mea, e sasae ese lenei tiga mamafatu mai lo'u lotu!

Ou te le iloa po o a ni manatu o uso o le Aualofa ia te au, ma ou te lei popole tele i ai i lena taimi. Sa ou pisi tele i le taumafai e manava! Ou te talitonu sa ou tuuina atu le lagona faapea, sa ou manao tuu ai pea au ia, aua na leai se tasi o i latou na faalavelave mai ia te au. Ae ui i lea, sa latou tuuina mai i lea taimi ma lea taimi se 'ata'ata alofa lea sa ou maua ai sina mafanafana—o le inumaga itiiti tonu lava lea e taofi ai au mai le tamoe atu i fafo i le faitotoa ulufafa aupito lata mai, lea sa avea o se mafaufauga faifai pea.

O le taimi o se fofu. Na te le titinaina mea e tutupu, ae na te faatagaina le ava o manu'a ia punitia malie.

O lena Aso Faafetai matautia, o le 2011, ma o ni nai tausaga na faatoa ou iloa ai le tele o le fesoasoani na ou maua mai ou tuagane ma uso i le Ekalesia. Sa ou lagonaina na pei na sii ese au mai le fanua o le taua ina ua ou manu'a tigaina. Sa tausaga au ma ou toe malosi ai ma vaavaaia seia oo ina ou tu lava au i luga.

E le mafaitaulia faamanuiaga ua ou maua, i ni auala eseese. Ua faateleina le tuputupu ae o la'u molimau. Ua ou iloa nei le lagona o le opoina i aao agaalofa o lo tatou Faola.

O lea la, i le tali i le fesili a la'u uo, "Na faapefea ona fesoasoani le Ekalesia ia te oe i lenei puapuaga?" Ou te faapea atu, "Latou te le'i fesoasoani ia te au. Sa latou laveaiina au." ■

E alala le tusitala i Iuta, ISA.

O Natalie sa avea ma puna o le olioli ma le fiafia i lo'u olaga. Ou te faafetai mo le lagolago o a'u uo ma tagata o le uarota a o ou faavauvau ai i lona maliu.



AGAVALE: ATA NA TUISIA E DAVID STOKER.
ATA FAATAITALE E TANAITAI (MODEL)



O Le Ala e Malolo ai Tagata e Faasaoina Mai [le Pule i le Ola]

Saunia e le Tautua a le AAG mo Aiga

A filifili se tagata e faamuta o latou tiga e ala i le pule i le ola, e faapea ona amata ai se faagasologa faigata ma tulaga ese le tiga o le faavauvau, mo e e pele ua tuua (lea e masani ona taua o tagata na faasaoina mai). E faateteleina lagona o le le mautonu, tausalaina, tuulafoaia, teenaina, ma le ita. O fesili e lei taliina o le Aisea? O le a se mea na ou misia? Aisea na ou le maua ai se uuniga? E mafai faapefea e lenei mea ona aafia ai tau i faavavau? ma isi fesili faapena, e mafai ona mafua ai ni faigata maoae faapea foi ma ni mafauauga atonu o i latou na mafua ai le maliu o se tagata e pele ia i latou.



- Aapa atu mo le lagolago mai ia i latou e te faatuatuaina (o aiga, uo, epikopo), ma ia tuu atu i isi e fesoasoani ia te oe i lenei faalavelave.
- Ia auai i gaoioiga lelei lea e maua ai mea e faalavefau.
- Talanoa i se faufautua faapolofesa ma/po o le auai i se vaega e lagolago ai tagata e aafia i le pule i le ola.
- Ia onosai i le faagasologa o lou faamalologa.

Ia i latou o loo tausia se tagata o loo faavauvau:

- Ia agaalofo ma aua le tuuaia pe faamasino atu. Ia malamalama i ala e “tusa ai ma le finagalo o le

O loo i ai se uiga ua matele ai tagata e sao mai, o le o ese mai ma le matamumuli mai i isi ona o le matau i tuuaiga, faamasinoga, ma le maasiasi. Atonu foi e lagona e tagata na sao mai ni lagona mafatia loloto, ae maise lava mo se tasi na tau i le tino. E mafai foi ona tutupu ae ni mafauauga pule i le ola e tagata na sao mai ona o lo latou faavauvau.

E ui lava i na loloto o le tiga ma le le fiafia, ae o lo tatou Faaola na “afio ifo i lalo o mea uma” (tagai i le MF&F 88:6; 122:8) “ina ia mafai ona ia silafia e tusa ai ma la le tino, le ala e fesoasoani ai i ona tagata, e tusa ma o latou vaivaiga” (Alema 7:12) ina “ia tatou . . . maua ai foi le alofa tunoa e fesoasoani mai i ona aso e tatau ai” (Eperu 4:16).

Ia i latou o e ua loto faavauvau:

- Aua le tuuaia isi, aemaie o oe lava.
- Ia tausia oe lava i le faaleagaga: Ia faalagolago i le meaalofa o le faitalia, ia faailoa atu e i ai mea e te le mailoa (tagai 1 Nifae 9:6), ma ia faalagolago i le mana o le Alii e faamalolo ma tuuina mai ai le filemu (tagai i le Filipi 4:7).
- Ia tausia oe lava i le faaletino: Faatumau se faiga masani o taumafataga lelei, malolo, ma faamalositino.

Alii i le faatatau o ona alofa mutimutivale” (MF&F 46:15).

- Aapa atu ma fai atu i le tagata na sao mai pe mafai faapefea ona e fesoasoani atu e oo lava i galuega faigofie, po o le tou o faatasi i gaoioiga.
- Ia onosai, faalogo, ma talia lagona latou te faasoa mai i lo latou taimi.
- Aloese mai faamatalaga e leai ni uiga ma faamautinoga sese e pei o le, “O le a lelei mea uma,” “Semanu e sili atu le leaga,” “Ou te iloa ou lagona,” “Ou te malamalama,” “O le finagalo lea o le Atua,” “O le taimi e faamaloloina ai manua uma,” ma isi mea faapena.
- Aua le taumafai e tuuina atu ni tali i a latou fesili e le mafai ona taliina.
- Aua le faatusatusaina o latou faavauvau ia te oe e tusa lava pe sa faatatau i se pule i le ola.
- Talanoa ia i latou e uiga i e e pele ia i latou, i auala tutusa e te ono talanoa ai i se tagata na maliu i se isi ala.
- Ia faamautinoa atu i tamaiti na aafia ai, e le o i latou na mafua ai.
- Ofo atu e fesoasoani ia i latou e sue ni punaoa faaopopo mo lo latou faavauvau (fautuaga, vaega o tagata lagolago, ma isi mea faapena). ■





O Cayo Sopi ma Atonio Linat sa avea ma ni uo talu mai o laiti. Sa faamoemoe lava Cayo, o se tagata o le Ekalesia, o le a auai Atonio [i le Ekalesia].

LESLIE NILSSON, TAGATA PUEATA

Cayo ma Atonio

Pale, Farani

Atonio:

Sa mafai ona ou iloa sa ese lava Cayo mai isi au uo. Sa matou faia uma lava ni mea faavalevatea a matou tutupu ae, ae sa fesoasoani mai Cayo ia te au i le filifilia o se auala lelei.

Mai le 8 e oo i le 18 o tausaga, sa tele ina ou manatunatu ai e papatiso. Peitai sa ou faaluina se taimi umi ona sa tele ni mea na manaomia ona suia i lou olaga, e ui ina sa ou taumafai e ola i mataupu faavae lelei.

Cayo:

Sa alu ai le taimi na alu ai, e silia ma le 10 tausaga, ae na iu lava ina papatiso o ia.

Ou te talitonu e faia e le Alii mea uma na te mafaia ina ia mafai ona tatou matuai suia moni ma faamaoni. O le avea ma se Au Paia o Aso e Gata Ai ma se soo o Keriso, e le na o se fesili o le filifili e ola i ni uiga faaalua faapitoa; o le molimauina o se suiga tele ia i tatou lava. Sa ou vaaia lena suiga ia Atonio.

Tagai mo ni faamatalaga atili e uiga ia Cayo ma Atonio i le [lds.org/go/91738](https://www.lds.org/go/91738).

Aoao atili e uiga i le faasoaina atu o le talalelei mai ia Elder Dallin H. Oaks i le [lds.org/go/91739](https://www.lds.org/go/91739).



I na ua amata ona manava ia lava, sa pei na fai mai, “Tina, o le a ou faamalosi ma fai la’u vaega.”

VAAVAAI ATU I LE TUUA E LE MA PEPE O LENEI OLAGA

I na ua uma le faata muamua o le tagata [i le manava], sa ta’u mai e le fomai ia i maua sa i ai se avanoa na maua ai le ma pepe fou i le Tauni [Down syndrome]. Ma te lei mafaufauina ma lou toalua e faalogo i lenei mea, ma sa faafuasei lava ona suia ai la’u vaaiga mamao mo le lumanai.

I le taimi atoa o le maitaga, na faatumulia lo’u mafaufau i fesili ma popolega e uiga i se mea o le a tulai mai. Ae, sa ma sauniuni ma le faaeteete mo le taunuu mai o si a ma pepe. Ina ua oo mai le aso, sa ou lagonaina i lo’u loto o le a lata ina fanau mai se tagata matagofie ma faapitoa.

Sa ma faaigoaina le ma pepe tama o Santiago, ma e lei umi ona fanau mai ae ma iloa ane, e le gata ina maua i le Tauni [Down syndrome] ae na aafia foi lona fatu, ate, ma mama i nisi o

faaletonu ogaoga faalesoifua maloloina. O le taimi lava lena, na sulu i ai e fomai ma tausii soifua se masini e faamanava ai ma se masini o le fatu ma le mama. A o mavae atu aso i le falemai, sa amata ona ma talatalanoa ma lo’u toalua i ni auala o le a ma tausii faatasi ai Santiago ma ona uso. O le taimi lena sa ma iloina ai le ma matuai manao-miaina o lo tatou Tama Faalelagi.

Sa faasolosolo manuia si ma “Santi” laitiiti ma aveese ai mai le masini na faamanava ai. Ina ua amata ona manava ia lava, sa pei na fai mai, “Tina, o le a ou faamalosi ma fai la’u vaega.” Sa ia oomiina o maua tamatamailima i si ona lima itiiti. Sa malosii o ia, peitai, sa lei malosii lona fatu. Sa faafuasei ona le galue lelei lona fatu, ma i se taimi puupuu mulimuli ane, sa toe foi atu ai o ia i lona Tama Faalelagi.

Ou te lei moemiti lava o le a ou oo i se mea faapena. O le faatalitali ma le naunautai tele i le oo mai o sau tamaitiiti, o le faia o le tele o fuafuaga mo ia, ae toe vaaia atu i lona tuua o lenei olaga, o se tasi lea o mea aupito sili ona tiga e mafai ona oo i ai se tama ma se tina.

Sa ma o atu ma lou toalua i le malumalu ina ua mavae le tanuga o Santiago. Ina ua ma ulufale atu i ai, sa ma lagonaina le faamafanafanaina. Sa ou iloa, e i ai se aso o le a ou iloa ai la’u pepe ma olioli ia te ia i le avea ai ma ona tina. Ou te faafetai mo malumalu ma mo aiga e faavaavau. O lenei la, o le matou tiute o le ola i se auala e mafai ona matou toe faatasi ai ma si o matou Santiago itiiti. ■

Rocio Alvarado, Santiago, Chile

O LE FAAOLA: O LE FOMAI ATOATOA

I le avea ai ma se fomai o gasegase faainuvai, sa i ai se aso sa sau ai se ma'i ia te au, ina ua oo i tua atu mai le mea e tatau ona i ai le suega masani o lona toto. I le va o aso na suesue ai lona toto ma le ma feiloaiga, sa ia fesili ai i le initoneti po o le a le uiga o taunuuga. Ina ua ma feiloai, sa le fiafia o ia ma popole. Sa ou taumafai e faamalalalama atu taunuuga, ae sa matuai popole pea lava.

“Aua e te popole po o le se mea e ono faaletonu,” na ou fai atu ai ia te ia. “O la'u galuega lena! O le mea lena ua ou i ai iinei. Sa ou suesue malosi e iloa ai le mea e fai e uiga i lenei mea. O le a ta manumalo faatasi i lenei mea, ma afai o le a e mulimuli i a'u faatonuga, o le a e iloa le ala e te toe malosi atoatoa ai. Talitonu mai ia te au ma tuu mai ou te tauaveina le avega o popolega faafomai. Ona mafai lea ona tulaui uma atu lou malosi ina ia e faasolo manuia.”

Sa fesoasoani lenei mea e faatoa filemu lona fefe. Sa ma faia ni fuafuaga e toe fai nisi sailiiliga, ma sa ou folafola atu o le a ma agai faatasi i luma.

O ni masina mulimuli ane, sa tulai mai ai ni faigata i lou lava olaga. O tele o mea e fai i le galuega, o se pepe o le a fanau mai, ma le matou siitia ese na loma, sa lofituina ai au. Sa oo ina ou le fiafia, atuatuvaale, ma fefe.

Sa ou tatalo faatauanau e uiga i ou popolega, agasala, ma le fiafia. A o ou tatalo, na molimau mai le Agaga i le taua o le Faaoia i lo'u olaga. Sa pei na Ia fetalai mai ia te au:

“Aua e te popole i mea uma e ono tutupu. O la'u galuega lena! O le mea lena ua Ou i ai iinei. Sa ou mafatia i mea uma lava ia iloa ai le mea e fai i le mea lenei. Ia faatuatua mai ia te au, ma o le a ta manumalo faatasi i lenei mea. Afai o le a e mulimuli i a'u faatonuga, e mafai ona e toe atoatoa. Talitonu mai ia te au ma tuu mai ou te tauavea na

avega faaleagaga. Ona mafai lea ona tulaui atu au taumafaiga uma i le avea ma tagata sili ona lelei e mafai ona avea ai oe.”

Faatasi ai ma lenei malamalamaaga, na faapea ona aveesea ai lo'u popole, tausalaina, ma le le fiafia. O le faatuatua ia te Ia na aveesea ai lagona le manuia sa taofia ai lo'u alualu i luma. Ua mafai ona ou tulaui atu i mea e mafai ona ou taulimaina. Ua mafai ona ou ola i le talalelei ma liliu atu i le Faaoia i o'u luitau.

I le auala lava lea e tasi, lea e ono mafai e se fomai ona taitai atu i tatou i le malosi atoatoa faaletino, e mafai ai e le Faaoia, le Fomai atoatoa, ona aveese le avega o le maasiasi, popole, tausalaina, ma e oo lava i lagona o le le fiafia ma le atuatuvaale, ma faaali mai ia i tatou le ala e toe atoatoa ai faaleagaga. O Lana galuega lena, ma na te faia ma le atoatoa. ■

Matt Lindsey, Hawaii, ISA

“Aua e te popole i mea uma e ono tutupu. O La'u galuega lena! O le mea lena ua Ou i ai iinei.”



O LA'U VAISU; O LE FESOASOANI A LE FAAOLA

O ni nai tausaga ua mavae, sa toetoea lava a ma tetea ai ma lo'u toalua ona o lo'u faafitauli i le ava malosi. Sa le mafai lava foi e loimata o la'u fanau teine ona suia au. Ina ua asiasi mai faifeautalai i lo matou aiga, sa lei umi ae papatisoina lo'u toalua ma le ma fanau teine, ae sa ou le taliaina mea a le Atua.

O la'u vaisu o le ava malosi sa puleaina lo'u olaga. Sa ou alu i falepia pe a manava galuega ma sa masani ona ou le faigaluega ona sa ou onā. Pe a ou onā, e amata ona ou malo vale. E masani ona ou aafia i feupuaiga ma fusuaga ma isi.

A ou alu ou te faigaluega, e fetagisi la'u fanau teine ma fai mai matou te o e aua ai ne'i ou inupia. Sa ou

folafola atu ia i laua o le a ou le inu, ae e le taitai o'u tausia a'u folafolaga. Sa nao lo'u manao lava e inu pea.

Mulimuli ane, sa ou iloina sa ou manaomia se fesoasoani. Faatasi ai ma le fesoasoani a faifeautalai, sa ou galue ai e faatoilalo la'u vaisu. Mo se vaitaimi, sa le mafai ona tuu la'u inu mo le silia ma se vaiaso i le taimi.


Ona faasoa mai lea i se tasi o aso e faifeautalai se fuaitau mai le Tusi a Mamona na faapea ona suia ai lou olaga: "Ma afai e o mai tagata ia te au o le a ou faaali atu ia te i latou o latou vaivaiga. Ou te avatu i tagata ia vaivaiga ina ia faalotomaulalalo ai i latou; ma ua lava lou alofa tunoa mo tagata uma o e e latou te faalotomaulalalo ina i latou lava i ou luma; aua afai latou te

faalotomaulalalo ina i latou lava i ou luma, ma faatuatua mai ia te au, ona ou faia lea o mea vaivai ia avea ma mea malolosi ia te i latou" (Eteru 12:27).

Sa ou manaomia le fesoasoani a le Faaola. Ana leai o Ia, e le mafai ona ou faatoilalo ina la'u vaisu. Sa ou iloa ai, o le tele lava o lo'u faalagolago ia te ia, o le umi foi lea e mafai ona ou le inupia ai. Ina ua mavae ni nai feiloaiga ma faifeautalai, sa ou taliaina loa le la valaaulia ina ia [ou] papatiso.

Talu mai lena taimi, ua sui ai lava lo'u olaga. Ua mavae atu le silia ma le valu tausaga, ae ou te lei toe inuina lava se faatulutulu se tasi o le ava malosi. I le taimi nei ua ou saoloto, ma ou te aitalafu i mea uma i le Alii. ■
Victor Munoz Walde, Huancayo, Peru

Sa ou folafola atu i la'u fanau teine o le a ou le inu, ae e le taitai o'u tausia a'u folafolaga.





Ao taumafai ma le faigata tina e moe, sa uunaia au e faitau atu tusitusiga paia ia te ia.

O LE FAAMAFANAFANAGA FAALETINO MAI TUSITUSIGA PAIA

Ao ou laititi, sa ou maua ai i le ma'i o le gugu o tamaiti. Sa masani ona ou ma'i, ma sa matou faaaluina ma o'u matua ni itula se tele i ofisa o fomai. Sa la popole mo lo'u ola maloloina ma lagona le vaivai, aua sa le mafai ona latou faaleleia le mea sa faaletonu. Ou te lei faatauina o laua lagona, seia oo i le taimi na ou vaavaai atu ai ma le leai o se mea e mafai ona ou faia, a o tauivi lo'u tina ma le ma'i o le kanesa o le susu.

I le faaiuga o se tasi o vaiaso, sa ou alu atu ai i le fale o lou tina i New Jersey e faatasi ma ia a o feagai ma se faasologa o togafitiga i vailaau malolosii [chemo]. Sa ou fia mafuta ma ia ae sei fai se malologa a o'u tuagane mai le tausiga o ia i aso taitasi. Sa manaomia se tagata e vaaia o ia i le taimi o le po ona o ona togafitiga, o

lea sa faatu ai lona moega i totonu o le potu malolo. Sa ou fuafua ou te moe i luga o le nofoa umi. Sa tiga tele le ma'i o tina ma sa leai se mea na mafai ona ou faia. Sa ou lagonaina le vaivai ma le le fiafia.

A o taumafai ma le faigata tina e moe, sa uunaia au e faitau atu tusitusiga paia ia te ia. Sa fiafia o ia i tusitusiga paia, ae sa vaivai tele foi o ia e uu pe faitau. Ina ua ou fesili atu i ai, po o le a le mea e manao ou te faitauina atu, sa fai mai, e fiafia lava i le tusi a Alema. Ina ua uma ona tilotilo solo i ulutala o mataupu, sa uunaia au e faitau mai le mataupu e 7.

Sa faatumulia le potu i le Agaga a o ou faitauina upu o loo faamatala ai le misiona a Keriso i le lalolagi: "Ma o le a afio atu o ia, ma mafatia i tiga ma puapuaga ma faasoosoga o ituaiga

eseese uma; ma o le a oo ia te ia nei mea, ina ia mafai ona faataunuuna o le upu ua fai mai, o le a ia ave i ona luga tiga ma ma'i o ona tagata.

"Ma o le a ia ave i ona luga le oti, ina ia mafai ona ia tatalaina fusi o le oti ia ua noatia ai ona tagata; ma o le a ia ave i ona luga o latou vaivaiga, ina ia mafai ona faatumuina ona loto i le alofa mutimutivale" (Alema 7:11–12).

Sa faauau pea ona ou faitau seia oo ina moegapepe lava Tina. Sa valaaulia e tusitusiga paia le Fesoasoani i lona fale ma sa fesoasoani e faamoe o ia. Sa ou maua se molimau malosi atu e uiga i le mana o tusitusiga paia, ma Iesu Keriso, o le sa naunau e avea ma o tatou Faaola ma faamafanafana i tatou i o tatou puapuaga uma. ■

Inger de Montecinos, Virginia, ISA



Saunia e Elder
Hugo Montoya
O le Fitugafulu

FAATOILALOINA O LE MATAUTIA O LE MASALOSALO

I le taimi o le galuega a le Faaola i le lalolagi, sa tofotofoina ai o Ia e Satani.

“Ua faalaina ia i po e fagafulu ma ao e fagafulu, mulimuli ane ona fia taumafa ai lea o ia.

“Ona alu ane lea ia te ia o le faaosooso, ua faapea mai, *Afai o oe le Alo o le Atua*, ina fetalai atu ia ia liu areto nei maa” (Mataio 4:2–3; ua faaopoopo le faamamafa).

Na faaosoosoina e le tiapolo le Faaola e ala i le faamasalosalo i Lona paia. Sa ia faaaogaina le fuaitau o le aiaiga “*Afai o oe le Alo o le Atua*.”

Ae o le faaaogaina o le malosi lea e sau mai le iloa o tusitusiga paia, na teena ai e le Alii le faaosoosoga. Na fetalai o Ia,” “Ua tusia, e le na o mea e ai e ola ai le tagata, a o afioga uma e tulei mai i le fofoga o le Atua” (Mataio 4:4).

O le talanoaga leni i le va o Iesu Keriso ma Satani ua tatou maua ai se manatu manino i le ala e faaosooso ai

i tatou e le fili ina ia tuu masalosaloga leaga i o tatou loto ma mafaufau.

O Se Osofaiga Natia

A o ou ola ae i Sonora, Mekisiko, e i ai ni laau tetele e tau o Lora Initia. E toeitiiti lava 100 futu (30 m) le maualuga, ma ni ogalaau tetele ma fausaga o lala ma lau ua malolosi lelei. Talu ai nei lava, na osofaia ai le tele o nei laau i se faamai e taua o le aa pala a Texas. Pe a osofai leni limu, o ona aafiaga e le vaaia mo ni nai tausaga. Ae ui i lea, e faasolosolo malie lava ona pala ia aa o na laau matagofie ona o limu, ma amata ai ona pepe. O laulaa e liu i le lanu samasama ona toulu lea. Ona mago lea o le ogalaau ma lala, ma e tataua ona tatou i lalo le laau.

E pei o le sosolo o limu i nei laau, e mafai e masalosaloga ona osofaia o tatou mafaufauga. Afai tatou te faatagaina i latou e ola, i se taimi umi e mafai ona aafia ai o tatou aa ma pala

E oo lava i laau tetele e mafai ona gauai atu i siama e le vaaia. E tutusa lava ma le faatuatua—afai tatou te faatagaina le masalosalo e tuputupu ae, e mafai pala ai aa faaleagaga seia oo lava ina tatou palalasi.

ai lo tatou faavae o le faatuatua seia oo foi ina tatou i tatou i lalo.

O ituaiga uo faapena e mafai ona tuuina mai le masalosalo e ala i le fai mai o fesili faatiga. O saite o le Initoneti e mafai ona faaosofia le masalosalo e ala i le tuuina mai o faamatalaga le sa’o. Ae e faateteleina



masalosalo pe a tatou lagonaina le tuulafoaia po o le lofituina, ona fesiligia ai lea o avega o loo tatou tauavea. O faitioga a le tagata natura, e pei o le “Aisea ua tupu ai ia te au, le Alii e?” po o le “Afai o au o Lau auauna, aisea ua e faatagaina ai . . . ,” e mafai ona musumusu mai i o tatou taliga

e le Tama o pepelo uma. E i ai sona faamoemoega taufaamatau: ina ia faavaivaia lo tatou mautinoa o i tatou o fanau a le Atua.

Ina ia tetee atu i le masalosalo faapena, e tatau ona tatou manatua le atoatoa o le fuafuaga a lo tatou Tama. Nai lo o le nopiai ai i fesili le

lelei, e tatau ona tatou ole atu mo le malosi, e pei ona faia e Iosefa Samita: “Ia manatua lau au paia mafatia, lo matou Atua e; ma o le a olioli ai au auauna i lou suafa e faavavau” (MF&F 121:6). E tatau foi ona tatou faatuatua o le a laveaiina i tatou e le Alii (tagai i le 1 Korinito 10:13).

Gaoi e Faafefe i le Fana

Ou te manatua se aafiaga patino lea na fesoasoani ia te au e aoao ai e sui le masalosalo i le faamoemoe. Sa ou auaua atu o se peresitene o le siteki i le taimi lena. Sa itiiti lau fanau. Sa ma faia ma lou toalua pisinisi fai totila, ma sa ma galulue ai mo le tele o itula.

I se tasi o na po, a o ma faia ma lou toalua ni totila mai le vaeluapo seia oo i le 3:00 i le vaveao, na o mai ai ni alii talavou se toatolu i totonu o le ma faleoloa. Sa matuai onana le toatolu lena i fualaau faasaina. Sa fai e le toalua o i latou ni matapulepule e na o mata ma gutu e aliali ai, ma ni ofufaaitimu uumi. Sa nana i ofufaaitimu a latou auupega. Sa latou faamatauina i ma'ua, tuu ma'ua i totonu o le faleoloa, ae tapuni le faitotoa. Na tutu le toatasi e leoleo fafo, sa faafia ona alaga mai, "Fasioti i la'ua! Fasioti i la'ua?"

Sa tuu e se tasi o alii talavou le gutu o lana fana i lo'u manifinifi ma faamalosia a'u e taoto i lalo. Sa tuu e le isi alii le gutu o lana fana i le fatafata o lo'u toalua. Sa ou tatalo ia le matuaoti la'u fanau, ma sa puipuia i ma'ua e le Alii. Sa iu ina loka i ma'ua e le au faomea i totonu o le faleletaua ona nino loa lea, ma o ese atu i lau pikiapu.

Na ma matala loa, ma valaau loa mo se fesoasoani. Na o mai leoleo faapea foi ma lo'u uso. I se vave na mafai ai, sa matou aveina atu ai lo'u toalua i le fale. Ona ma o lea ma lou uso e sue lau taavale, ae sa lei faamanuiaina. Sa ou toe foi atu i le fale i le 5:00 i le vaveao, ma le lagona faanoanoa tele.

O Fea Lo'u Aiga?

Sa faateia a'u ona sa lei i ai iina lou toalua ma la'u fanau. Sa fai mai se

tuaoui, sa tigaina lou afafine e fa tau-saga le matua i le manava tiga, ma na latou faanatinati atu o ia i le falemai. I le iloaina o le a matou matua manao-mia se tupe mo le tausiga o ia, sa ou lagonaina sa leai sau filifiliga ae ia toe foi atu i le faleoloa totila ma fai oka o le aso. Talu ai sa na o i ma'ua ma lou toalua le aufaigaluega, o lea sa na o au ai ma sa ou nanati solo, i le faiga o paluga, tuu paluga i totonu o le masini fai totila [hopper], fetuunai le tetele, fetamoeai i luma ma tua e faauma totila ma tautua i tagata faatau.

E oo ane i le taimi lea ua ta le 8:00 i le taeao. Sa amata ona ou mafaufau i mea na tutupu i le po. Sa oo mai le fesili i lo'u mafaufau, "Afai o oe o le peresitene o le siteki, aisea ea ua tutupu ai nei mea uma ia te oe?"

Mea Uma Lava ae Le o Totila

Sa ou tuleieseina le mafaufauga faataumaoui ae ou tatalo mo le malosiaga. Ona ou faalogoina lea o se leo i ou tua: "Peresitene." O lo'u epikopo ma se uso mai le uarota, o ou faiaoga o aiga.

Fai mai le epikopo, "Ma te le iloa fai totila, e le mafai la ona ma fesoasoani atu ia te oe iinei. Ae aua e te popole i lau loli, lou toalua, lou afafine ma'i, po o isi au fanau. Nofo oe iinei ae o le a ma fesoasoani atu i isi mea uma." Sa maligi ou loimata o le lotofaafetai.

Sa latou vaaia mea uma lava vagana ai totila. I lena aoauli ina ua ou foi atu i le fale, ou te alu atu ua uma ona tapena ma mama lou fale, na auli ou ofitino, ma sa taatia mai se meaai mo au. Sa leai se tasi na i ai i le fale, ae na ou iloaina sa i ai iina le Aualofa. Na maua e leoleo lau taavale, ma na totogi e se tasi o le uarota [le tupe] e faamatuu mai ai.



Ua faamalolosia aa faaleagaga o lo'u aiga mo le ono augatupulaga ona o le faatuatua le maluelue o le tama o lo'u tamamatua.

Sa ou alu vave loa e vaai lo'u toalua ma lo'u afafine. Sa i ai iina le epikopo, ma sa ia faia se faamanuiaga o lo'u afafine. Sa ma'i o ia i le pitogaau, ae ua sologa lelei mea uma.

A o ma talanoa ma lo'u toalua, na ma maua se uunaiga e faapea, sa lei faaaogaina e le epikopo le taulaga anapogi po o aitema mai le faleoloa a

le epikopo e fesoasoani ai ia i matou. Nai lo lena, sa ia faaaogaina punaoa ma le alofa mutimutivale o tagata o le matou uarota.

I ni nai aso mulimuli ane, a o malolou lou afafine ma a o fesoasoani mai lou toalua ia te au i le faleoloa totila, na taunuu mai ai ni tamaitai se toatolu. O i latou ia o tina o le au gaioi talavou ma na oo mai e fai mai le latou faatoesega. Sa latou faamatala mai, na maua e leoleo a latou fanau tama. Mulimuli ane, na toso mai ai e nei tina a latou fanau tama i totonu o le faleoloa e talosaga mo le faamagaloga, ma sa ma faamagaloga atu ia i latou.

Latou Te Le'i Masalosalo

E faamanatu mai ia te au e se tasi o faataitaiga i lo'u talafaasolopito le aua le masalosalo. I le 1913 i Mekisiko, na talai atu ai e Elder Ernest Young ma ana soa le talalelei i le tina o le tina o lo'u tinamatua o Maria de Jesus de Monroy, o se ua oti lana tane; [ma] lana fanau teine e toatolu o Natalia, Jovita, ma Guadalupe; ma lana tama tama e toatasi o Lafaele—le tama o lo'u tamamatua. Sa papatisoina i latou i le aso 10 o Iuni. E lua masina mulimuli ane, na tuua ai e tagatanuu o le Iunaite Setete le atunuu ona o le Fetauaiga i Mekisiko.

I le aso 29 o Aokuso, 1913, le aso na faamoemoe e tuuvaa ese ai Peresitene Rey L. Pratt ma faifeautalai Amerika uma, na alu atu ai Lafaele Monroy, o se alii na 34-tausaga lona matua, ua lua masina talu ona liliu mai, i le fale o le misiona e faailoa atu i ai ona atugaluga. “O le a le mea o le a oo ia matou?” sa ia fesili ai. “E leai se paranesi ua faatulagaina i San Marcos, ma e le o ia i matou le

perisitua.” O le faalogo atu i atugaluga a Lafaele, na fai atu ai Peresitene Pratt ia te ia e nofo i lalo. Sa tuu ona lima i luga o le ulu o Rafael, faae atu i ona luga le Perisitua Mekisiteko, faauuina o ia o se toeaina, ma vaetofia o ia o se peresitene o le Paranesi o San Marcos.

O Lafaele, o le sa malamalama o ana feagaiga o le papatisoga na paia ma faavavau, sa malamalama foi e tatau ona ia faasoa atu le talalelei. Mo le 23 masina, sa fesoasoani ai i laua ma lona fesoasoani o Vicente Morales, i le faaliliuga ma le papatisoga o le silia ma le 50 o tagata. Sa laua talai atu i nai isi tagata e toatele.

Ma o le aso 17 o Iulai, 1915, sa taunuu atu ai fitafita i San Marcos. Na tuuaia e fitafita tau ia Lafaele ma Vicente i le auai ma lagolago i le autau tetee, i le nanaina o auupega, ma le auai i se tapuaiga ese lava. Sa latou ave faapagota i laua, sauaina faatauga i laua, ma tasisi seia oo ina la matapogia. Ona tuu atu lea i ai e fitafita se avanoa mulimuli e faasao ai o laua ola. O le a faasaoina i laua pe afai la te lafoaia le la tapuaiga. Sa talu atu Lafaele, “E le mafai ona ou faia, aua ua ou iloa e moni le mea ua ou mauaina.”

Sa lei masalosalo Lafaele ma Vicente. Sa tutusa a laua gaioiga ma o laua malamalama ma molimau. I le faaiuga o lena aso, sa fasiotia ai i laua e le Autau a le Liberation o le itu i Sate, ma tuuina atu ai o laua soifua mo le mea sa la talitonu i ai.¹

O Loo Moni Lava i Aso Nei

Ia aua nei o tatou masalosalo i le moni o le galuega lenei. Soo se taimi lava e tofotofoina ai i tatou e masalosalo, ia tatou mafaufau loloto i o

tatou aafiaga faaleagaga. O le faia o lena mea, o le a fesoasoani tatou te tafisea ai masalosalo. E faapitua le moni o lenei mea ia i latou, o e ua talii mai mai le galuega faafaifeautalai ona faatagaina lea o masalosalo e oo atu i [o latou mafaufau], o tagata ua loa ona i ai i le ekalesia, o e ua lelavava tutumau, ma o tagata fou liliu mai o e na muai lagonaina le olioli tele ae ua le o toe fafagaina o latou faatuatua.

Afai o lou tulaga lea, ou te fia fai atu: Afai sa moni le talalelei i le taimi na auina atu ai lau talosaga e avea ma se faifeautalai, (ma sa moni!), afai sa moni i le taimi na e ulu ai i le malumalu (ma sa moni!), afai sa moni i le taimi na e liliu ma papatiso ai po o le taimi na e faaliliuina ma papatisoina ai isi (ma sa moni!), afai sa moni i le taimi na sa e faamau ai (ma sa moni!), o lona uiga la, e faapena foi le tutusa o le moni i le taimi nei!

Sa faaali mai e Iesu e ala i faataitaiga, e mafai ona tatou maua le malosiaga mai tusitusiga paia. Na faaali mai e Iosefa Samita, o le ole atu i le tatalo o le a aumaia ai le toomaga. O i latou o e ua tuuina atu o latou soifua, ma le le masalosalo, ua latou faaalia, e tusa lava pe feagai ma le oti, o loo i ai lo tatou faamoemoe.

E le tatau ona tatou gauai atu i le atuatuavale, aua o tofotofoga ma faaosoosoga e mo se taimi le tumau. E mafai e i tatou uma ona maua le faamoemoe i le folafolaga a le Faaola: “Vaai mai ia te a'u i mafaufauga uma; aua le masalosalo, aua le fefefe” (MF&F 6:36). ■

FAAMATALAGA

1. Tagai i le Rey L. Pratt, i le Conference Report, Ape. 1920, 90–93.

Tofotofoina o le Musika

Saunia e Marcel Hall

Sa ou faapea lava sa ou laki, ma ou manuia faaleagaga a o o'u leano i nisi o tulaga faatonuina o le talalelei. O lea sa fai ai lava mea sa ou manao i ai, filifili po o le fea o tulaga faatonuina na taua ae o le fea na le taua. O se tasi o tulaga faatonuina sa ou manatu i ai e tuu i le faitalia, o le le faalogologo lea i musika masoa ma paaa (tagai i le *Mo le Malosi o le Autalavou* [2011], 22). Ou te lei manatu o musika sa ou faalogologo i ai, sa faia se eseesega i le ala na ou amio a'i ma ou lagona e uiga i le talalelei. Sa i ai lava sau molimau malosi ia Iesu Keriso, ma sa ou taumafai i le mea sili e auauna atu ai i isi ma auai i au sauniga Lotu. Sa ou faapea ifo ia te au lava, sa o se mea leaga le le ola o na fai musika i ni olaga mama, ae sa le afaina lo'u faalogologo i a latou musika—aua, sa lei taofia ai au mai le ola i se olaga sa lilifa atu i le talalelei.

A o ou sauni e auauna atu i se misiona, sa ou le manatu lava i le auala na faatapulaa ai

e musika na ou faalogologo ai lo'u alualu i luma faaleagaga.

Ae peitai, i le toe o nai itula tatala lo'u valaauga o le misiona, sa oo mai ai i lo'u mafaufau le mau i le Alema 32:27 : “Ae faauta, afai tou te ala mai ma fafagu o outou mafaufau, e oo i le tofotofo i au upu, ma faaoga sina vaega itiiti o le faatuatua, ioe, e tusa pe ua le mafai ona e faia o se isi lava mea nai lo le fia talitonu, ia tuu lea manao e galue i totonu ia te oe, seia oo lava ina ia e talitonu ai i se ala e mafai ai ona e tuu ane o se avanoa mo se vaega o a'u upu.”

Ma sa faapea ona ou mafaufau ai i lena upu e tasi: *tofotofo*. Afai na ou fia maua faamanuiaga na ou misia, e tatau ona ou tofotofo i ai. O lea la, mo le isi tolu vaiaso na sosoo ai, sa ou le faalogologo ai i au musika le talafeagai. Sa faigata le taimi muamua, ma sa tele ou sasi sa i ai. Ae ina ua mavae ni nai aso, o lagona tofilemu na amata ona ou maua i aso uma, na lava ia e fesoasoani ia te au. E le gata i lea, i le avea ai ma se tagata aoga i le kolisi, sa amata ona lelei au [taumafaiga] i

Afai ou te manao e faaloloto la'u moli-mau ma alualu i luma faaleagaga, e tatau ona tuu lo'u faia o 'alofaga mo a'u amioga.

au vasega. Na mafai ona ou taulai atili atu, ma sa faateleina le ogatasi ma le Agaga i se taimi o lo'u olaga lea sa sili ona taua ai le taitaiga faalelagi.

Sa ou iloa sa faapena foi ona suia ou manaoga. Sa ou manao e maua faamanuiaga uma o loo faatalitali mai le Tama Faalelagi e tuu mai ia te au. O lo'u aafiaga i le suia o a'u mausa i musika na fesoasoani ou te iloa ai,





FAAOGATUSA O TATOU LOTO

“E na o le faaogatusa o o tatou loto ma le finagalo o le Atua, e mafai ona maua ai le atoatoa o le fiafia. Soo se mea e i lalo ifo, e iu i se vaega laitiiti ifo (tagai i le Alema 12:10–11). . . .

“E toatele i tatou ua taofia mai le faapaiaga faaiu ona ua tatou manatu sese e faapea, i se isi itu, o le faataga o o tatou loto ia tofatumoanaina i le finagalo o le Atua, ua le maua ai o tatou lava tagata (tagai i le Mosaea 15:7). Ioe, o le mea moni lava o loo tatou popole ai, e le o le tuuese o le tagata lava ia, ae o mea ua manatu faapito i ai—faapei o a tatou matafaioi, o o tatou taimi, o o tatou mamalu, ma a tatou meatotino. E leitioa faatonuina i tatou e le Faola ia faamaumau o tatou lava [ola] (tagai Luka 9:24). Ua na ona talosaga mai o la e faamaumau o tagata tagata tuai ina ia maua ai o tatou tagata fou. E le o se fesili e uiga i le maumauina o le faasinomaga o se tagata, ae o le mauaina o lona faasinomaga moni!”

Elder Neal A. Maxwell (1926–2004) o le Korama a Aposetolo e Toasefululua, “Swallowed Up in the Will of the Father,” *Ensign*, Nov. 1995, 23.

e leai ni tulaga faatonuina e tuu i le faitalia ma o poloaiga uma ua tuuina mai ia i tatou, ua mamauina ina ia faalolotoina ai lo tatou sootaga ma lo tatou Tama Faalelagi ma avea atili ai i tatou e pei o Ia. O le le tausia o tulaga faatonuina tatou te le mananao i ai, e nao lo tatou le maua ai o Ana faamanuiga folafolaina.

O le mulimuli i tulaga faatonuina o le talalelei ma le tausia o poloaiga, e iloagofie ai i tatou o ni soo moni o Keriso. Pe a tatou faia lena laasaga o le alu atu mai le lelei i le sili atu ona lelei,


ua tatou faafiafia moni ai lo tatou Tama oi le Lagi. E le mafai ona tatou faavae-luatai i lenei talalelei. A le o loo tatou minoi i luma po o le pauu i tua, ma o le manatu “O loo ou manuia lava i le taimi nei” o le a mautinoa lava lo tatou solomuli ai i tua. Ae afai tatou te faalagolago ia Iesu Keriso ma le mana o Lona Togiola ia alualu teisi ai i luma i aso taitasi, ona mafai lea ona tatou nonofo faatasi ma Lona filemu ma iloa o loo avea i tatou ma ituaiga tagata o loo Ia silafia e mafai ona avea ai i tatou. ■

E alala le tusitala i Iuta, ISA.



ENISINIA O VAALELE

E TELE MEA E MAFAI ONA AOA O MAI E SE VAALELE IA TE OE E UIGA I LE USIUSITAI, FAAALIGA, MA LE TAITAIGA FAALEAGAGA.



Saunia e Richard M. Romney
Mekasini a le Ekalesia

O LE FESOOTAIGA O LENEI MEA IA TE OE

Fai ni nai faatusatusaga faigofie, o le a e maua ai ni mea mananaia e tutusa ai mataupu faavae o le malaga a se vaaalele ma mataupu faavae o le talalelei.

⇒ MASII FAALEAGAGA

O le usitai i tulafono ma sauniga o le talalelei e maua ai le malosiaga. Na te aumaia ai le uunaiga faaleagaga lea e maua ai le masii faaleagaga. E faatumauiina ai lo tatou agai i luma. E mafai ai ona tatou tutu maualuga ae nai le lalolagi, lea e mafai ona tatou iloa manino atu ai le auala e toe foi atu ai i lo tatou Tama Faalelagi.



MALOSIAGA E LUA

A o ou faigaluega o se enisinia o vaaalele, sa ou iloa ai, e manaomia e se vaaalele ni malosiaga se lua ia lele ai:

1. **Uunai**, po o le malosi o le alu i luma, i se saosasoa talafeagai ia mafai ai ona masii i luga [le vaaalele]. O le uunai e aveese ai le tolosa, lea e taofiofi ai le minoi o le vaaalele.
2. **Masii**, lea e maua ona o le eseese o le malosi o le ea lea e alu i luga a'e o le apaau ma le ea lea e alu i lalo ifo o le apaau (lea e ta'u o le mataupu a Bernoulli). O le masii e faatoilalo ai le toso i lalo, lea e ono tosoa ifo i lalo le vaaalele i le eleele.



FAASAOGA O LE ALAVAA

Ina ua uma ona e papatiso, sa e mauaina le Agaga Paia, o le masini aupito sili ona lelei o masini taiala uma faaleagaga. A o e faaaauu pea i le usiustai, o le a tuuina atu e le leo filemu ma le itiiti ni uunaiga faifai pea e uiga i le mea e fai, po o fea e alu i ai, ma le ala e gaoioi ai. Afai e te faaloga ma le toto'a, o le a ia taialaina oe.

Ae ua ia te oe lava le faaagaina o mea ua tuuina mai e le Alii e faasa'o ai lou ala. O ia mea e aofia ai nofoaga mo iloilogā—o e tatalo e le aunoa, suesue i tusitusiga paia, auai i sauniga, saunia mo ma alu i le malumalu? Ma e aofia ai le salamo, lea e mafai ai ona e faia ni fetuuniga tetele ma laiti i le mausali faaleagaga, maualuga faaleagaga, ma taunuuga.



FAASAOGA O LE ALAVAA


loe, e tele isi mea e tutupu pe a lele se vaalele. Ae o le tele lava e aofia ai ni polokalama faaopoopo se lua.

1. **O fesoasoaniga mo le ta'iina o le ala**, e fesoasoani i le pailate e faatumau le vaalele i le alavaa. O nei mea e aofia ai fua ma ki e i totonu o le potu o le avevaalele, ae o loo aofia ai foi faailo o reita [radar] ma masini o fesoootaiga i leo e fesootai ai ma olo e mataituina vaalele.
2. **O faatonutonu o le vaalele** e faafaigofie ai suiga o le ala. E aofia ai tapili (o apata e i luga o le siusiu o le vaalele), ma fasi aileone [ailérons] ma fasi ta [trim] (o apata laiti i luga o apaau), o apata lapopoa ma sipoila [spoilers], selati [slats], ma apaapa taofiofi [stabilizers]. O mea nei e mafai ai e le vaalele ona taavale, a'e, tifa mau, liliu ma toe sau malie i le eleele pe a oo i le taimi e tulaeleele ai.



MAUTU LELEI

E faalagolago pailate i le aufaigaluega i le laueleele. E tapena e le aufaigaluega le vaalele mo le malaga, taitai atu ma toe taitai mai i le auuala e sesee ai, fai muai asi-asiga a o lei tuuvaa atu ma pe a taunuu mai faigamalaga, ma faatino pe fautuaina atu mo le siakiina ma le faaleleia atoa o le vaalele. O le aufaigaluega e nafa ma le tausiga ma le saogalemu o le vaalele.



FAAMAONIGA FAALEAGAGA

E faapei o se pailate, e tatau ona e faalagolago i lau aufaigaluega faaleagaga i le laueleele. O lau aufaigaluega e aofia ai ou matua, taitai o Alii po o Tamaitai Talavou, lou epikopo ma ona fesoasoani, faiaoga o aiga, faiaoga o le seminare, ma uo amiotonu. Mafaufau i faatalanoaga ma i latou o ni muai asi-asiga a o lei alu le faigamalaga ma le foi mai o le faigamalaga. E pei lava ona siakiina se vaalele i taimi uma e malolo ai, o le a e maua ni avanoa e faamaonia ai lou nofo saunia e lele i le taimi o faatalanoaga masani ua faatulagaina. O lau aufaigaluega faaleagaga i le laueleele o le a fesoasoani ia te oe e iloilo ou gafatia, saunia lau fuafuaga o le faigamalaga, ma fautuaina oe e uiga i le saoasaoa o savili faaleagaga ma ni faafitauli e faaolioli mai. O ni gaoioiga faapitoa, e pei o le alu i le malumalu, o le a manaomia ai le faamaoniga o loo e agavaa mo le lele ese atu. O saunoaga o konafesi aoao ua pei lava o le faalogo atu i se pule o le faigamalaga o le e mafai ona iloa atu vaalele uma i le taimi e tasi, ma tuuina mai ni faatonuga taua e taiala ai le faigamalaga. O le usiisitai i le fautuaga na tuuina mai o le a fesoasoani e te uli mamao ese ai mai ni tulaga e ono lamatia ai.



SAUNIA E LELE

I se uiga faaleagaga, e tatau ona tatou felelei. O i tatou o fanau a lo tatou Tama Faalelagi, ma e finagalo o la ia tatou taunuu i tulaga maualuluga faaleagaga. I le avea ai ma Ana fanau, e tatau ona tatou aapa mo le lagi aua faatasi ai ma Lana fesoasoani, e mafai ai i taimi uma ona tatou felelei atu i mea maualuluga fou. ■

Mo nisi faamatalaga e uiga i lenei autu, asiiasi i le news.lds.org


O LAU MOLIMAU

ma le Tusi a Mamona

Na saunoa mai Iosefa Samita e faapea, o le Tusi a Mamona “o le tusi aupito sili ona sa’o i soo se isi lava tusi i luga o le lalolagi, o le maa’au’au foi lea o la tatou tapuaiga, e sili foi ona latalata atili atu o le tagata i le Atua i lona ola ai i ona mataupu, nai lo se isi lava tusi” (faatomu-aga i le Tusi a Mamona O le Tusi a Mamona o se molimau mamana ia Iesu Keriso ma Lana talalelei toefuataiina. O le iloaina e moni e suia ai mea uma.

O tagata na tusia molimau nei sa oo ina liliu mai ia Iesu Keriso ma Lana talalelei ona o o latou aafiaga i le faitauina ma tatalo e uiga i le Tusi a Mamona. O le faitau ma tatalo faamaoni e uiga i le Tusi a Mamona, e mafai foi ona suia ai lou olaga.

O tala e tolu mai le autalavou e uiga i le auala ua suia ai e le Tusi a Mamona o latou olaga.



TAU LAVA O LE FAITAU MA TATALO

Saunia e Michael Peak,
Idaho, ISA



I na ua 17 o'u tausaga, sa tau mai e se uo ia te au o ia o se Mamona. O le taimi lena sa ou le iloaina po o le le mea na ta'u o le Mamona. Sa lei fai mai o'u matua ou te alu i le lotu, o lea sa le tele ai so'u iloa i le Tusi Paia pe e uiga i le Atua, ia pe na ou fia iloa foi. Sa ou ta'u atu i la'u uo, "Afai ou te fia iloa se mea e uiga i ai, a ou sailia e au lava."

O le vaai mai sa ou le popole tele i le Ekalesia, o lea sa na ona ia tuu mai ai se kopi o le Tusi a Mamona. Ona fai mai lea ia te au, e faitau ma tatalo e uiga i ai. Na te lei faamalosia au pe le fiafia ona ou te lei fia faalogo e uiga i le Ekalesia. Na

pau lava le mea sa manao ou te faia o le faitau ma tatalo.

Mulimuli ane i lena po, a o ou susueina le tusi, sa ou matauina ai lana molimau i le pito i luma. A o ou faitauina lana molimau, sa ou lagonaina e tatau ona ou aoao atili e uiga i le tusi lena. O lea sa ou amata ai mai le 1 Nifae. Sa le mafai ona ou tuuina i lalo le tusi. Sa ou fia iloa atili.

E lei leva, ae ou alu i se afiafi faaleaiga faatasi ma lona aiga lea sa latou aoaoina ai au e uiga i le talalelei a Iesu Keriso. E ui lava ina sa leai se mea na ou iloa e uiga i le talalelei, ae sa foliga mai sa talafeagai mea uma. A o ou aoao atili, na suia ou uiga faaalua e uiga

i le Ekalesia, le Atua, ma Iesu Keriso. Mo le taimi e tasi i lo'u olaga, sa ou manao ai e fai le mea na finagalo le Atua ou te faia. E lei leva ae aoaoina au e faifeautalai, papatisoina ma faamauina o se tagata o Le Ekalesia a Iesu Keriso o le Au Paia o Aso e Gata Ai.

Na suia e le Tusi a Mamona lo'u olaga. A o ou toe tepa i tua, e mafai ona ou vaaia le ala na fesoasoani ai le Agaga Paia ia ou manao e aoao atili. Sa fesoasoani le talalelei ou te iloa ai po o ai au, o fea na ou sau ai, ma o fea ou te alu i ai pe a ou faamaoni. Ou te faafetai i la'u uo lea na faasoaina mai ia te au, ma faali mai, o se uo moni e faasoa atu upumoni o le talalelei.



TALIAINA O LE LU'I A SE PEROFETA

Saunia e Portia Marjorie J. Alvaro,
Texas, ISA



Sa siitia atu lo matou aiga i Amerika mai Filipaina ina ua 11 ou tausaga. I le taimi muamua, sa faigata ona lava ona ou masani ai. Ae o le taimi lava na ou iloa ai tautala i le Igilisi, sa vave lava ona ou faaaogaina le aganuu lauiloa. Sa ou fialia i le faalogologo i musika o le siva vave, faataitai i sitaili eseese [o le teuga] o lauulu, ma le ofuina o lavalava o sitaili aupito fou. Sa le'i i ai sa'u molimau. Nai lo lena, sa i ai so'u uiga faalogogata.

Sa suia lo'u olaga ina ua ou filifili e talia le lu'i a le perofeta, e faitau ma suesue ma le faamaoni le Tusi a Mamona. Sa ou faitauina le tusi mai lava i le amataga e oo i le faaiuga. Sa lelei ma matagofie, ae sa ou le mautinoava lava pe ua moni.

Faatasi ai ma le popole, sa ou faataitaia ai le folafolaga a Moronae i le Moronae 10:4-5. Sa ou faamoemoe e faaali mai ni agelu, ae sa leai se mea na tupu. Ou te mafaufau, "Ua pau ai lena?"

E ui i lo'u le fialia, ae sa faaaauu pea ona ou suesue i le tusi. I se tasi po, sa fai ai la'u miti e uiga i le Tusi a Mamona. Ina ua ou ala ae, sa ou lagonaina se mu i totonu o lo'u loto, filemu o le mafaufau, ma le faamautinoaga. Sa ou mafaufau, "O lea la. O lau tali lenei."

Ina ua mavae lena aafiaga, sa faapea ona faateteleina lo'u mautinoava. Sa lelei atu au aoaoga, auai i le tele o gaoioga a le aoga, ma, o le mea aupito taua, sa avea [au] ma tagata sili ona malosia i le Ekalesia. O loo faaaauu pea ona ou suesue i le Tusi a Mamona ma faaaoga ona aoaoga i lo'u olaga. O aafiaga sa ou maua a o faitauina le Tusi a Mamona, sa avea ma taula ia te au i lo'u olaga.

O LE TUSI NA LAVEAIINA LO'U OLA

Taofia le igoa



Sa auai lo matou aiga i le Ekalesia a o 12 ou tausaga. I lena taimi, sa ou te iloa le taua o lena meaalofa. Ou te lei iloa pe moni le Ekalesia, ae sa faagaetia lo'u tama ma lo'u tina i le savali sa aumai e faifeautalai. Sa ou fiafia foi i faifeautalai ae ou te lei malamalama atoatoa i mea na latou fai mai ai. Na iu lava ina la valaauliaina i matou e papatisoina, ma sa filifili lo'u aiga o le a matou auai o se aiga po o le leai lava. Sa ou ioe i ai ma papatisoina ai e aunoa ma le liuaina.

Sa ou auai i le lotu ma le seminare, ae mulimuli ane, sa toe o ese ai lou aiga [mai le ekalesia]. Sa i ai au uo i le lotu ma ou alu ai i le seminare ma le Mutuale ia faatasi ai ma i latou. Ou te lei popole i le talalelei po o aoaoga, ma sa ou manatu sa faaiva tagata tele le lotu. Sa oo lo'u olaga i faaftauli ina ua amata ona ou auai i gaioiga e pei o le gaioi i faleoloa ma le faaleagamea. Sa oo ina sauā lo'u tama, ma sa ou mafau-fau e uiga i le pule i le ola.

Ae ui i lea, o le pule i le ola sa lei avea lava ma se filifiliga. Sa le mafai ona ou faia lena mea i lo'u tina, o lē sa ou alofa tele i ai. O lea sa ou aluese ai e su'e se tali. Sa ou autilo solo ma vaaia ai au uo mai le lotu. O le mea e tasi sa ia i latou sa lei i ai ia te au, o se molimau. O lea la i le 16 o ou tausaga, i le fa o tausaga talu ona ou papatiso, sa ou saofai ai i lalo e faitau le

Tusi a Mamona mo le taimi muamua.

Sa faigata, ma sa toetiiti alu le lua tausaga [o faitau]. Ao ou faitau i le 3 Nifae e uiga i le asiasiga a le Faaola ia Sa Nifae ina ua mavae Lona Toetu, lea sa la faamanuia ai a latou fanau, ma sa o ifo agelu mai le lagi ma siomia i latou, sa pei lava na ou tu ai faatasi ma Sa Nifae ma vaaia i ou lava mata lena mea faavavega na tupu. Sa

E MAFAI ONA E ILOA MO OE LAVA

De ua i ai sau molimau o le Tusi a Mamona, pe e te manao e maua lena molimau mo oe lava ia, o le faitau ma tatalo e uiga i le Tusi a Mamona o le a faalolotoina ai lou liua.

E fesoasoani le Tusi a Mamona ia i tatou uma lava e faalatalata atili atu ai ia Iesu Keriso. O le Tusi a Mamona o le a fesoasoani e te iloa ai, o Iesu o le Keriso, o Iosefa Samita o se perofeta, ma O Le Ekalesia a Iesu Keriso o le Au Paia o Aso e Gata Ai o le Ekalesia moni a le Atua i luga o le fogaeleele. la tatala lou loto a o e susueina ona itulau, ma o le a e vaai i le auala e mafai ona suia ai lou olaga mo le lelei sili atu.

molimau mai le Agaga Paia e uiga i lena taimi maoae.

Sa le mafai ona ou toe faitauina se isi mea, sa puaoa la'u vaai i loimata. Ina ua ou toe to'a malie, sa faaaau la'u faitau. Na mavae atu nai nisi vaiaso, ma sa ou faamaeaina le tusi, tootuli, ma tatalo e fiafaiioa pe ua moni. Ae ou te lei maua se tali.

Na mavae atu aso ma sa ou tootuli soo ma aioi atu ia iloa pe moni le tusi, pe moni le Ekalesia, ae sa ou le maua lava se tali. I le lotovaivai, ma i le mavae ai o vaiaso talu ona uma ona ou faitauina, sa ou toe tootuli tasi ai lava ma fesili atu, "Le Tama Faalelagi, pe moni ea le Tusi a Mamona?" O le tali na oo mai sa le o le mea lea sa ou mafaufauiina: "Ua uma ona ou tauina atu ia te oe. O lena e te iloa e moni."

Sa ou mauaina la'u molimau i vaiaso na muamua atu, a o ou faitau i le faamanuiaina o tamaiti e Keriso. Sa ou iloa o lenei Ekalesia, O Le Ekalesia a Iesu Keriso o le Au Paia o Aso e Gata Ai, o le malo o le Atua i le lalolagi, ua toefuataiina mai e se perofeta ma taitaiina e se perofeta, e pei o aso anamua.

E le o se faatele la le faapea atu, na laveai lo'u ola e le Tusi a Mamona, ae e sili atu ona sa'o le faapea atu, na laveai au e le talalelei toefuataiina ma faaaauu pea ona faafou ma faafailele au i aso taitasi. O la'u meatotino aupito faapelepele lea. ■

O le suesue ma le agaga tatalo o upumoni o loo i le Tusi a Mamona e mafai ona fesoasoani e te maua ai le malamalama faaleagaga e te manao-mia e taiala ai lou olaga, ma tali ai au fesili po o fesili a isi e ono i ai. O se faataitaiga leni o upumoni e mafai ona e aoaoina i le taimi o lau suesuega o le Tusi a Mamona i le seminare, i le aiga, ma i le lotu. A o e suesue, mafaufau loloto, ma tatalo e uiga i ai, mafaufau i ni auala e faasoa atu ai ma faatino ai mea ua e aoaoina ina ia faalolotoina ai lou malamalama-aga, molimau ma le liua i nei upumoni taua.

O Iesu Kerisoo

le Faaola, ma o
Iosefa Samita
o Lana perofeta filifilia.

Faatomuaga i le Tusi a Mamona



.....
**E SAUNIA E LE ATUA I TAIMI
UMA SE AUALA**
e te usitaia ai Ana poloaiga.

..... 1 Nifae 3:7

O Le Tusi a Mamona

o loo atinae i luga o le molimau a le Tujsi Paia e uiga ia Keriso.

1 Nifae 13:26-29, 39-42



Tatou te maua
taitaiga mai le
Atua e ala
i le **faatuatua,**
filiga, ma le
usiusitai.

1 Nifae 16:27-29



O LE TUSI A MAMONA

*faaliliina e
ala i le mea-
alofa ma le
mana o le
Atua.*

2 Nifae 27:6-23

E na o **Iesu Kerisoe** mafai
ona faaolaina ai i tatou.

2 Nifae 25:19-20

AFIOGA A KERISO

o le a tau atu
ia te oe le
mea e fai.

2 Nifae 32:3



*E lelei le
AOAOINA
pe afai tatou te
mulimuli i le
fautuaga a le Atua.*

2 Nifae 9:28-29

E alofa atoatoa
le Atua i Ana
fanau uma.

2 Nifae 26:33

OLE
AGAGA

e fetalai mai i
le upumoni.

Iakopo 4:13

Tatou te **auauna
atu** i le Atua e ala i le
auauna atu i isi.

Mosaea 2:17



OLE TAGATA NATURA

o se fili i le Atua.

..... Mosaea 3:19

Ua silafia ele
ATUA
mea uma, ma
o le punavai o
upumoni uma.

Mosaea 4:9

Tatou te
osifeagaiga ma
le Alii e ala i le
PAPATISOGA.

Mosaea 18:8-10



Ua tuu mai e le Alii ia
i tatou le **MALOSI** e
onosaia ai tofotofoga.

Mosaea 23:20-24; 24:13-15

Sa puapuagatia
Iesu Keriso
mo a tatou
agasala, tiga,
ma ma'i.

Alema 7:11-13

OLEFAATUATUA
E LE o se mala-
malama atoatoa.

Alema 32:21



Aoao e tausii
poloaiga
i lou talavou.

Alema 37:35

O Keriso o
se faavae
mautinoa.

Helamana 5:12



O le a faataunuu e le Alii
upu uma **na [la] fetalai**
e ala mai i **Ana perofeta.**

3 Nifae 1:1-26

E FAIA E LE ATUA VAVEGA

e tusa ai ma lo tatou faatuatua
ma Lona finagalo.

Mamona 9:20-21

OLE
**faatuatua o le
faamoemoe**

mo mea e moni
ae lei vaaia.

Eteru 12:6



Tatou te tatalo
i le suafa o
**IESU
KERISO.**

3 Nifae 18:15, 20-21

O le **ALOFA MAMA**
o le alofa le pona lea o Keriso.

Moronae 7:45, 47-48



E mafai ona tatou **maua se
molimau** o le **Tusi a Mamona**
**a o tatou faitau, mafaufau
loloto, ma tatalo.**

Moronae 10:3-5 ■

SEFULU

Saunia e Hadley Griggs

Mekasini a le Ekalesia

Pe ua e faatuina se sini o le suesueina o tusitusiga paia e tai foliga faapenei? “E amata atu i le aso lenei, o le a ou suesueina au tusitusiga paia mo se itula i aso uma lava—ma o le a ou faia i le *atoatoa*.”

Afai ua e setiina lena ituaiga o sini, o faapefea mai? E matea, sa lei lelei tele. O le taumafai e atinae se amioga fou e mafai ona matuai faigata tele, ae maise lava ona e masani ona tatou faia ni sini le talafeagai (e pei o lea o loo i luga) lea e vave lava ona tatou lelavava pe lofituina ai.

Ina ia faia moni le suesueina o tusitusiga o se mausa, e sili atu le lelei o le amata [i mea] laiti. Na tuuina mai e Elder Gary E. Stevenson o le Korama a Aposetolo e Toasefululua se fautuaga lelei tele: “E faaalu e le autalavou se averesi e fitu itula i le aso e matamata ai i le TV, komepiuta, ma telefonipoto. . . . E mafai ona e suitulaga nisi o na taimi i aso taitasi—ae patino lava i taimi o loo faaalu i alafaasalaulau faagafesootai, le initoneti, taaloga, po o televise—i le faitauina o le Tusi a Mamona? . . . E tusa lava pe na o se 10 minute i le aso.”¹

Sa matou fai atu i ni autalavou se toalima e talia le valaaulia a Elder Stevenson. Sa latou maitauina taimi o aso uma latou te matamata ai i le televise, ona latou suitulagaina lea o le 10 minute o lena taimi e suesue ai le Tusi a Mamona. Tagai foi la i a latou taumafaiga—atonu o le a latou musuia oe e te faataitai foi i ai!

MINUTE I LE ASO

Sa matou fai atu i ni tagata talavou se toalima e faataitai i le valaaulia a Elder Stevenson e suitulaga le 10 minute o le matamata i le televise i aso taitasi i le faitauina o le Tusi a Mamona.



“Ina ua uma ona tusitusia faamaumauga o le taimi na ou faaaluina i ala o faasalalauga faaagafesootai

mo le vaiaso muamua, sa fai si ou te'i i le aofai o le taimi na ou faaaluina i la'u telefoni. Sa o se manatu lelei tele lea mo au e faaoga ai nisi o na taimi mo le Tusi a Mamona, ae maise lava ona o le faitauina ma le filiga o tusitusiga paia e le o se tasi lea o o'u malosiaiga.

“O le mea moni, o se tasi o aso muamua lava sa faitau ai au tusitusiga paia i le taeao, sa o se aso *le manaia* tele lea. Ae ui i lea, sa ou iloina o le faitauina o tusitusiga paia o le a alualu ai i luma lo'u olaga, o lea sa faaauau ai pea ona ou faitauina.

“Ou te manatu o le aafiaga aupito silisili lava mai le faitauina i aso uma o le, sa faateleina ai ona ou lagonaina le Agaga. Sa faigofie atu ona ou faia ni faaiuga. Sa ou lagonaina le alofa sili atu mo tagata e siomia au, ma se manao faateleina e auaua atu. A faitau au tusitusiga paia i le taeao, e sili atu ona manaia le aluga o le aso. A ou faitau i le po, ou te moe lelei lava. Ou te fautuaina malosi ia faataitai tagata uma i lenei mea. Oka se esesega e faia ai!”

Bryn C., 18 tausaga, Iuta, ISA



“Ina ua ou mataituina le faaogaaga o la'u telefoni,

sa ou iloa ai sa ou i luga o la'u telefoni le tele o le taimi o le Aso Sa. Sa ou manatu sa o se mea leaga lea, ae sa tatau ona ou taumafai e faalatalata atu i lo'u Faaola—ae nai lo lena, sa ou sioa atu i le lau o la'u telefoni.

“A o amata ona ou faitauina au tusitusiga paia, ou te faitau i le 10 minute i po uma ae ou te lei moe, mo au la, na toeitiiti lava a mataupu i le po. A o ou faia lenei mea, sa ou matauina ai ua faigofie atu ona ou moe. Sa ou iloa foi ua lelei atu au faaiuga e fai i le vaiaso atoa, ma o le aotelega la, sa ou maua lagona lelei e uiga ia te au lava.

“Ou te faafetai lava ona sa mafai ona ou maua leni valaaulia, ma ua ou fuafua e faaauau pea ona faitau mo le 10 minute i le aso, ma fai a'u tatalo i po.”

Ryan E., 16 tausaga, Alapama, ISA



“A o lei ou mataituina le taimi sa ou faaaluina, sa ou faapea o le a faigata tele le aveeseina o le taimi ma le faitauina o tusitusiga paia—ae ina ua ou iloa le tele o le taimi na ou faaaluina i ala o faasalalauga faa-agafesootai, o le aveesea mai o le 10 minute mai lena taimi sa matuai faigofie lava! Sa mafai ona ou faitauina i le malologa o le aoauli po o le taimi tonu lava a o lei amataina le seminare.

“Ina ua uma ona ou faitau i tusitusiga paia, sa sili atu ona ou mataala i mea na ou tilotilo i ai i luga o faasalalauga faa-agafesootai. Afai ou te tau atu i se mea leaga, ma gagana le lelei po o se savali lelei, ou te matauina ma taumafai ou te aloese ai, ia lelei atu nai lo le taimi muamua. Sa ou matauina foi, o au tatalo sa sili atu ona faamaoni ma sa tele ni tali o tatalo na ou mauaina. E mautinoa lava o le mea lenei ou te faamoemoe e faaauau pea mo se taimi umi lava!”

Izzie J., 16 tausaga,
Kalefonia, ISA


“Ou te lei mafaufau moni sa tele lo’u alu i ala o faasalalauga

faa-agafesootai, seia oo ina talosagaina au e mataitu lo’u faaogaina, ma o le taimi lena na ou iloa ai le tele o lo’u olaga na faaalu i ala o faasalalauga.

“O le taimi lava na amata ai ona ou matuai tulaui atu i le faitauina o tusitusiga paia i aso uma, sa ou lagonaina se naunautai e faitau i le Tusi a Mamona, ma sa ou manao e aoao mai ai. A o ou faitau mo le 10 minute i aso taitasi, sa oo ina faateleina lo’u fiafia i tala. Pe tusa ua afa [la’u faitauga] ae ou filifili loa, ao lei amata ona ou faitau, o le a ou tatalo ina ia ou maua tali i au fesili, ma sa ou maua moni lava na tali e ala mai i le Agaga Paia.

“Ou te iloa e talanoa mai le Atua ia i tatou e ala mai i tusitusiga paia, ma o le Tusi a Mamona o se tasi o molimau ia lesu Keriso. E mafai moni lava ona faamanuiaina ai o tatou olaga e ala i le suesue ma le agaga tatalo ma le faatauana. Ou te matua faafetai mo le avanoa sa ou maua e auai ai i lenei mea, ma ou te valaaulia tagata uma ina ia faia foi faapea. Sa o se aafiaga na suia ai olaga.”

Sydney B., 16 tausaga, Arisona, ISA



“E ui lava ina sa galo ona ou faitau i ni nai taimi, ae o le aotelega, sa manuia. Na ou iloina, ae ou te lei

amata i le valaaulia a Elder Stevenson, o le mea moni, sa tusa pe nao le 3 minute i po taitasi na ou faitau ai, ma o le faateleina o la’u faitau i le 10 minute i po taitasi, ua ou vaaia ai se eseesea i lo’u olaga. Pe a ou faitau, ou te lagona le faateleina o lo’u lagonaina o le Agaga, ma e mafai ona ou lagonaina faamanuiaga o le puipuiga faaleagaga i aso uma. E tutusa lava le faigata o le tau amata ona faitau i le mavae ai o se taimi e leo toe faitauina tusitusiga paia, ma o le taimi lava na ou amatalia ai le mausa o le faitau, sa le mafai ona ou toe tuua.

“Sa ou matauina mo au lava ia, a ou faitauina tusitusiga paia i le taimi tonu o le a ou moe ai, e masani lava ona ou moe pe le tele foi se mea e maua mai la’u faitauga. E sili atu le lelei o le faitau a le o le taeao po o le tuua foi o le aoga.

“Sa ou fiafia tele i le faiga o lenei mea, ma ou te luiina tagata uma e faataitai i ai.”

Rachel A., 15 tausaga, Colorado, ISA ■



E te fia faataitai i ai mo oe lava ia? Siaki le tusiga lenei i luga o le uepisaite a le Autalavou a le AAG mo motugaafa valu o auala e ausia manuia ai lenei sini: lds.org/go/91761.

FAAMATALAGA

1. Gary E. Stevenson, “Vaai i le Tusi, Vaai i le Alii,” *Liahona*, Nov. 2016, 46.

TUUSAO I LE MATAUPU

Faatasi ai ma le fesoasoani, ua ou salamoina ai agasala faifai pea. Ae ou te fefe ne'i ou toe solo i tua. E faapefea ona ou tetee atu i faaososoga ma tumau pea i le fiafia?

Ia suia lou fefe i le faatuatua ia Iesu Keriso ma Lana Togiola, i Lona mana e siiāe ma suia ai oe, ma i Lona alofa ma le alofa muti-mutivale. Ia manatua le Tama Faalelagi ma Iesu Keriso ma lo Laua agalelei ia te oe. Ia lotomauualalo, tatalo, suesue i tusitusiga paia, ma ia faamaoni. (Tagai i le Mosaea 4:11–12.) Ona mafai lea ona e maua le olioli, “o le meaalofo lea e sau mai le taumafai ma le loto i ai e ola i se olaga amiotonu, e pei ona sa aoao mai e Iesu Keriso.”¹

O le salamo atoatoa e mafai ona luitauina. E masani ona manaomia ai se taimi umi, aemaise lava pe afai na e agasala pea lava pea. Aloese mai tulaga e aumaia ai faaososoga. Atonu e manaomia ona suia au faiga masani, tulaga o siomia ai oe, ma au uo. Afai e te sasi, ia manatua e mafai lava ona e salamo ma suia. Taumafai pea. O le a le fiu lava lou Tama Faalelagi ma lou Faaola ia te oe. “O le Togiola . . . e mafai ona fufulu mamaina ai soo se pisia e tusa lava po o le a le faigata, po o le a le umi, po o le a foi le tele o taimi na fai soo ai.”² ■

FAAMATALAGA

1. Russell M. Nelson, “O Le olioli ma le Ola ai Faaleagaga,” *Liahona*, Nov. 2016, 84.
2. Boyd K. Packer, “O Le Fuafuaga o le Fiafia,” *Liahona*, Me 2015, 28.



O le a se mea e tatau ona ou faia pe afai e fesiligia e aiga vavalalata ma uo le Ekalesia ma o ese ai?

Afai e amata e tagata e latalata atu ia te oe ona fesiligia pe amoni le Ekalesia, ia alofa ia i latou ma ia e tumau malosi pea. A latou talanoa atu ia te oe e uiga i le Ekalesia, ia taulai atu i mea o loo latou manatu i ai, ae le o le taumafai e faamaonia e sao oe. Aua nei faia ia latou lagona le maasiasi ona o le i ai o a latou fesili po o masalosaloga. Aua e te le fiafia pe tiga, e tusa lava po o ou lagona na. Afai e mafai, talanoa malie atu ia i latou e uiga i a latou fesili, ma taumafai e fesoasoani ia i latou ia maua tali ma ia taofimau i le faatuatua, talitonuga, ma a latou molimau o *loo* i ai (mo se fesoasoani, tagai i le [lds.org/go/91763](https://www.lds.org/go/91763)).

Afai e le toe manao se tagata i se mea e faatatau i le Ekalesia, e le faapea ai la e tatau ona muta ai la oulua fegalegaleaiga. Ia alofa ia i latou, ia agalelei atu ia i latou, ma tatalo mo i latou. Afai tou te le o toe afaatasi i le Ekalesia ma le talalelei, ia taofimau i mea o loo outou afaatasi ai. Ia faailoa atu e te alofa ia i *latou*, ae le na o a latou fegalegaleaiga ma le Ekalesia. Ae aua foi nei e faatuutuu i au lava sini faaleagaga. Taumafai e siiāe i latou i luga, ae aua le tuu atu ia i latou e e aumai oe i lalo. ■



Saunia e Peresitene
Henry B. Eyring

Fesoasoani Muamua
i le Au Peresitene Sili

O AUALA E VALAAULIA AI LE AGAGA PAIA

O se tasi o auala ou te iloa ai o loo ou lagonaina le uunaiga a le Agaga Paia o le, ou te lagona se malamalama ma ou te fiafia. Pe a foliga mai e mamao ese le Agaga Paia mai ia te au, ou te lagona se pouliuli ma ou te le fiafia. Sa ou lagonaina lena mau ai ma le fana'e mai o le malamalama ma le fiafia i lo'u olaga, ma e faapena foi ia te oe.

Ou te fia lagonaina lena malamalama ma ou te fia fiafia. Ou te tau le faatali mo faafitauli ma tofotofoga ina ia ou manao ai i le fesoasoani a le Agaga Paia. E mafai ona ou **filifili e manatua** le tulaga na i ai lena mafutaga, ma soo se taimi ou te faia ai, ou te toe manao ai ma lo'u loto atoa i lena faamanuiaga.

A tatou mananao i le Agaga Paia ma le filemu o le mafaufau ma le olioli lea e o mai faatasi ai, ua tatou iloa le mea e fai. Tatou te **aioi atu i le Atua** mo lena mea i le faatuatua. E manaomia ai le **tatalo o le faatuatua** e aumaia ai le mafutaga a le Agaga Paia. O lena faatuatua e tatau ona faapea, o loo soifua le Atua le Tama, le Fofoa o mea uma, ma finagalo ia tatou maua le Agaga Paia ma finagalo e auina mai le Fesoasoani ia i tatou. E manaomia le faatuatua o Iesu o le Keriso, ma sa Ia togiolaina a tatou agasala ma motusia noataga o le oti. Faatasi ai ma lena faatuatua tatou te **o atu ai i lo tatou Tama** i le faaaloalo ma le talitonuga o le a tali mai o Ia. Faatasi ai ma lena faatuatua tatou te **faaiu ai a tatou tatalo** i le suafa o Iesu Keriso i le avea ai ma Ona soo moni, ma utino'a o lo tatou salamo moni, o lo tatou papatisoga e Ana auauna, ma a tatou auaunaga faamaoni i Lana galuega ua faamamaina ai i tatou, ma tatou mama ma agavaa ai i le faamanuiaga ua tatou sailia, o le mafutaga a le Agaga Paia. ■

Mai se faigalotu a le Iunivesite o Polika Iaga-Idaho i le aso 25 o Ianuari, 2005.



NA FAAPEFEA ONA E FAAOGAINA LENEI MEA?

Ou te maua le Agaga Paia e ala i le mana o le tatalo, tausia ia mama lo'u mafaufau, ma le taumafai e tausi tulaga faatonuina o le talalelei. O le aoao ma le malamalama i le matafaioi a le Agaga o se faagasologa e faifai pea. O le mulimuli ai i le mea ua fetalai mai ai le Faaola, e aumaia ai ia te au se manao sili atu e galue i ai ma avea atili faapei o Keriso.

Katie S., 17 tausaga, Iu o Aukilani, Niu Sila

O LA TATOU AVANOA

O FAAMANUIAGA O LE SEMINARE

I le taimi o lo'u tausaga lua i le seminare, sa na o le toatolu tamaiti aoga o le matou vasega, ae sa i ai sa matou faiaoga ofoofogia o le sa fiafia e faa-soa mai le talalelei ia i matou. I se tasi o vasega, sa matou aoao ai pe toafia ni tagata sa manatu o le a taapeape le Ekalesia ina ua maliilu Iosefa Samita ma lona uso o Ailama. Peitai, sa manatua e isi uluai tagata o le Ekalesia, o le Ekalesia lenei a le Atua, ae le o se Ekalesia a se tagata. Sa aoao mai lo matou faiaoga ia i matou e faapea, o le a le iuvale le Ekalseia aua o le Ekalesia a Iesu Keriso.

E le masalomia lava, na suia o matou olaga i lena lesone. I lena

aoauli, sa matou filifili ai o le a matou auauna atu i le Alii ma o matou loto, agaga, mafaufau, ma malosi atoa. Sa matou saunia e auauna atu i ni misi-ona talai. Sa faaaauu pea ona ou auai i le seminare.

I le aluga o tausaga e lua na sosoo ai, sa mafai ona ou iloa le ala na faamanuiaina ai lo'u olaga i le auai i le seminare, faapea foi ma le auala na faafaileleina ai la'u molimau ma lo'u naunau e auauna atu ona o sauni-uniga e auauna atu i le Alii.

O le auai i le seminare sa faamautuina ai ia te au lo'u faapitoa tele i le Tama Faalelagi. Ua fesoasoani ia te au e faaoga le talalelei i lo'u olaga,

ma le mea aupito taua, ua fesoasoani ou te malamalama ai o le talalelei e le o se mea nao Aso Sa tatou te ola ai. Sa faamautuina i le seminare lo'u manao e auauna atu i se misiona. E leai so'u masalosalo o loo i ai pea faamanuiaga o le seminare i lo'u olaga. E leai se tasi na fai mai o le a faigofie, ae afai o le a tatou filifili e auai i le seminare, o le a faamanuia i tatou e le Alii, ma o le a tuu mai ia i tatou le malosi e tatau ai e faataunuu ai manaoga o o tatou loto. ■

Begona C., Guayaquil, Ekuatoa










FESOASOANI I TAGATA SULUFAI

Sa galulue faatasi le autalavou i Taialani e fai le silia ma le 100 tau'i o mea mo le tumama mo tagata sulufai i Bangkok mai aitema na foai mai e tagata o le Ekalesia. Sa tufatufa atu tau'i o mea mo le tumama i nisi o faalapotopotoga eseese i le lotoifale o loo galulue e fesoasoani i tagata sulufai mai le lalolagi atoa, o e o mai i Taialani i le sailiga o ni toomaga. O lenei konafesi faapitoa a le autalavou a ni siteki tuufaatasi, sa o se vaega o se faamanatuga i le atunuu atoa o le 50 tausaga o le faapaiaoga o Taialani e Peresitene Gordon B. Hinckley (1910-2008) i le aso 2 o Novema, 1966, mo le talaiga o le talalelei.

Faitauga i le Konafesi

Mo le konafesi aoao, o se auala manaia leni e maitau ai upu eseese e te ono faalogo i ai. Tuu se tupe siliva po o se fatupi i luga o se faatafafa i taimi uma e te faalogo ai i lena upu i se lauga. Soo se taimi lava e faalima ai ona e tau i se upu, ona faafesui ai lea o le faaputuga i se tupe siliva ese po o se fatupi e ese le lanu. I luga o laina uliuli, tuu ai isi upu e te ono faalogo i ai i le konafesi.

			
lesu Keriso		Perofeta	
			
	Togiola		Tama Faalelagi
			
Alofa		Aiga	
			
	Tusitusiga Paia		Tamaiti

O Se Atavali o Keriso



Saunia e Tesla S., 11 tausaga, Iuta, ISA

Opo uma o Aso Sa ma te saofafai ai i lalo ma lou tama ma ma galulue i au sini i lau tamaitusi o le *Faatuatua i le Atua*. O se tasi o sini sa ou manao e faauma mo le atiina ae o taleni o le valiina o se ata o Keriso.

Ina ua uma ona ou faatuina le sini, sa valaaulia au e sau uo mai le aoga i lana uluai komenio. O le uluai komenio o se sauniga faaiptoa lea i le Ekalesia Katoliko.

O le taimi muamua lea o se tagata e ai ma inu ai i le faamanatuga. Sa tele ni mea sa fai e lau uo e sauniuni ai mo lana uluai komenio, ma sa ou iloaina sa taua tele ia te ia.

Sa tonu ia te au e vali le ata o Keriso e ave atu o se meaalofa ia te ia. Sa ou galue malosi i lau ata. Ina ua uma, sa ou faatau mai se faavaa manaia lava e tuu i ai ma avatu loa i lau uo. Sa matuai faafetai o ia mo le ata. Sa ou maua se lagona lelei i lou loto e ave atu ia te ia, ma e avea o se vaega o lona aso faapitoa. ■





O Le Filifiliga a Sieni

Saunia e Jessica Larsen

E faavae i se tala moni

Connecticut, 1842

“O le Alii lo’u leoleo mamoe . . .” sa faalogoina e Sieni Elisapeta Manning le musika, ae sa le mafai ona ia taulai atu i upu. Sa autilo o ia i ona lima, ma mafaufau loloto.

Sa auai o ia i le lotu Pesipeteriane i le tausaga ua mavae. Ae sa ia lagona lava le pei na i ai se mea na misi. “O loo ou sailia se mea e sili atu,” sa mafaufau ai. Ae o le a ea lena mea?

Ina ua tuua le lotu, sa o atu i fafo Sieni faatasi ma isi tagata uma o le faapotopotoga. Na amata ona sui le lanu o laulau i le lanumumu ma le auro. Sa atagia mai le sulu o le la i le Vaitafe lata ane o Norwalk.

Sa fai mai se tasi o alii, “Ua sau se faifeautalai femalagaai i le nuu.” “O ia o se Mamona, ma ua fai mai ua toe fetalai mai le Atua i perofeta.”

Sa tu Sieni e faalogologo. Mata o le mea ea lenei sa ia sailia? “Perofeta?” sa aamu mai ai se isi alii. “E pei ona i ai i le Tusi Paia? O ai o le a alu e faalogo i se savali faapea?”

“O au!” Na oso atu ai Sieni. Sa faliu ane ni nai tagata e sioa atu ia te ia, e aofia ai ma le faifeau. Na lagona e Sieni le matamuli.



Sa faauu foliga o le faifeau. “Ou te manatu e le tatau ona e latalata atu ia te ia. O le mea faavalevalea, le mea lena. Ua e malamalama?” Ina ua leai sana tala na fai atu, sa lue lona [faifeau] ulu ma see atu lana talanoa i se isi tagata. Sa vaai atu Sieni ua alu ona topetope loa lea i lona fale.

O le fale, sa le o le mea lea sa nonofo ai Mama ma ona tuagane ma uso. O le faatoaga a le aiga o Fitch. Sa alu o ia e nofo iina o se auauna ina ua faatoa ono ona tausaga. Sa galue malosi o ia i aso uma, e fesoasoani i le faletua o Fitch i le tagamea, auli, ma le faiga o meaa. Sa masani ona ala o ia ao lei oso le la. Na te faia le afi, palu falaoa, ma saeu le pata. Soo se taimi lava sa mafai ai, sa alu ai e asi lona lava aiga.

I ni nai aso mulimuli ane, sa mafaufau pea lava Sieni i le faifeautalai a o ia faatautauina ofutino o le Susuga a Fitch e faalala. Sa apata solo lavalava i le agi a le savili.

Sa fai atu le faifeau ia te ia e aua nei alu, ae peitai . . . sa manaomia ona alu. Sa manao e vaai pe mafai ona fesoasoani lenei Mamona e sue le upumoni lea sa ia sailia. E oo ane i le taini na uma ai ona tautau le tagamea, ua ia iloa le mea e fai. O le a alu i le fonotaga, e tusa lava po o a tala a tagata e fai mai.

I le Aso Sa, sa ala a’e Sieni i le tafa o ata, fai lona ofu sili ona manaia, ma savali toatasi atu i le falefaafiafia e fai ai le fonotaga. Sa faaseese filemu atu i se nofoaumi laupapa i le pito i tua o le falefaafiafia. Sa ataata Sieni ina ua ia vaaia le aofai o tagata sa i ai iina. Sa foliga mai sa le nao ia lea sa suea se mea e sili atu!

Na filemu le potu ina ua tulai Elder Wandell. Sa vave uma le itula na sosoo ai a o ia talanoa mai e uiga i le Tusi a Mamona ma se perofeta e igoa ia Iosefa. Sa fai mai o ia, e mafai ona papatiso tagata e ala i le faatofuina, e pei ona sa faia e Keriso. Ma sa ia talanoa mai e uiga i le Au Paia ua faapotopoto atu i se aai mamao lava ua ta’ua o Navu. I le faaiuga o le fonotaga, sa lagona e Sieni le matuai tumu o lona loto lea sa tau le mafai ai ona manava.

O le po lena, sa asiasi atu ai Sieni i lona aiga.

“O le a la sou manatu i le savali a le faifeautalai?” sa fesili atu ai lona tina ina ua faamatala atu e Sieni le mea na alu ai lona Aso Sa.

“Ua matuai ou talitonu lava sa ia faailoa mai le talalelei moni,” na fai atu ai Sieni. “E tatau ona ou taliaina. O le a papatiso i le Aso Sa lea.”

“Papatiso? O le a e auai i se isi lotu?” o le fesili lea a lona tuagane, o Isaako, ma toso mai se nofoa.

“Ioe! O le mea lea sa ou suea lava. E moni.”

Sa iloa e Isaako sa mo’i lava o ia. “O le a la le mea e sosoo ai?” sa ia fesili lemu atu ai. “O le a le mea o le a e faia pe a uma ona e papatiso?”

“O le a ou faapotopoto faatasi ma le Au Paia,” na fai atu ai Sieni. “O le a ou alu i Navu.”

E faia pea . . . ■

E alala le tusitala i Texas, ISA.

O LA TATOU ITULAU



Jaziel B., 10 tausaga, Atenitina

Ua ou lagona le fiafia i lenei aso. O le ata lenei o loo faaalua ai au i le aso na uma ai ona ou faitauina le Tusi a Mamona. E tele ni mea na ou aaoaina, e pei o le, sa ususitai Nifae i mea uma na poloaiina ai o ia e le Atua, ae o Alema le Itiiti sa fealuai e sauaina le Ekalesia. Mulimuli ane sa salamo o ia, e faafetai ai i le asiasiga a se agelu ma tatalo a ona matua, ma sa ia talai atu le talalelei.

Ou te faafetai i ou matua mo le faamalosi au mai ia te au i aso taitasi e faitau le Tusi a Mamona, ma i ou taitai o le Peraimeri mo le fesoasoani ia te au e faataunuu lenei sini e ala i le tamaitusi o le Faatuatua i le Atua.

Sebastian C., 10 tausaga, Venezuela



Ou te alofa ia Iesu Keriso ma le Tama Faalelagi ma le Agaga Paia. Ou te iloa o le a ou toetu. E mafai ona ou lagonaina le mafanafana ma o le Agaga Paia lea. Na auina mai e le Tama Faalelagi ia Iesu Keriso. Ou te fia faapei o i Latou.

Gabriela F., 8 tausaga, Pasila



"E Mafai Ona Faavavau Aiga," na saunia e Rubi, 8 tausaga, "Mamalu Selesitila," na saunia e Repeka, 8 tausaga, El Salvador




Tuafafine o le Aualofa ma le Malumalu o Navu

Oti ese faatusa nei e faasoa atu ai tala o le talafaasolopito o le Ekalesia.



Jane Manning



Malumalu o Navu

Sa nonofo le Au Paia anamua i se nofoaga sa latou ta'ua o Navu. Sa latou galulue malosi e faamama laueleele faataufusi ma fausia o latou fale. Sa latou fausia foi le malumalu o Navu! Sa tatipi ma lau e tamaloloa ia maa. O tamaitai na kukaina meaa, suiina lavalava mo alii faigaluega, ma ao mai pene e faatau mai ai sapalai. Na faavaeina le Aualofa, ma avea ai Ema Samita ma uluai Peresitene. I lena taimi, na faapotopoto ai uso fou o le Ekalesia mai le lalolagi atoa i Navu. E 800 maila (1,290 km) na savali mai ai Jane Manning mai Niu loka ina ia faatasi atu i le au paia!

E mafai foi ona e faaogaina Ema Samita mai le lomiga o Mati 2017 e faamatala atu ai le tala lenei!
Sailli nisi faatusa o le talafaasolopito o le Ekalesia i le liahona.lds.org



Saunia e Elder
Ronald A. Rasband

O Le Korama
a Aposetolo e
Toasefululua


E mafai faapefea ona ou faamalosia la'u molimau?



Ia manatua taimi na
e lagonaina ai
le Agaga.



Aloese mai mea e le
atiina ae ma faamalosia
ai lau molimau.



Faitau ma mafaufau i tusitusiga paia.
Tusi i lalo ou lagona faaleagaga i
lau api talaaga.



Aapa atu i isi i auaunaga faa-Keriso.
O le a fesoasoani lenei mea e te lagona
ai le alofa o le Atua i le taele
o lou loto.



Faasoa atu lau molimau
i lou aiga.



Saunia e Jean B. Bingham
Peresitene Aoao o le Aualofa

Aua le Taalo i le AFI!

“Tausi poloaiga! O i ai le malu; ma le filemu”
(Tusipese a Tamaiti, 68).

A o o’u tuputupu ae, o se tasi o au galuega o le susunu lea o le otaota. Ou te aoina mai le otatoa mai le fale. Ou te tuua i totonu o se paelo uamea lapoa e i tuafale. Ona ona tutuina lea o se laau afitusi ma togi i totonu o le paelo.

I se tasi aso sa ese le savili, ma sa le mafai ona ola le afitusi. Sa ou filifili loa e fai se sulu i nusipepa. Sa ou mafaufau e faapea, o lea faiga o le a umi ai le mumu o le sulu e tutu ai le afi o le otatoa. Sa ou manatuaina sa le o se mea atamai le taalo i le afi, ae sa ou le amanaiaina le lagona o le lapataiga. Sa ou taaia faalaumiumi ni nusipepa, tutu i le afitusi, ma togi loa i totonu o le paelo.

Whoosh! O le savili malosi na mafua ai ona mumusaesae le nusipepa, ma na vave lava ona mu ai le otaota. Na misi le lelea o apeafi mumu tele mai o’u foliga. O le mea na laki ai sa faaponi i tua lo’u lauulu. Ae o lo’u koke sa pei o ni fasifilo pupuu ma malo! Na leai ni o’u laumata, faapena foi i o’u fulufulumata. Sa vave tele le tupu o le mea!

O lena mea sa ou aoao mai ai se lesona: afai e te taalo i mea matautia, e mafai ona e lavea ai! O o tatou matua ma le Agaga Paia e lapataia i tatou e aloese mai mea matautia e pei o ponokalafi ma fualaau faasaina. Afai tatou te filifili e aua le amanaia lapataiga, e i ai o latou taunuuga.

Ou te faafetai ona sa toe tutupu lo’u lauulu i le aluga o le taimi. E faapena le salamo. A tatou faia ni filifiliga sese, e mafai ona tatou filifili e sui. E mafai ona faamagaloina i tatou ona o le Togiola a Iesu Keriso. E tusa lava



pe o le a lo tatou talavou po o le matutua, e i ai lava iina e le aunoa le Faaola e fesoasoani ia i tatou. E mafai ona tatou toe lagonaina le toafilemu, e pei lava ona i ai i le aso sa tatou papatiso ai.

Na tuuina mai e le Tama Faalelagi ia i tatou poloaiga ona e alofa o Ia ia i tatou. E finagalo o Ia e puipui ma fesoasoani ia i tatou. Oka se matagofie o meaalofa ua tuuina mai e le Tama Faalelagi ma Lona Alo o Iesu Keriso ia i tatou! ■

Saunia e Julie Cornelius-Huang

E faavae i se tala moni

*“Matou te ta’utino atu ua ia i matou le aiā tatau matou te tapuai atu ai i le Atua Mamana e tusa ai ma o matou lava lotofuatiaifo, ma ua matou tuuina atu foi lea lava aiā tatau i tagata uma, e faitalia i latou, pe faapefea, po o fea, po o le a foi le mea latou te tapuai atu i ai”
(Mataupu Faavae o le Faatuatua 1:11).*

Sa fiafia lava Iren i le asiasi atu i Taiuani. Sa avea o ia Se lona tamamatua, o Yéyé, faatasi ma lona tuafafine laititi o Ila, i le pa manu ma i se tietiega vaa i se tamai motu. Sa latou o atu i ni togalaau mananaia na tumu i laau o le mago ma oketi. Ma sa latou asiasi atu i se mauga lea na taumafai ai manuki e gaoui a latou meaai! Sa fefe Ila i manuki, ae sa manatu Iren, sa matagofie tele i latou.

Sa manao Yéyé e aoao Iren ma Ila e uiga i le mea na o mai ai lo latou aiga. Sa ia ave i laua e feiloai i tagata uma o le latou aiga ma i faleaiga e faataitai ai i meaai fou. Sa faataitai e Iren le faaaogaina o fasilaau e aai ai. Sa faasolo ina lelei tele ai o ia.

I se tasi aso na avea ai e Yéyé ia Iren, Ila, ma o laua matua i se nofoaga faapitoa. O se fale tele lava, e i ai ni faitotoa tetele na matalatala ma se fola laupapa iila. Ae latou te lei o atu i totonu, sa talai ese seevae o Iren ma

lona aiga. “O se nofoaga lenei e tatau ona e migao ai,” o le tala lea a tina. “E pei lava o le tatou falesa.”

“O se falesa le mea lenei?” Na fesili atu ai Iren. E mau-tinoa lava sa le pei o falesa sa ia vaai muamua i ai. O le tualuga felanulanuai o le fale sa tavi’o agai i luga ona pito. Sa savavali filemu mai i faitotoa tagata sa oofu i ni ofutalaloa lanu moana paauli.

“E tai faapena,” na fai atu ai tina. “O se malumalu a le lotu Puta. Ae e le faaipoipo pe faamau ai ni tagata ii, e pei o a tatou malumalu. O se falelotu mo le ekalesia a Yéyé. E sau o ia iinei e aoao ai i aoaoga a Puta ma fesoasoani i tagata.”


Na faaopoopo mai tamā, “E te manatua le mafuie i Taiuani lea sa tatou vaai i ai i luga o talafou i le masina talu ai? Sa fesoasoani i ai Yéyé ma isi volentia o le malumalu lenei ina ua uma le mafuie.”

“O a a latou mea sa fai?” na fesili ai Ila.

“Ou te manatu sa latou avatu vai i tagata ma tapena le gasu,” o le tala lea a Tama. “Sa latou fesoasoani foi i tagata na leai ni fale e sue se nofoaga e nonofo ai.”

“Oi sole,” na fai mai ai Iren. Sa ataata atu o ia ia Yéyé. “E foliga mai o se galuega tele lena mea!”

O Fanau Uma a le



Ina ua latou o atu i totonu o le malumalu, sa matauina e Iren le filemu ma toafilemu sa i ai. Sa ia tilotilo solo ma vaaia ai se faatagata laupapa tele. Sa tutu Ila ma Iren ma sioa i ai.

“O Puta le la?” O le fesili lea a Ila.

Sa luelue le ulu o Tina.

Sa tautala faaSaina atu Yéyé ia Tama, faapipii faatasi ona lima, ma ifo faatolu i luma o le faatagata o Puta.

“O loo aoao mai e Yéyé ia i tatou le ala e faaali ai le faaaloalo mo Puta,” sa fai mai ai Tama, i si ona leo taumusumusu.

Sa faanunumi faatasi e Iren ona fulufulu mata. “E le o le . . . ?” Sa taumafai o ia e manatua se mea sa faalogo muamua i ai. “E le o le tapuai lena i tupua?”

“O tagata lotu Puta e le tapuai sao ia Puta,” na fai atu ai Tama. “O Puta sa avea ma se faiaoga maoae, ma latou te asiasi mai i lona faatusa e manatua ai mea sa ia aoaoina mai.”

“O se malumalu a le lotu Puta,” o le tala lea a tina.

“O le lotu lea a Yéyé.”

“A ifo la tagata iinei, o loo latou faaali atu le faaaloalo—e tai pei o le lululima,” na musumusu atu ai Tina. “E ifo Yéyé e faaali ai le faaaloalo mo Puta ma mea sa ia aoaoina mai.”

Sa fusi mai e Tina Iren ma Ila. “Ma e te lua iloa la?”

“O le a?” Na fesili ai Ila.

“O fanau uma lava nei a le Atua. E alofa o Ia ia i latou. E fiafia o Ia i mea o loo latou faia e fesoasoani ai i le tasi ma le isi.”

Sa tilotilo atu Iren ia Yéyé ma isi tagata uma o loo nofonofo filemu. Sa ia lagonaina le mafanafana ma le fiafia i lona loto ma iloa e moni le mea na fai mai ai Tina. Sa fai e Iren se tatalo puupuu i le Tama Faalelagi: “Faafetai lava mo le fesoasoani mai ia te au e feiloai i isi Au fanau.” ■

E alala le tusitala i Iuta, ISA.

Atua



E Agalelei Iesu

Saunia e Kim Webb Reid



I se tasi aso sa aoao atu ai Iesu i tagata. Sa o mai ia te Ia nisi o aiga ma a latou pepe ma fanau iti. Sa latou mananao e faamanuia e Iesu a latou fanau.

Sa lei mananao le au soo e faalavelave tamaiti ia Iesu. Sa latou taumafai e tutuli ese i latou.



Sa fetalai atu Iesu i Ona soo, e
 tuu tamaiti e o mai ia te Ia. Sa
 fetalai atu o Ia, e tatau i tagata
 matutua ona i ai le faatuatua
 e pei o tamaiti laiti e o atu ai i
 le lagi.



Ona ave lea e Iesu tamaiti i Ona aao ma faamanuia i latou.




E alofa Iesu i tamaiti. E finagalo o Ia ia ou agalelei i tagata i soo se mea. ■

Mai le Luka 18:15-17

E Mafai Ona Ou Agalelei





Saunia e Elder
Mark E. Petersen
(1900–84)

O Le Korama a
Aposetolo e Toasefululua

O LE TUSI A MAMONA: O SE VAVEGA MONI LAVA

Mai le faavaa i le faavaa, o le Tusi a Mamona o se faaaliga, o se faaliliuga musuia, o le galuega a le Atua ae le o se tagata lava.

Ou te . . . molimau atu i le paia o le valaauga a le Perofeta o Iosefa Samita ma . . . tautino atu lo’u faatuatua i le vaega lea na faaliliuina ma lomiaiina ai le Tusi a Mamona. . . .

I le aso 22 o Setema 1823, i talane o Palamaira, Niu Ioka, sa faaali mai ai e se agelu a le Atua le nofoaga [o papatusi] i se taulealea [e sefulufitu tausaga] lona matua e igoa ia Iosefa Samita. . . .

. . . Sei o tatou mafaufau mo sina taimi le faaliliuga sao o lenei faamau-mauga. Fai mai Iosefa Samita sa ia faia e ala i le meaalofa ma le mana o le Atua. . . . O le le aoaoina e pei ona sa i ai o ia i lona vaitaimi o lona olaga, e leai se isi lava auala na mafai ona ia faia ai. . . .

. . . E mafai [la] faapefea ona fai mai le au faitio o Iosefa Samita, a o talavou, sa atamai tele, o lea e mafai po o le a



mafai ona ia aumaia ma le iloa lelei o fuaitau mai le Tusi Paia ma faia ma le poto ia foliga ai sa o ni vaega o tusiga o le Tusi a Mamona?

Na fai mai lona tina, o le taimi popofou lona o lona olaga, sa lei uma ona ia faitauina le Tusi Paia. E mafai la faapefea ona ia filifilia ma le faaeteete ni fuaitau filifilia ma tuu ma le tala-feagai ma le poto i totonu o le Tusi a Mamona?

O le lei faitauina atoa o le Tusi Paia i le talutalufou o lona talavou, [ma] sa lei lava sona malamalama e faia ai se galuega o faasa’oga faapena, e tusa lava pe sa tomai i le tusitusi po o le [faia o] faasa’oga, sa leai se tasi o ia tomai sa ia te ia i lona taimi talutalufou o lona olaga.

[Ae] o le Tusi a Mamona o se tusi faitau ma se galuega maoae faalelotu, ma e matuai mamao lava ma faamoe-moega loloto po o gafatia a soo se taulealea faifaatoaga. . . .

Mo se faataitaiga, faitau nisi o lauga matagofie a le Faaola o loo i lona tusi. Ia matau, o loo sii mai e le Alii perofeta o le Tusi Paia. Pe tatau la ona tatou faapea, na i ai ia Iosefa Samita e lei aoaoina le lototoa po o le tomai e toetusi ai lauga a le Faaola ma tuu i ai fuaitau o le [Tusi Paia], ma le manatu e faaleleia atili ai fetalaiga a Iesu?

. . . Sa lei satia e [Iosefa Samita] . . . le galuega a Mamona, o lauga a Iesu, le puipuiga ofoofogia a Apinani, po o tusitusiga a Malaki po o Isaia. O lana [matafaioi] patino o le faaliliu upu, sa le o se faatonu po o se fatutala; pe sa o ia foi o se gaoui e kopiina galuega a se isi tagata. . . .

Mai le faavaa i le faavaa, o le Tusi a Mamona o se faaaliga, o se faaliliuga musuia, o le galuega a le Atua ae le o se tagata lava. Mai le faavaa i le faavaa e moni lava. ■

Mai le “Sa o se Vavega Lava!” Ensign, Nov. 1977, 11–13.



**MORONAE O LOO AOAIOINA IOSEFA,
SAUNIA E CLARK KELLEY PRICE**

I le po ma le taeao o le aso 21–22 o Setema, 1823, sa tau atu ai e le agelu o Moronae ia Iosefa Samita e uiga i papatusi auro. Sa alu atu Iosefa i le Mauga o Kumora, ae sa le mafai ona aveese mai papatusi aua sa ia lagonaina le faaososoina e faaoga ia mauoa ai. Na toe faaali mai Moronae ma faasino mai ia Iosefa “le mamalu o le Alii” ma le “aloalii o le pogisa.” Sa faamalalama mai e Moronae le faamoemoega o na faaaliga vaaia eseese: “ina ia amata atu nei ona e iloa ai ia mana e lua, ma ia le faatosinaina lava pe faiaina i lena mana amioleaga.” (Tagai i le Latter-day Saints’ Messenger and Advocate, Oke. 1835, 196–98.)

E i Ai Foi i le Lomiga Lenei

MO TALAVOU MATUTUA

FAATOILALOINA O LE MATAUTIA O LE MASALOSALO

E pei lava o laau e faapena ona le mailoa le osofaia e faama'i, e mafai foi ona faavaivaia o tatou a'a faaleagaga e le masalosalo. E mafai faapefea ona tatou tetee atu i le masalosalo i taimi o faigata?



i. 44

MO LE AUTALAVOU



i. 58

SEFULU MINUTE I LE ASO

Na maua e ni tagata talavou se toalima le suiga i o latou olaga e ala i le suitulagaina o le 10 minute o le aso e matamata ai le televise i le faitauina o le Tusi a Mamona. Talia le lu'i mo oe lava ia!

MO TAMAITI

Faitauga i le Konafesi

O se auala manaia ma malie lenei e matau ai mea na saunoa mai ai le perofeta ma aposetolo i le taimi o le konafesi aoao!



i. 66

